


**Dagiti Pangsabado a Leksion Manipud iti Biblia
Nataengan a Benneg**



Dagiti Adal Iti
Surat ni Santiago

Vol. 100, No. 4
Octobre-Diciembre, 2024

Dagiti Naipalaon

1. Ti Mensahe ti Dios Babaen ken Santiago	5
2. Sirib a Pangsaranget	10
3. Panangsango Cadagiti Sulisog	15
4. Isaad ti Pammati iti Panangsanay	20
5. Panangparmac iti Panangidumduma	26
6. Pammati nga Agtignay	31
7. Agcargcararag Sacbay iti Panangilucac iti Ngiwat	36
8. Panangpili No Ania iti Panunoten	41
9. Kinaemma ti Sirib	46
10. Panangparmac Cadagiti Problema iti Ugalitayo.....	52
11. Panangadaptar iti Napacpakumbaba a Kapanunotan	57
12. Panangipamaysa iti Langit	62
13. Macaandor babaen iti Pammati	67

Dagiti Pangsabado a Leksion, inaldaw a programa ti panagadal, naibasar laeng iti Biblia ken Espiritu ti Padto nga awanan iti nainayon a komento. Dagiti naadaw a sasao ket ababada a mangipaay iti natarus a kapanunotan. Naipaay dagiti braket [] kadagiti sumagmamano a kaso tapno maipasigurado ti kinalawag, umiso a kaipapan ken nalinis ken nalaka a mabasa. Mairekomenda ti ad-adda pay a panangadal kadagiti nairekomenda a pablaak

Illustrations: Sermonview on the front cover; Map Resources on pp. 4, 51, 72.

Copyright © 2024 by the Seventh Day Adventist Reform Movement General Conference, Sabbath School Department, 5240 Hollins Road, Roanoke, Virginia 24019, USA. Telephone: 1-540-362-1800 * www.sdarm.org * E-mail: info@sdarm.org

Sabbath Bible Lessons (USPS 005-118), Vol. 100, No. 4, October-December 2024. Published quarterly by the Seventh Day Adventist Reform Movement General Conference, Sabbath School Department. Printed, and distributed by Reformation Herald Publishing Association, 5240 Hollins Road, Roanoke, Virginia 24019-5048, U.S.A. Periodical postage paid at Roanoke, Virginia 24022-9993.

• U.S.A. and Canada

Contact: Telephone 1-540-366-9400 • Website: www.reformationherald.com •

E-mail: info@reformationherald.org

Pauna a Sarita

Ti surat ni Santiago ket nadiretso. Kasapulantayo unay dagiti mensahe nga adda ditoy ita! Ngarus para iti sumaruno a tallo a bulan dagiti estudiante ti Eskuela Sabatina iti sangalubongan anagenda Dagiti Adal iti Surat ni Santiago. Napapateg a punto iti impluensia ti dila (para iti imbag wenno dakes), panagtulnog iti Dios babaen iti pammati, ti pannacabalin ti cararag, ken ti ehemplo ni Eias ket sumagmamano laeng a topico. Apay a maikanatad amin dagitoy ita?

“Ti basol iti daytoy a panawen isu ti saan a panangikankano cadagiti bilbilin ti Dios. Ti bi-leg ti influensia iti biddut a turong ket naindaclan unay.”—*Testimonies*, vol. 3, p. 483.

“Awan coma iti mangallilaw cadagiti bagbagida iti patpatien nga agbalinda a santo bayat a salsalungasingenda ti maysa cadagiti bilin ti Dios. Ti panagaramid iti ammon a basol paulime-kenna ti agsacsi a timec ti Espiritu ken isinana ti cararua iti Dios. 'Ti basol isu ti salungasing iti liteg.' Ket siasinoman nga agbasol,[salungasingenna ti linteg] saanna nakita, ket dina met naammoan.”—*The Great Controversy* p. 472.

“Ita kasapulan ti timec ti napinget a tubngar; ta nakana a basbasol ti nangisina cadagiti tattao iti Dios. Ti kinagulib ket napasas nga agbalinen a moda. 'Dimi cayat nga agari daytoy cadacami. Luke 19:14. Dagiti nalamuyot a sermon a masansan a maicascasaba saan a mangipaay iti napaut a maldit; saan nga ipaay ti trumpeta ti masinunuo nga aweng. Saan a simmarut iti puso dagiti tattao ti nalawag, natadem a kinapudno ti sao ti Dios.

“Nakad-adu dagiti agkunkuna a Cristianona, a no ipeksada ti pudno a riknada, ibagada. Apaya kasapulan ti agsao a silalawag unay? Mabalin a damagenda met, Apay a ni Juan Bautista nagsao cadagiti Fariseo, 'O caputotan dagiti carasaen, asino ti namalacad a pumanawcayo iti pungtot nga umayto?' Luke 3:7. Apay a prinobokama ti pungtot ni Herodias babaen iti panangi-baga kenni Herodes a saan a nainkalinteg ti makidenna iti asawa ni cabsatna? Ti umun-una ken Cristo napucawna ti biagna babaen iti nalawag a panagsaona. Apay a saan a nagtignay a saanna a pinagura dagidiay agbibiyag iti basol?

“Ngarud dagiti tatao nga agtacder cas namatalec nga agaywan iti linteg ti Dios inrasonda, agingga a ti pagannurotan alaenna ti saad ti kinamatalec ket ti basol mapalubosan a saan a matubngar. Kaano a mangngegan manen ti timec ti namatalec a tubngar iti iglesia?”—*The Prophets and Kings*, 140, 141.

“Nawadwad a sagana ti naaramid para iti tunggal anac ni Adan a lalaki ken babai tapno magun-odan ti tunggal maysa ti pannakaammo iti ndiosan a pagayatan, tapno maan-anay ti Nacristianoan a cababalin ken tapno mapasudi babaen iti pammati.”—*Testimonies*, vol. 2, p. 644.

Pudno unay a kasapulantayo ti tulong ti Dios ken silalawag a naipatalged "tunggal napasneca a cararag a naisaad iti pammati para iti aniaman, masungbatan. Mabalin a saanda a sumangbay cas namnamentayo, mabalin a saan a cas iti in-gacattayo, no di ket iti mismo a tiempo a casapulan unay ida”—*Ibid.*, vol. 3, p. 209. Amen!

Departamento ti Eskuwela Sabatina Conferencia Heneral

Umuna a Pangsabado a Daton para iti Capilia ti Reading, PennSylvania, USA

Ti Akindaya a Tay-ac ti Estados Unidos (EUSF) ket nabingay iti 8 a disso a binukel dagiti estado ti Pennsylvania, New York, Connecticut, Rhode Island, Massachusetts, Maine, Vermont, New Hampshire, Ti trabaho ti Pennsylvania ti addaan naspapas a panagdur-as ita.



Napattapatta a nasuroc a 53% a tattao iti daytoy nga estado ti relihioso - buclen dagiti Metodista, Lutherans, Baptist, Pentecostes ken sabali pay cas Catolico a 28.3%. Iti nasapsapa nga al-aldaw ti colonia, ti Pennsylvania ket nagbalin a lugar a pagkamangan dagiti gan-gannaet nga agsapsapul iti narelihionan a wayawaya tapno malibasanda ti pannakaidadanes idiaiy Europa. Daytoy a pakasaritaan ket nalawag iti dackel a bilang dagiti mamati nga Amish nga agtultuloy nga agnanaed iti nalawa a katalalonan iti interio a pagilian ti Lancaster, agbadbadoda cadagiti simple a lupot ken agbiahe babaen iti kabalio ken bassit a lugan nga awanan abbong.

Iti panaglabas dagiti tawen, sumagmamano a miembro ti SDARM ti nagnaed iti Pennsylvania ken naipaay ti panagsanay ti misionero ditoy. Ngem ti agdama a panakapabileg manen iti interes iti agdama a kinapudno ket nangrugi idi 2016 iti ciudad ti Reading kalpasan a dua a miembro ti immay ditoy a naggapuda idiaiy New York. Ti grupo dimmackel ket nairugi ti gimong cada malem ti Sabado, aguornong iti parkingan iti kalgaw ket iti uneg ti maysa a cabsat a babai no panaglalamiiis. Calpasan ti sumagmamano a panagadal adu ti nabautisaran iti pammati ti Reporma.

Ti Reading ket addaan iti nasuroc a 95,000 a populasyon ken daytoy ti sentro ti panagpartuat (manupactora) para cadagiti component, usar medico, energy-storage technology ken adu pay. Ti iglesiatayo ditoy ita ti kalawaan iti uneg ti Easter U.S. Field, Adu pay a cararua ti maisagsagana a makitipon iti ili ti Dios. Iti agdama, ag-gimongkami iti naabangan a facilidad ket kayatmi ti mangipasdec ken mangpalawa para iti nain-indaclan a panagtrabahomi. "Sadino man a pakaibanganan ti bunggoy dagiti mamati, maibangon coma ti balay a pagdaydayawan. . . . Iti adu a lugar a nakaicasabaan ti evangelio ket dagiti cararua inawatda daytoy, limitado ti pasamacda ket bassit laeng ti maaramidda a manggun-od cadagiti gundaway a mangted iti caba-balin ti trabaho. Masansan a mangparigat daytoy iti ilalawa ti trabaho."—*Evangelism*, p. 376.

Iti casta, agdawatkami cadagiti cacabsat ken makipagrikna iti intero a lubong a tulongandakami a mangsucog iti balay a pagdaydayawan iti lugar ti Reading, tapno ad-adu pay a cararua ti maiserrec iti arban. Ti naayat a kinamanagitedyo ket naindaclan a mabigbig ket ti Dios ti mangbendicion cadacayo.

Dagii cacabsatyo manipud iti Eastern United States Field

Ti Mensahe ti Dios babaen ken ni Santiago

IMMEMORIA A TEXTO: “Ni Santiago nga adipen ti Dios ken ni Apo Jesu-Cristo, cumablaaw cadagiti sangapulo ket dua a tribu a nawwarawara” (Santiago 1:1).

“Awan ti tao, awan ti nacion a perfecto iti tunggal ugali ken kapanunotan. Ti maysa masapul nga agadal iti sabali. Gapuna a kalikaguman ti Dios dagiti nagduduma a nacionalidad nga agtitiponda tapno agmaymaysada iti panangusig, iti maysa a paggep. Iti casta ti panagkaykaysa nga adda ken ni Cristo ket maitag-ay.”—*Testimonies*, vol. 9, pp. 180, 181.

Maisingasing a Basbasaen : *Testimonies*, vol. 9, pp. 190–203.

Domingo

Setiembre 29

1. DAGITI DISIPULO NI CRISTO

a. Sino dagiti tallo a lallaki nainaganan "Santiago" a nakikadua ken Cristo - sino ti maysa a masansan a madmadlawtayo? Mateo 10:2, 3; 13:55.

b. Inaganan ti sumagmamano a naisangsangayan a kanito a panagcadua da Jesus ken ni Santiago a cabsat ni Juan. Lucas 8:51–55; Mateo 17:1, 2; Marcos 14:32–34.

“Ni Juan nga anac ni Zebedeo, maysa cadagiti umuna a dua a disipulo a simmurot ken Jesus. Isuna ken ni Santiago a cabsatna ti maibilang a kunaan a grupo a nangpanaw iti amin para iti servicioNa. siraragsacda a nangpanaw iti pagtaengan ken gagayyemda tapno makikaduada Kencuana; nakipagna ken nakisaoda Kencuana; nakaduada Isuna iti kinapribado ti pagtaengan ken cadagiti ummong publico. PinaulimecNa ti butengda, inispalNa ida iti peggad, pinabang-arNa ti panagsagabada ken liniwliwaNa ti ladingitda ket buyogen ti anus ken dungngo a sinuroanNa ida, agingga a ti pusoda caslan naikawar Kencuana ket iti bara ti ayatda kinalicagumanda nga isuda coma ti kaasitgan Kencuana iti pagarianNa.”—*The Desire of Ages*, 548.

“Iti asideg ti sumrecan nga agturong iti hardin, pinanawan ni Jesus ida amin ngem tallo cadagiti disipulos ti binilinNa nga agcararag para cadagiti bagbagida ken para Kencuana. Dagitoy tallo a disipulos ti kaasitgan a cadua ni Cristo. . . . Ita iti naindaclan a pannakigubalNa, kinalikaguman ni Cristo ti presenciada iti asidegNa. Masansan a palabsenda ti rabii a mangcad-cadua Kencuana iti panagpacniNa.”—*Ibid.*, p. 686.

2. YIINUM ITI COPA

- a. **Iladawan ti orihinal a panggep ni Santiago, anac a lalaki ni Zabadeo, a cadua ti cabsatna a ni Juan. Marcos 10:35–38.**
-

“Iti tunggal mabalin a gundaway, alaen ni Juan ti lugarna iti sibay ti Mangisalacan, ket ni Santiago kalikagumanna met ti mapadayawan cas nadecket a maicadua Kencuana.

“Ti inada pasurot met ni Cristo ket serservianna Isuna a sibubuslon iti a cabaelan-na. Buyogen ti nainaan nga ayat ken ambisyon para cadagiti annacna a lallaki kinalicagumanna para cadacuada ti kadayawan a saad iti baro a pagarian. Para iti daytoy a napabilegna ida nga agaramid iti kiddaw

“Nagcucuyog ti ina ken dagiti annacna a lallaki a napan ken Jesus, kidkiddawenda a patganNa ti kiddawda a naisaad iti pusoda.

“ ‘Ania ti kayatyo nga aramidec coma cadacayo? sinaludsodNa

“Simmungbat ti ina, ‘ipaaymo nga agsaadcami coma iti dayagmo, ti maysa iti macannawanmo ket ti sabali ti macatigidmo, iti pagariam.’

“Sidudunggo ni Jesus a nanganus cadacuada, saanNa a tinubngar ti kinamanag-imbubucodda iti panangikagumaan a maiyun-una ngem cadagiti cacabsatda. NabasaNa ti pusoda, ammoNa ti kauneg ti ayatda Kencuana. Ti ayatda ket saan laeng a nataoan nga ayat; nupay tinulawan ti kinaindagaan ti nataoan a kalasuganna, agluplupias daytoy manipud iti ubbog ti bucodNa nga ayat a mangsubbot. Saan Isuna a mangtubngar, no di ket paunegenNa ken dalusanNa. Kinunana, ‘Mabalinyo aya ti uminum iti copa nga inumac, wenno mabautizaran iti pammutizar a pacabautizarac?’ Linagipda dagiti nacacascasdaaw a sasaoNa, mangitududo cadagiti suot ken panagsagaba, ngem simmungbatda a sitatalec, ‘Mabalinmi.’ Ibilangda a cangatoan a dayaw ti mapanecnecan a napudnoda babaen iti panangibingayda iti amin a mangtinnag iti Apoda.

“ ‘Iti copa nga inumac, uminumcayto ket iti pammutizar a pacabautizarac mabautizarancayto,’ KinunaNa; iti sangoNa maysa a cruz imbes a trono, dua a mannibrong ti caduaNa iti makannacan ken makattigidNa.”—The Desire of Ages, 548, 549.

- b. **Eksacto cas impacpakauna ni Cristo, ania ti napasamac cada Santiago ken iti cabsatna a ni Juan, calpasan ti panagpangato ti Apo? Aramid 12:1, 2; Apocalipsis 1:9.**
-

“Da Juan ken Santiago makibingayda iti Apoda iti panagsagaba, ti maysa, umuna iti agcabsat ti mapapatay iti espada; ti sabali, cabayagan iti amin nga agandor iti pammarigat ken babalaw ken pannakaidadanes.”—*Ibid.*, 549.

3. SINO TI NANGISURAT ITI SURAT?

- a. **Kasano nga inladawan ti Inspirasyon ni Santiago, ti anac ni Alfeo - maysa cadagiti sangapulo ket dua a disipulo (saan a ken Zebedeo a cabsat ni Juan)? Marcos 15:40.**
-

“Adda ni Levi Mateo nga agsingsingir iti buis, naayaban manipud iti negosio, ken natulnog idiy Roma; ni panatico a Simeon, ti saan a maitulag a cabusor ti turay ti imperio; ti nadursoc, makaanay iti bagina, naayat a Pedro cadua ni Andres a cabsatna; Judas ti Judea, natacneng, nalaing; Felipe ken Tomas, namatalec ken napasnec, nupay nabuntog ti pusona a mamati; Santiago ken Judas saan unay a nalatac cadagiti cacabsat ngem lallakida a napuwera, positibo cadagiti biddut ken singpetda; Natanael ubing iti kinasinero ken talec; ken ti ambisioso, managayat a putot ni Zebedeo.”—*Education*, pp. 85, 86.

- b. **Apay a ti nangisurat iti surat ni Santiago (nadacamat a maysa nga apostol idinto a personal nga ammona ti Apo) cabsat ni Cristo iti ina - ken kasano a ti panangiladawanna iti bagina ipakitana a ti cababalinna ket nabaliwan babaen iti impluensia ti Apo? Santiago 1:1 umuna a gudua).**
-

“Ni Cristo saan a naawatan dagiti cacabsatna; ta saan Isuna a cas cadacuada. Nagtrabaho Isuna a mangpabang-ar iti tunggal kaso ti panagsagaba a makitaNa; ket kanyon nga agballigi. Bassit laeng ti kuwartaNa a maipaayNa ngem masansan nga it-edNa ti bukodNa a napacumbaba a taraon cadagidiay ad-adda nga agcasapulan ngem iti Bagina. Naricna dagiti cacabsatNa a ti impluensiaNa ket mangkontra cadacuada; ta idi nagsaoda a siguggubsang iti napanglaw, naibaba a cararua a nakadennada, pabangaren ni Cristo dagitoy ket isaoNa dagiti makapapigsa cadacuada. Ket no addada iti ummong ti familia, awanen ti maaramidNa, agul-ulimec lattan no mabalin, ipaayNa ti copa ti nalamiis a danum cadagiti nakaay-ay-ay a parsua a padpadasenNa a tulongan ket ipaayNa ti bucodNa a taraon cadagiti imada.”—*This Day With God*, p. 59.

- c. **Kasano nga impakita ni Pablo ti respetona para ken Santiago, ti cabsat ni Jesus? Galacia 1:17–19; Aramid 21:18.**
-

4. PANANGLAWLAWAG ITI SUMAGMAMANO NGA ISYU

- a. **Ania ti mangipanayag a ni Santiago, a cabsat ni Cristo, ket lalaki nga addaan iti impluensia iti maysa nga importante a conseho iti nasapa nga iglesia? Aramid 15:5, 6, 13, 19, 20.**
-

“Iti daytoy a pasamac napili ni Santiago nga isu ti mangipakaammo iti napagde-sisyonan ti conseho. Inkeddengna a ti linteg ceremonial, kangrunaanna ti ordinansa ti panagcugit, saan nga ipilit cadagiti Gentil, wenna uray pay irecomenda cadacuada. Inkagumaan ni Santiago nga imaldit iti panunot dagiti cacabsatna ti kinapudno nga iti panagsubli iti Dios nakaaramiden dagiti Gentil iti naindaclan a panagbalbaliw iti biag-da gapuna a naindaclan nga annad ti maipakat tapno saanda a maririboc iti makakumi-com ken mangduadua a salsaludsod a saan met unay nga importante, di la ketdi ta mauppapayda a sumurot ken Cristo.”—The Acts of the Apostles, 195.

- b. **Ania ti gagangay a makunkuna —ngem biddut —a panangtonton ti nasuppiat babaen ti nalatac nga akem ni Santiago iti daytoy napateg a conseho? Mateo 16:18.**
-

“Ni Santiago ti nangidaulo iti conseho, ket ti maudi a pangngeddengna ket, ‘Gapuna. iti panagiptoc ditay coma riribuken dagiti Gentil nga agsubi iti Dios.’

“Daytoy ti nagpatinggaan iti diskusion. Iti daytoy a pasamac addaantayo iti panangsuppiat iti doktrina nga iggem ti Iglesia Catolica Romana a ni Pedro ti ulo ti iglesia. Dagidiay, cas papa, nangibagbaga nga isuda ti simmaruno kencuana, awan ti pundasionna Iti Biblia para iti panagpammarangda. Awan ti aniaman iti biag ni Pedro a mangted iti pammalubos iti panangibagna nga isu ket naipangato iti ngatoen dagiti cacabsatna cas mangibagi iti Cangatoan. No dagidiay naideklara a simmucat ken ni Pedro sinurotda ti ulidanna, kanayon coma a mapnekda nga agtalinaed a maipada cadagiti cacabsatda.”—*Ibid.*, pp. 194, 195.

“Saan nga inkumit ti Mangisalacan ti trabaho ti evanghelio ken ni Pedro cas individual. Iti naud-udi a panawen, inulitna dagiti balikas a naisao ken Pedro, direkta nga inyaplikarNa dagitoy iti iglesia. Ket isu met laeng ti anag a naisao met cadagiti sangapulo ket dua cas mangibagi ti bagi dagiti namati. No inted ni Jesus ti aniaman nga espesial a turay iti maysa cadagiti adalan a nangatngato ngem cadagiti dadduma, saantayo coma a masaracan ida a masansan nga agsusuppiat no siasino ti rumbeng a katan-ocan. Nagpasakupda coma iti tarigagay ti Apoda, ken padayawanda daydiay piniliNa.”—The Desire of Ages, 414.

5. TI ISRAEL TI DIOS

- a. **Para ken sino a naisurat daytoy a surat - ken kasano nga iramanna amin nga umawat ken Jesus cas Apo? Santiago 1:1 (maicadua a gudua); Galacia 3:27-29.**

“Cadagiti Israel ti Dios ket mabilang ti adu a saan a caputotan ni Abraham maiyalubog ti lasag”—The Prophets and Kings, 367.

“Ti biag ni Cristo nangipasdec iti rehigion nga awan ti estado, maysa a rehigion a dagiti Judio ken Gentil, nawaya ken adipen, ket naisilpo iti gagangay a panagcacabsat, nga agpapada iti sangoanan ti Dios.”—Testimonies, vol. 9, p. 191.

“Ti Kristianidad mangaramid iti natibker a singgalut ti panagkaykaysa iti nagbaetan ti apo ken adipen, ari ken iturayan, ti ministro ti evangelio ken ti nababa a managbasol a nakasarac ken Cristo iti pannakadulus manipud iti basol.”—The Acts of the Apostles, 460.

- b. **Iti padto, ania a nagan ti naited iti maudi a naespirituan nga Israel —ken kasano a nailadawan ti kapadasanda sacbay la unay ti panagsubli ni Cristo? Apocalipsis 7:4.**

“Iti mabiiit mangngegtayo ti timec ti Dios a cas iti adu a danum, a mangted cadatayo iti aldaw ken oras ti yaay ni Jesus. Dagiti sibibiag a sasanto, 144,000 ti bilangda, ammoda ken maawatanda ti timec, idinto ta ipagarup dagiti nadangkes a gurruod ken ginggined dayta. . . .

“Dagiti 144,000 nselioada amin ken naan-anayda a nagkaykaysa. Iti muingda adda dagiti sasao a Dios, Baro a Jerusalem, ken nadayag a bituen a naglaon iti baro a nagan ni Jesus. Iti naragsac, nasantoan a kasasaadtayo makapungtot dagiti nadangkes, ket agdardarasda a siraranggag nga agpangato tapno dangrandatayo tapno ipuruacdatayo iti pagbaludan, inton iyunnatayo ti ima iti nagan ti Apo, ket matnagda nga awan ti maaramidanda iti daga. Kalpasanna, ammo ti sinagoga ni Satanas nga inayatnatayo ti Dios, a nangbuggo cadagiti saka ti maysa ken maysa, ken agsaludo cadagiti cacabsat babaen ti nasantoan nga agec, ket nagdaydayawda iti sakaanantayo.”—Testimonies, vol. 1, p. 59.

PERSONAL A PANGREPASO A SALSALUDSOD

- 1. **Kasano a ni Santiago nga anak ni Zebedeo dimmackel nga ad-adda cas ken Cristo?**
- 2. **Kasano a ni Santiago a cabsat ni Jesus, dimmackel nga ad-adda cas ken Cristo?**
- 3. **Ania dagiti evidencia iti Biblia ti mangipakita a ni Pedro ket saan nga ulo dagiti apostol?**
- 4. **Kasano nga inlawlawag ni Pablo ti panagkaykaysa ken agpadpada a pateg ti amin a Cristiano?**
- 5. **Ania ti mangiladawan iti kaudian a balligi ti naespirituan nga Israel ti Dios?**

Sirib a Pangsaranget

IMEMORIA A TEXTO “Ngem no siasinomnan cadacayo agcurang iti kinasirib, * agdawat coma iti Dios, isu a mangted a sicacaasi cadagiti isu-amin, ket saan a mangpabain ket maitedto kencuana.” (Santiago 1:5).

“Saanno a kasapulan ti mapan cadagiti ungtu ti daga para iti sirib ta ti Dios adda iti asideg. Saan a cadagiti capabilidad a cucuam ita wenna matagicuam ti mangted kenca iti balligi. No di ket dayta maaramid ti Apo para kenca. . . . KalicagumanNa nga ipaay kenca ti pannakaawat cadagiti temporario a banbanag casta met iti naespirituan. Mapatademna ti sirib, maitedNa ti talna ken siglat. Isaadmo dagiti talemto iti traba, agkiddaw iti Dios para iti sirib ket maipaayto kenca.”—Christ’s Object Lessons, 146.

Maisingasing a Basbasaen : *Testimonies, vol. 1, pp. 120, 121; vol. 2, pp. 232–235.*

Domingo

Octobre 6

1. PANAGPACPACAASI PARA ITI SIRIB

- a. **Apay a pudno unay a kasapulantayo ti nalablables ngam iti nataoan a sirib iti biag, ken kasano a makadanon dayta cadatayo ? Santiago 1:5.**

“Masapul nga addaantayo iti adayo a basbassit a panagtalec iti maaramidan ti tao ken adayo nga ad-adu ti panagtalectayo iti maaramidan ti Dios para iti tunggal mamati a cararua. Il-iliwenNa a danunem Isuna babaen iti pammati. Il-iliwenNa a namnamaem dagiti naindaclan a banag manipud Kencuana..”—Christ’s Object Lessons, 146.

“Ti panagdenggeg laeng cadagiti sermon iti tunggal aldaw a Panaginana, ti panagbasa iti Biblia ruging inggana ungtu, wenna ti panangilawlawag iti daytoy versiculo por versiculo, ket saan a makagunggona cadatayo wenna cadagiti dumdungge cadatayo, malacsid no iyegtayo dagiti kinapudno ti Biblia iti individual a padatayo. Ti pannakaawat, ti pagayatan, dagiti dungngo, masapul a maiisuco iti pannenggel ti sao ti Dios. Kalpasanna babaen iti aramid ti Espiritu Santo dagiti pagalagadan ti sao agbalinto a prinsipio ti biag.

Bayat ti panagdawatmo iti Apo a tulongannaca, dayawem ti Mangisalacanmo babaen ti panamati a talaga nga umawatca iti bendicionNa. Amin a pannacabalin, amin a sirib, addada iti babaen ti pangbilintayo. Masapul laeng a kiddawentayo.”—*The Ministry of Healing*, p. 514.

2. NAPAPIGSA BABAEN ITI TALEC

- a. **Kasano a magungonaantayo no ibilangtayo ti sirib ti Dios nga adayo a nangatngato ngem iti siribtayo, uray cadagiti gagangay a banbanag iti biag? Proverbio 3:3–8.**
-

““No asinoman cadakayo ti agkurang iti sirib, agdawat coma iti Dios, a mangted iti amin a tattao a sibubuslon, ket saan a mangbabalaw; ket maitedo kencuana.’ Ti casta a kari ket napatpateg ngem iti balitoc wenna pirac. No buyogen ti napakumbaba a puso sapulem ti nadosan a panangiwanwan iti tunggal riribuk ken pakakumikuman, Inkari ti saoNa a maited kenka ti naparabur a sungbat. Ket ti saoNa pulos a saan a mapaay. Mabalin nga aglabas ti langit ken daga, ngem saan a pulos a lumabas ti saoNa. Agtalekca iti Apo, ket dikayto pulos maibabain wenna mabainan. ‘Nasaysayaat ti agtalec iti Apo ngem ti agtalec iti tao. Nasaysayaat ti agtalec iti Apo ngem ti agtalec cadagiti prinsipe.’

“Aniaman a poisisyon iti biag a mabalin a pagsaadantayo, aniaman ti negosiotayo, masapul anapakumbabatayo tapno mariknatayo ti panagkasapulantayo iti tulong; masapul nga agsanggirtayo a sipapasnec cadagiti pannursuro ti sao ti Dios, bigbigentayo ti panangipaayNa iti amin a banag, ken agbalintayo a napudno iti panangibocboc cadagiti cararuatayo iti cararag. Agsanggirkayo iti bukodyo a pannakaawat, patgen a cacabsat, bayat ti panagdaliasatyo iti lubong, ket agapitkayo iti ladingit ken pannakaupay. Agtaleccayo iti Apo iti amin a pusoyo, ket iturongNanto dagiti adangyo iti sirib, ket natalgedto dagiti interesyo para iti daytoy a lubong ken iti sumaruno. Kasapulanyo ti lawag ken pannakaammo. Agpabalacadayo iti Dios wenna iti bukodyo a puso; ket magnacayo cadagiti dalipato ti bukodyo a panagsindi, wenna urnongenyo dita bagiyo ti nadosan a lawag manipud iti Init ti Kinalinteg.”—*Testimonies*, vol. 5, p. 427.

- b. **Apay a kasapulan a pusotentayo dagiti bagbagitayo manipud iti nadagsen a pagnagsangir iti sabali a tao para iti pannakaibagnus? Jeremias 17:5–8.**
-

“No tumaud dagiti pannakariro, ken maipasango kenca dagiti pakaricutan, dika agsapul iti tulong iti sangataoan. Italec ti amin iti Dios. Ti nakasanayan a panangibaga cadagiti pakarigantayo iti sabali ket mangpakapuy laeng cadatayo, ken awan ti iyegna a pigsa cadacuada. Ipaayna cadacuada ti dadagsen dagiti naespirituan a kinakapuytayo, a saan a makabang-aran. Sapulentayo ti pigsa ti agbidbidut, limitado a tao, idinto a mabalin a maaddaantayo iti pigsa ti di agbidbidut, awan patinggana a Dios.”—*Christ’s Object Lessons*, 146.

3. PANANGSUCOG ITI NAIN-INDACLAN A KINATIBKER

- a. **Ania a kondisyon ti masapul a matungpaltayo sacbay a sungbatan ti Apo ti kid-dawtayo? Santiago 1:6 (Umuna a paset); Marcos 11:24. Ilawlawag ti maysa nga ehemplo no kasano nga ikeddengtayo ti mangsucog iti pigsá mainaig iti daytoy. 1 Corinto 6:3–5.**
-

“Manmano ti makaamiris cadagiti pagrebbengan nga adda cadagiti sumagmamano a ministro a mangawit cadagiti dadagsen iti daytoy a panggep. Masansan nga awagan dagiti cacabsat dagitoy a lallaki manipud iti trabaho a mangasikaso cadagiti babassit a banagda, wengo tapno risutenda ti sumagmamano a pannuboc ti simbaan, a mabaelanda ken rumbeng a tamingen cadagiti bagbagida. ‘No asinoman cadacayo ti agkurang iti sirib, agdawat coma iti Dios, a mangted iti amin a tattao a sibubuslon, ket saan a mangabalaw; ket maitedto kencuana. Ngem agdawat coma buyogen ti pammati, nga awan ti agkullayaw.’ Masapul a napasnec ken napinget. No saan a determinado, nga agtultuloy nga agduadua no pudno nga aramiden ti Apo ti inkariNa, awan ti maawatna.

“Adu ti kumita cadagiti ministroda a mangisangbay cadacuada iti lawag manipud iti Dios, a kasla ipagarupda daytoy a nalaklaka a wagas ngem ti agbalin a mariribuk a mapan iti Dios para cadagiti bagbagida. Ti casta adu ti mapucawda. No inaldaw a surotenda ni Cristo ken pagbalinenda Isuna a bagnus ken mamalbalacadda, mabalin a magun-odda iti nalawag a panna-kaammo iti pagayatanNa, iti kasta makagun-odda iti napateg a kapadasan. Gapu iti kinakurang daytoy a kapadasan, dagiti cacabsat a mangibagbaga iti kinapudno magmagnada cadagiti daliputo a sinindian ti sabali; saanda nga am-ammo ti Espiritu ti Dios ken awan ti pannakaammoda iti pagayatanNa, iti casta nalakada a matignay manipud iti pammatida. Saanda a natalged agsipud ta nagtalecda iti sabali a manggun-od iti kapadasan para cadacuada.”—*Testimonies*, vol. 2, pp. 643, 644.

- b. **Iti ania ti pakaidasigan ti agkunkuna a Cristiano nga addaan iti pammati a mangrugin nga agpallong? Santiago 1:6 (umuna a paset); Genesis 49:4 (umuna a paset). Kasano a maliclikantayo daytoy?**
-

“Ti pammati ti caadduan a Cristiano agpallong no kanayon a baybay-anda ti agtataripnong para iti komperensia ken kararag.”—*Ibid.*, vol. 4, p. 106.

“Alaem ti sao ni Cristo a cas talgedmo. SaanNaca kadi nga inawis nga umasideg Kencuana? Dimo pulos palubosan ta bagim nga agsao iti kinaawan namnama, naupay a wagas. No aramidem dayta adu ti mapukawmo. Babaen ti panangkitam cadagiti langa ken panagreklamo no dumteng dagiti pakarigatan ken pakaguguran, mangtedca iti pammaneknek iti masacsakit, nakapuy a pammati. Agsao ken agtignayca a kasla saan a maparmec ti pammatim.”—*Christ’s Object Lessons*, 146, 147.

4. PANANGLICLIC ITI NABINGAY A PUSO

- a. **Kasano a masiguradotayo a ti cararagtayo para iti sirib ket masungbatan? Lucas 18:1; Santiago 1:6, 7.**

[Ti] panagkiddaw iti sirib ket saan nga awan ti kaipapananna a cararag, awan iti panunot apaman a malpas. Daytat' cararag a mangiyebkas iti napigsa, napasnek a tarigagay ti puso, a tumaud manipud iti sipupuot a kinakurang ti sirib a mangipasir iti pagayatan ti Dios.

“Kalpasan a maaramid ti cararag, no ti sungbat saan a dagus a matungpal, dikay mabannog nga aguray ket agbalinkayo a di natalged. Saan nga agpallong. Kumpetkayo iti kari, ‘Matalec Isuna nga umawag cadacayo, nga aramidennanto met dayta.’ Cas iti napinget a balo, idagadagayo ti kasoyo, a sititibker iti panggepyo. Napateg kadi ken dackel ti banagna kadacayi? Sigurado a casta. Ngarud saancayo nga agkullayaw, ta mabalin a masuboc ti pammatiyo. No ti banag a tarigagayam ket napateg, maikari dayta iti napigsa, napasnek a panagregget. Adda kenca ti kari; agbantay ken agcararag. Agbalinca a natibker ket masungbatan ti cararag; ta saan kadi a ti Dios ti nangikari? No gubuyenna kenca ti dackel a banag tapno magun-odmo dayta, natapatgetgo no magun-odmo. Silalawag a naibaga cadacayo a no agduaduacayo saanyo a panunoten nga umawatkayo iti aniaman manipud iti Apo. Naited ditoy ti pakdaar a saan a mabannog, no di ket agtalec a sititibker iti kari. No agdawatcayo, Isu mangted a sicacaasi cadagiti isu-amin ket saan a mangpabain.

“Ditoy ti pagkamial ti adu. Agngatangatada iti panggepda, ket mapaay ti pammatida. Daytoy ti gapuna nga awan ti maawatda iti Apo, nga isu ti Gubuyan ti pigsatayo. Saan a kasapulan ti mapan iti sipngget, a maitibkol a cas iti bulsec; ta nangipaay ti Apo iti lawag a no awatenda dayoy iti intudingNa a wagas, ket saanda a pilien ti bukodda a wagas. KalikagumanNa iti amin ti naanep a panangaramid cadagiti inaldaw nga annongen.”—*Testimonies*, vol. 2, pp. 130, 131.

- b. **Apay a masapul a licicantayo ti kinadoble iti panagpampanunot ?Santiago 1:8; Salmo 86:11.**

“Bayat nga ibunbunannagda a Cristianoda, adu ti addaan iti sucog ti lubong cadacuada, ket dagiti panagayatda saan a naisaad iti Dios. Doble ti panagpampanunotda, nga aggigiddan nga ikagkagumaanda ti agservi iti Dios ken ti kinabaknang. . . . Babaen ti panangpadasda nga agservi iti dua nga appo, saanda a natalged iti amin a wagasda, ken saanda a mabalin a pagsanggiran. . . .

“Ania ti agun-guna ti agsao cadagiti makaay-ayo a bambanag, tapno babalawen ti aramid ni Satanas, ket iti isu met la a tiempo, sumrec iti pannakaitungpal ti amin a panggepna? Daytoy ket panagbalin a doble ti panagpampanunot.”—*The SDA Bible Commentary*, vol. 7, p. 938.

5. PANANGLAGLAGIP KEN NI JACOB

- a. **Kasano nga iladawan ni Jesus ti kinakaro ti panangidatontayo Cadagiti dawattayo nga agpaay iti pigsang mangitungpal iti pagayatan ti Dios? Mateo 11:12.**

Ti pagarian ti langit agsagaba iti kinaranggas, ket alaan daytoy dagiti naranggas babaen ti puersa.⁷ Daytoy a kinaranggas alaenna ti intero a puso. Ti panagbalin a doble ti nakem ket panagbalin a di natalged. Masapul ti resolusion, panangilibac iti bagi ken naiconsagrar a pekso ti kasapulan para iti trabaho a panagsagana. Ti pannakaawat ken ti consensia mabalin nga agkaykaysa ngem no ti pagayatan ket saan a maisaad nga agrabaho, mapaaytayo. Tunggal abilidad ken rikna masapul a maipacat. Ti kinaregta ken napasnec a cararag masapul a suctanda iti kinaawan panagayat ken kinaawan panagraem. Babaen laeng ti napasnec, determinado a pekso ken pammati cadagiti merito ni Cristo nga agballigitayo, ken magun-odtayo ti pagarian ti langit. Ababan ti tiempotayo nga agrabaho. Umayton ni Cristo iti mabiit iti maikadua a gundaway.”—*The SDA Bible Commentary*, vol. 1, p. 1096.

“Babaen ti naindaclan a kinapudno pribilehiotayo ti umawat, rumbeng, ken babaen iti pannacabalin ti Espiritu Santo mabalintayo, ti agbalin a sibibiag a kalasugan ti lawag. Mabalintayo ngarud ti umasideg iti tugaw ti asi; ket no makitayo ti bullalayaw ti kari, agparintumengkayo buyogen dagiti nagbabawi a puso, ket sapulenyto ti pagarian ti langit buyogen ti naespirituan a kinaranggas mangyeg iti bukodna a gunggona. Alaentayo dayta babaen ti puersa, cas ken ni Jacob. Ket ti mensahetayo isu ti pannacabalin ti Dios nga agturong iti pannakaisalacan. Napno coma dagiti ararawtayo iti kinapasnec, napno iti kapanunotan iti dackel a panagkasapulantayo; ket saantayonto a mailacsid. Ti kinapudno maieksanto babaen ti biag ken kababalin ken babaen cadagiti bibig a nasagid iti sibibiag a beggang manipud iti altar ti Dios.

Inton cucuamni daytoy a kapadasan, maipangatotayo manipud iti napanglaw, nalaka a bagitayo nga impatpattegtagitayo unay. Ungkawantayo dagiti pusotayo iti makarunot a pannacabalin ti kinamanagimbubucod, ket mapnotayo iti panagdayaw ken panagyaman iti Dios. Itan-octayo ti Apo, ti Dios ti amin a parabur, a nangitan-ok ken Cristo. Ket ipanayagNanto ti pannacabalinNa babaen cadatayo, a pagbalinennatayo cas iti natadem a kumpay iti pagapitan a talon. Awagan ti Dios ti iliNa a mangipanayag Kencuana.”—*Reflecting Christ*, p. 217.

Viernes

Octobre 11

PERSONAL A PANGREPASO A SALSALUDSOD

1. **Iladawan ti sumagmamano a naindaclan a tulbec tapno magun-od ti nain-indaclan a sirib manipud Langit.**
2. **Ania ti mapasamac no mapnectayo nga agsanggir iti nataoan a pannacaammo?**
3. **Kasano a maaramidco ti pasetco a mangwaya cadagiti ministro tapno agpocosda cadagiti baro-baro a cararua?**
4. **Cadagiti ania a paset ti biag a mabalin nga ad-adda nga agbalin a doble ti nakemco ngem iti maamirisco?**
5. **Ilawlawag ti pannacabalin ken maikanatad a pannakigubal ni Jacob para iti maudi nga al-aldaw**

Panangsango iti Sulisog

IMEMORIA A TEXTO: “Nagasat ti tao a macaitured iti pannacasulisog; ta inton masuoten, awatennanto ti balangat ti biag, nga incari ti Apo cadagiti agayat kencuana.” (Santiago 1:12).

“Agsao ken agtignay a maitunos cadagiti carararagmo. Mangaramid daytoy iti awan patinggana a pannakaiduma kenca iti man suot a mangpanecnec iti pammatim tapno agbalin a puro, wenno mangipakita a dagiti cararagmo ket porma laeng.”—Christ’s Object Lessons, 146.

Maisingasing a Basbasaen : *Testimonies*, vol. 3, pp. 477–492.

Domingo

Octobre 13

1. GAPU ITI NAESPIRITUAN NGA IDADACKEL

a. **Ildawan ti palimed no kasano a ti Santiago 1:2 mabalin a matungpal cadatayo. Nehemias 8:10.**

“Amin a pannuboc a maawat cas manursuro ket mangpataud iti rag-o. Ti intero a narelihiunan a biag ket mangitag-ay, mangipangato, mangitan-oc, napabanglo cadagiti nasayaat a sasao ken aramid. Maragsacan unay ti cabusor a maaddaan cadagiti cararua a mauppapay, malmaldaangan, agladingit ken agsenaa; kayatna a maaramid dagiti casta laeng nga impresion no maipapan iti epekto ti pammatitayo. Ngem gakat ti Dios a ti isip saanna nga alaenna ti nababa a tucad. TarigagayanNa nga agballigi ti tunggal cararua iti pannacabalin a mangtaginayon iti Mannubbot.”—*Testimonies*, vol. 6, pp. 365, 366.

b. **Apay a palubosan ti Dios dagiti suot nga umay cadatayo? Santiago 1:3; Roma 5:3.**

“No mapagballigiantayo dagiti suottayo ket magun-odtayo ti balligi cadagiti sulisog ni Satanas,iti casta maandurantayo ti pannuboc ti pammatitayo, a natapatteg ngem iti balitoc, ken napigpigsas ken nasaysayaat ti panagsaganatayo a mangsango iti sumaruno. Ngem no lumnedtayo ket umanamong iti dalan dagiti sulisog ni Satanas, kumapkapoytayo ken awan ti magun-odtayo a gungona iti pannuboc ken saantayo a maisagana a naimbag para iti sumaruno. Iti castoy a wagas kumapuytayo a kamapuy, agingga maiturongtayo a cautibo ni Satanas iti pagayatanna. Masapul nga addaantayo iti sibubukel a cabal ti Dios ken nakasagana iti aniaman a canito para iti pannakisupiat cadagiti pannacabalin ti sipngget.”—*Early Writings*, p. 46.

2. NAIM-IMBAG A RESULTA NGEM ITI NAPANUNOTTAYO

- a. **Ilawlawag dagiti beneficio ti panangiwatwat iti kinaanus. Santiago 1:4; Lucas 21:19.**

“Ti Dios ket masirib ken naimbag unay a mangsungbat a canayon cadagiti cararagtayo iti umno a tiempo ken iti umiso a wagas a tarigagayantayo. Ad-adu ken nasaysayaat ti aramidenNa cadatayo ngem ti panangtungpalNa iti amin a tarigagayantayo. Ket gapu ta pagtalkantayo ti sirib ken ayatNa, saantayo coma a kiddawen Kencuana nga umanamong iti pagayatantayo, no di ket rumbeng a sapulentayo ti sumrec ken ipatungpal ti panggepNa. Rumbeng a mapukaw dagiti tarigagay ken interestayo iti pagayatanNa. Dagitoy a kapadasan a mangsuot iti pammatitayo ket para iti beneficiotayo. Babaen cadacuada maipanayag no ti pammatitayo ket napudno wenno sincero, agsadag iti sao ti Dios laeng, wenno agsanggir cadagiti pasamac, saan a sigurado ken agbaliwbaliw. Ti pammati mapabileg babaen iti panangipacat. Palubosantyo ti kinaanus a maaddaan iti perpectro nga aramid, a laglagipen nga adda dagiti napateg a karkari iti Nasantoan a Surat para cadagidiay agur-uray iti Apo.”—*The Ministry of Healing*, p. 231.

- b. **Kasano ken apay nga ipakita cadatayo ni Santiago ti dackel a ladawan ngem ti saan a mataginayon a buya ti pannacabalin ken kinarang-ay iti daytoy rinuker a lubong? Santiago 1:9–11.**

“Iti daytoy a tiempo, sacbay ti dackel a kaudian a krisis, cas idi sacbay ti umuna a pannakadadael ti lubong, naigamer dagiti tattao cadagiti ragragsac ken pananggun-od iti sentido. Gapu ta naigamerda cadagiti makita ken apagbiit, napukaw iti imatangda ti di makita ken agnanayon. Para cadagiti banag a madadael iti pannakaasar, isacrificioda dagiti di agrupsa a kinabacnang. Ti panunotda kasapulan a maitag-ay, dagiti kapanunotanda iti biag mapalawa coma. Masapul a maringda manipud iti pannakailibay iti nailubongan a panagtagtagainep.

“Manipud iti panagpangato ken pannakatnag dagiti nacion cas nailawlawag cadagiti panid ti Nasantoan a Surat, kasapulan nga adalenda no kasano kaawan serserbina ti akinruar laeng ken nailubongan a dayag. Ti Babilonia, cadagiti amin a bileg ken kinatan-ocna, a ti kaaspingna ket saan pay a pulos a nakita ti lubongtayo —pannacabalin ken kinatan-oc a cadagiti tattao iti dayta nga aldaw casla natalged ken manayon unay —anian a naan-anay a pimmusay! Cas ‘sabong ti ruot’ a nadadael. Kasta met a madadael ti amin nga awanan iti Dios cas pundasionda. Dagiidiay laeng naisinggalut iti panggepNa ken mangiyebkas iti kababalinNa ti makaandor. Dagiti prinsipioNa ti kakaisuna a natibker nga ammo ti lubongtayo..”—*Education*, p. 183.

“Ti nailubongan a gameng aglabas. Babaen laeng ken Cristo a magun-odtayo dagiti agnanayon a kinabaknang.”—*The Review and Herald*, December 10, 1901.

3. ITI KINABARA TI GUBAT

- a. **Iti panangsango iti sulisog, ania ti masapul a sicacararag nga aramidentayo ken apay? Santiago 1:12.**

“Ikatenyo amin a panagpammarang ken panaginkukuna. Agtignayca iti simple, natural a sica. Agbalinca a napudno iti tunggal kapanunotan ken sao ken aramid, ket ‘iti kinapakumbaba ti panunot ti tunggal maysa ipategna coma ti sabali ngem iti bagida.’ Laglagipem latta a ti moral a kinatao ket kasapulan a mapatibker babaen ti kanayon a panagbantay ken cararag. Agingga a kumitaca ken Cristo, natalgedca; ngem iti canito a panunotem dagiti sacrificiomi ken paricotmo, ken mangrugica a makipagricna ken mangipangruna ita bagim, mapukawmo ti panagtalecmo iti Dios ket agpeggadca unay.”—*Testimonies*, vol. 4, p. 522.

“Rumbeng nga umabantetayo a sinitibker, a pulos a saan a pukawen ti puso wenno namnama iti naimbag nga aramid, aniaman a pannuboc a mangraut iti dalantayo, aniaman a sipnget moral ti mabalina a mangsallocob cadatayo. Ti anus, pammati, ken panagayat iti pagrebbengan ket leksionda a masapul nga adalentayo. Ti panangparukma iti bagi ken panangkita ken Jesus isu ti inaldaw a trabaho. Pulos a saan a baybay-an ti Apo ti cararua nga agtalec Kencuana ken agsapsapul iti tulongNa. Ti corona ti biag ket maikabil laeng iti mugging ti agballigi.”—*Ibid.*, vol. 5, pp. 70, 71.

- b. **Apay a biddut nga ibaga nga ipatulod ti Dios dagiti suot ken sulisog? Santiago 1:13.**

Saantayo coma a padasen a kissayan ti basoltayo babaen iti panangekskyus iti basol. Masapul nga awatentayo ti panangrucod ti Dios iti basol, a pudno unay a nadagsen. Calvario laeng ti makaipanayag iti nakaam-amac a kinadakes ti basol. . . .

“Ti sulisog ket panggargari tapno agbasol, ket daytoy saan a nagtaud iti Dios, no di ket manipud ken Satanas ken manipud iti kinadakes ti bucodtayo a puso.. ‘Ti Dios saan a mabalina a sulisugen cadagiti banbanag a dakes, ket Isu awan met ti sulisogen-Na.’ Santiago 1:13.

“Ikagkagumaan ni Satanas nga iyegnatayo iti sulisog, tapno maipalgac ti kinadakes ti kababalintayo iti sangoanan dagiti tattao ken angel, tapno ibagana a cucuanatayo. . . . Ti kabusor iturongnatayo iti basol, kalpasanna akusarannatayo iti sangoanan ti nailangitan nga universo cas saan a maikari iti ayat ti Dios”—*Thoughts From the Mount of Blessing*, pp. 116, 117.

- c. **No ti mamabpabasol atakarena ti natulawan a cababalintayo, kasano a salacnibannatayo ti Apo? Zacarias 3:1–4; 1 Juan 1:9–2:1.**

4. PIGSA TI DIOS ITI KINARASITAYO

- a. **Hawlawag ti ragup ti sasao iti cararag ti Apo, “Dinacam iyeg iti pannacasulisog.” Mateo 6:13 (umuna a paset); Isaías 30:21.**
-

“Palubosannatayo [ti Dios] a maipasango cadagiti tubeng, pannakaidadanes, ken rigat, saan a cas lunod, no di ket cas cadackelan a bendicion iti biagtayo. Tunggal sulisog a masaranget, tunggal pannuboc a situtered a maibturan, mangted cadatayo iti baro a padas ken mangparang-ay cadatayo iti trabaho a mangibangon iti kababalin. Ti cararua a babaen ti nadosan a pannacabalin ket mangsaranget iti sulisog ipanayagna iti lubong ken iti nailangitan nga universo ti kinabileg ti parabur ni Cristo.

“Ngem nupay saantayo a maupay iti pannuboc, nupay napait dayta, icararagtayo a saan nga ipalubos ti Dios a maiyegtayo iti lugar a maiguyodtayo cadagiti tarigagay dagiti bukodtayo a dakes a puso. Iti panangidaton iti cararag nga inted ni Cristo, isucotayo ti bagitayo iti panangiwanwan ti Dios, a dumawat Kencuana nga iturongnatayo cadagiti natalged a dana. Ditay maidaton daytoy a cararag a sipupudno, ket kaskasdi nga ikeddengtayo ti magna iti aniaman a wagas a bucodtayo a pili. Urayentayo ti imaNa a mangiturong cadatayo. . . .

“Saan a natalged para cadatayo ti agtalinaed a mangut-utob cadagiti pagimbagan a maapit babaen ti isusuc cadagiti singasing ni Satanas. Ti basol ipaawatna ti pannakai-babain ken didigra iti tunggal cararua a mangpalaugod iti dayta; ngem makabulsec ken makaallilaw iti galadna, ket allukoyennatayo babaen cadagiti makaay-ayo a presentation. No makigasang-gasattayotayo iti lugar ni Satanas awan ti talgedtayo a masalacniban manipud iti pannacabalinna. Agingga nga adda cadatayo, rumbeng nga iser-rantayo ti tunggal dalan a mabalin a sumrecan ti manulisog a mangsapul cadatayo.

“Ti cararag, a Dinacam iyeg iti sulisog,’ ket maysa a kari.”—*Thoughts From the Mount of Blessing*, pp. 117, 118.

- b. **Ania a kiddaw ken pammataged ti inaaramid ti Dios cadatayo maipapan iti sulisog? Santiago 1:14–16; 1 Corinto 10:13.**
-

“Ania ti sulisog? Isu ti wagas a pakasuotan ken pakasubocan dagidiay mang-tontonton nga annac ida ti Dios. Mabasatayo a sinulisog ti Dios ni Abraham, a sinulisogNa dagiti annac ti Israel. Kayatna a saoen daytoy a pinalubosNa dagiti paspasamac a mapasamac tapno masuboc ti pammatida ken mangiturong cadacuada a kumiita Kencuana para iti tulong. Palubosan ti Dios nga umay ti sulisog iti iliNa ita tapno maamirisa nga Isu ti katulonganda. No umasidegda Kencuana no masulisogda, pabilgenNa ida a mangsango iti sulisog.”—*In Heavenly Places*, p. 251.

5. DAGITI SUOT ITI BALBALAKEN

- a. **Tapno agtaeng ken Cristo ket iti casta maispaltayo cadagiti sulisog, ania ti masapul a kanayon a pilientayo? Lucas 4:8; Filipos 1:21.**
-

“Pulos a saannatayo a mapilit ti manulisog nga agaramid iti dakes. Saanna a makontrol dagiti isip malacsid no maisucoda iti panangtengelna. Masapul nga umanamong ti pagayatan, masapul a palubosan ti pammati ti panangtengelna ken Cristo, sacbay a maipakat ni Satanas ti pannacabalinna cadatayo. Ngem tunggal naimbasolan a tarigagay nga impategtayo ket makai-paay kencuana iti pagsaad. Tunggal punto a pakapaayantayo a mangragpat iti nadosan a pagalagadan ket maysa a silulukat a ruangan a mabalinna a sumrecan tapno sulisogen ken daelaennatayo. Ket tunggal pannakapaay wenno pannakaparmectayo ket mangted iti gundaway kencuana a mangumsi ken Cristo.”—*The Desire of Ages*, 125.

- b. **Ania ti mangtignay cadatayo nga agtultuloy nga agturonsong iti balligi ken Cristo? Filipos 4:13; Apocalipsis 2:10 (maudi a paset); 3:21.**
-

“Isuna a naagsepa iti ita Espiritu ni Cristo agtaeng ken Cristo. Ti danog a nairanta kencuana ket matnag iti Mangisalacan, a manglikmut kencuana babaen ti presenciaNa. Aniaman nga umay kencuana nagtaud ken Cristo. Saanna a kasapulan a sarangten ti dakes, ta ni Cristo ti depensana. Awan ti makasagid kencuana malacsid iti pammalubos ti Apotayo, ken dagiti amin a banbanag agtitimpuyogda nga agaramid a maipaay iti pagimbagan, dagiti agayat iti Dios.’ Romans 8:28.”—*Thoughts From the Mount of Blessing*, p. 71.

“Ti korona ti biag ket maikabil laeng iti muing tiagballigi. Adda, para iti tunggal maysa, napasnec solemne a trabaho para iti Dios bayat nga agpaut ti biag.”—*Testimonies*, vol. 5, p. 71.

Viernes

PERSONAL A PANGREPASO A SALSALUDSOD

1. **Ania ti kasapulac a lagipen iti sumaruno a tiempo ti naricot a suot a sumangbay iti dalanco?**
2. **Ania ti masapul a maamirisco maipapan iti wagas a sungbatan ti Dios ti cararag?**
3. **Sadino ti paggapuan dagiti suot ken sulisog ken apay?**
4. **Ania ti mapasamac cadarato mapagkedkedantayo dagiti sulisog?**
5. **Kasano nga agtaengac nga ad-adda a naan-anay ken Cristo?**

Isaad ti Pammati iti Panagsanay

MEMORY TEXT: “Ngem managtungpalcaay coma iti sao ket saan laeng a managdengngeg, nga allilawenyo dagiti bagbagiyo met laeng.” (Santiago 1:22).

“Napili [ti tao] nga agtulnog iti tunggal sao nga agtaud iti ngiwat ti Dios, ken tapno agbalin, saan laeng a dumdumnggeg, no di ket managtungpal iti sao..”—*Testimonies to Ministers and Gospel Workers*, p. 454.

Maisingasing a Basbasaen : *Testimonies*, vol. 2, pp. 24–26, 50–55, 164, 165.

Domingo

Octobre 20

1. TI PERFECTO NGA AGIT-ITED

- a. **Ania ti mangipanayag iti nacascasdaaw a kinaimbag ti Dios cadatayo? Santiago 1:17.**

“Ti ayat ni Cristo cadagiti annacNa ket nadungngo a cas iti capigsana. Ket napigpigsang ngem ni patay; ta natay Isuna tapno gatangenNa ti pannakaisalacantayo, ken tapno pagbalinennatayo a maymaysa Kencuana, sicasasdaaw ken agnanayon. Napigsa unay ti ayatNa isu a kontrolenna amin a pannacabalinNa, ken usarenNa dagiti nagadu a gameng ti langit iti panangaramidNa iti naimbag iti iliNa. Awan ti panagbaliwbaliwna wenno anniniwan ti panagbaw-ing—isu met laeng idi kalman, ita, ken iti agnanayon. Nupay addan ti basol iti adu a panawen, a mangpadpadas a manglaban iti daytoy nga ayat ken manglapped ti panagayusna ditoy daga, agayus latta cadagiti nabaknang nga ayus nga agturing cadagiti nakatayan ni Cristo.

Ay-ayaten ti Dios dagiti awan basolna nga angel, a mangar-aramid iti servicioNa ken agtulnog cadagiti amin a bilinNa; ngem saanNa nga ited cadacuada ti parabur; saanda a pulos a kasapulan dayta, ta dida pulos nagbasol. Ti parabur ket maysa a saguday a maipakita cadagiti di maikari a tattao. Saanmi a sinapul dayta; naibaon dayta a mangsapul cadacami. Maragsacan ti Dios a mangted iti parabur cadagiti amin a mabisin ken mawaw iti daytoy, saan a gapu ta maikaritayo, no di ket gapu ta saantayo a maikari. Ti kasapulantayo ket ti kualipikasion a mangted kadatayo iti pammatalged a maawattayo ti sagut.”—*Testimonies to Ministers and Gospel Workers*, p. 519.

- b. **Kasano ken apay a nayanactayo iti Dios?? Santiago 1:18; 1 Pedro 1:23; 2:9.**

2. PANANGPALAMIIS ITI PUDOT

a. Iti lubong ti pungtot, kasano ken apay a kasapulan a naidumatayo? Santiago 1:19.

“Pagbalinenyo a pagannurotan a pulos a dikay agsao iti uray maysa a sao a mangbabalaw iti tunggal maysa, no di ket komendaran ken padayawan no mabalin.

“Dadduma ti mangipagarup a maysa a birtud ti saan a mapengdan, ket agsaoda a mangidayaw iti prangka nga ugalida a mangisao cadagiti di makaay-ayo a banag nga adda iti pusoda. Bay-anda a mabannog ti makapungtot nga espiritu iti ayus ti panangumsi ken panagbiroc iti biddut. No ad-adda nga agsaoda, ad-adda a magagaranda, ket umab-abay ni Satanas tapno tumulong iti aramidda, ta maitutop dayta kencuana. Dagiti sasao ket mangrurod iti daydiay nakaisaonna, ket maisublidanto, a mangprobokar para cadagiti nadagdagsen pay a sasao, agingga a ti bassit a banag ket sumged iti dackel a gil-ayab. Agpadakayo a makarikna nga addaancayo cadagiti amin a pannuboc a posible nga ibturanyo ken ti biagyo, isu ti kalidayan unay. Sipapasnec a rugiam ti trabaho a mangtenggel cadagiti kapanunotam, sasaom, aramidmo. No marikna ti asinoman cadacayo ti panangngato ti pungtot, pagbalinenyo a paglintegan ti mapan a bukbukodyo ken sipapakumbaba nga agcararagcayo iti Dios.”—*Testimonies*, vol. 4, p. 243.

b. Apay a saan a makaay-ayo iti Dios ti nabara a pungtot —ken kasano a maagasan dayta? Santiago 1:20.

“sumagmamano ti gnernerbios ket no mangrugin a mapukawda ti panagteppelda iti sao wenna espiritu iti sidong ti probokasyon, napnapnodan iti pungtot a cas iti nabartek iti arak. Saandan a nainkalinteg, ken saanda a nalaca a maallukoy wenna makombinsir. Saanen a nasimbeng ti panunotda; Ni Satanas ti addaan naan-anay a kontrol iti agdama. Tunggal maysa cadagitoy nga eksibision ti pungtot pakapuyenna ti sistema ti nerbio ken ti bileg moral, ken pagbalinenna a narigat a lapdan ti pungtot iti sabali a pannakaprobokar.

“Iti daytoy a klase adda laeng maymaysa a remedio —ti positibo a panagteppel iti sidong ti amin a kasasaad. Ti panagregget a sumrec iti nasaysayaat a lugar, a sadiay ti bagi ket saan a makapungtot, mabalin nga agballigi iti sumagmamano a tiempo; ngem ammo ni Satanas no sadino ti pakasaracan cadagitoy napanglaw a cararua, ket paulit-ulit a rautenna ida cadagiti pagkapuyanda. Agtultuloyto a mariribocda agingga a pampanunotenda unay ti bagida. . . . Ngem adda namnama cadacuada. Bay-an daytoy a biag, a nadawel unay cadagiti panagsusupiat ken pakadanagan, maisangbay coma a maisilpo ken Cristo, ket kalpasanna, ti bagi saanton nga umawag para iti pannakaitan-oc. . . . Rumbeng nga agpakumbabada, kunaenda a situtured, ‘Nagaramidac iti dakes. Pakawannac coma? Ta kinuna ti Dios a ditay coma ipalubos a lumnec ti init iti pungtottoy.’ Daytoy laeng ti natalged a dana nga agturong iti panagballigi.”—*Sons and Daughters of God*, p. 142.

3. PANANGIPATEG ITI LAWAG**a. Ilawlawag ti awis ti Dios para iti tunggal maysa cadatayo. Santiago 1:21.**

“Oh, kasano a ti siasinoman nga addaan iti lawag ti kinapudno, ti nanidaclan a lawag nga inted cadacuada ti Dios, karitenda ti pungtot ken panangocom ti Dios babaen ti panagbasol Kencuana ken panangaramid cadagiti bambanag nga imbaga ti Dios cadacuada iti saoNa a dida aramiden? Kasano a binulsec unay ida ni Satanas a saandan a dayawen iti Dios iti rupaNa, ken rugitan dagiti cararuada babaen ti panagbasolda a sipapakinakem? Kuna ti apostol, ‘Naaramidcami a buyaen ti lubong, ken dagiti angel, ken dagiti tattao.’ Dagitoy kadi a managbasol—awagac kadi ida a managinsisingpet?—idiay Sion agsaludsodda, Iti ania a wagas a maysaac a pabuya iti lubong, iti angel, ken cadagiti tattao? Sungbatanyo ti bagbagiyo, Babaen ti panangabusoc iti lawag ken pribilehio ken asi nga inted caniac ti Dios, babaen cadagiti saan a maikanatad nga aramid a mangdadael ken mangtulaw iti cararua.”—*Testimonies to Ministers and Gospel Workers*, p. 447.

b. Kasano a mainaig ti sao ti Dios iti pannakaisalacantayo, nangruna cadagiti maudi nga al-aldaw? 2 Timoteo 3:15; 1 Corinto 15:1, 2.

“Ti napudno unay a panagtrabaho ti Espiritu Santo cadagiti nataoan a puso ket naikari, tapno mangted iti kinaepisiente babaen iti Sao. Indeklara ni Cristo ti Sao nga isu ti espiritu ken biag. . . .

“Agrabaho ni Satanas iti saan unay a madlaw a wagas tapno iyam-ammona dagiti nataoan nga imbension a nakawesan cadagiti cawes dagiti angel. Ngem ti lawag manipud iti Sao ket agranraniag iti tengnga ti moral a kinasipngget; ket ti Biblia dinto pulos masukatan ccadagiti namilagrOan a panpanayag. Masapul a maadal ti kinapudno, masapul a sapulen dayta cas nailemmeng a gameng. Saanto a maited dagiti nacascasdaaw a pannakailawlawag malaksid iti Sao, wenna sucatanna dayta. Kumpetkayo iti Sao, awatenyo ti naisulbong a Sao, a mamagbalin cadagiti tattao a masirib nga agturong iti pannakaisalacan.”—*Selected Messages*, bk. 2, p. 100.

“Dagidiay mangabrasa iti kinapudno sapulenda coma ti nalawag a pannakaawat cadagiti Sursurat ken ti eksperimental a pannakaammo iti sibibiag a Mangisalacan. Rumbeng a mapasayaat ti intelektu, mabennat ti lagip. Amin a kinasadut ket basol, ket ti naespirituan a bannog ket ipapatay.”—*Testimonies*, vol. 4, p. 399.

“No dagiti balikas a pannursuroNa ket naawat, ken sinakupnatayo, ni Jesus ket maysa cadatayo nga agnanayon a presencia, a mangkonkontrol cadagiti pampanunot ken kapanunotan ken tignaytayo. Maagsepantayo iti instruksion ti katan-ocan a Manursuro a naam-ammo ti lubong.”—*Messages to Young People*, p. 160.

4. TI SARMING TYI LINTEG TI DIOS

a. Apay nga importante cadatayo nga amirisen ti pusotayo? Santiago 1:22–24.

“Adu ti umawat iti palacpac gapu cadagiti birtud a saanda cucua. Ti Parasukisoc cadagiti puso timbangenna dagiti motibo, ket masansan a dagiti aramid a palacpacan unay dagiti tattao ket inrekordNa a nagtaud iti kinamanagimbubucod ken naalas a panaginsisingpet. Tunggal tignay ti biagtayo, nasayaat man ken maidaydayaw, wenno maikari iti panangbabalaw, ket ocomen ti Agsucsukisoc iti puso a maitutop cadagiti motibo a nangtignay iti dayta.

“Adu ti mangbaybay-a a kumita iti bagbagida iti sarming a mangipalgac cadagiti depekto ti cababalinda ngarud adda latta ti kinaalas ken basol, ken nabatad cadagiti dadduma, no saan a maawatan dagidiay addaan iti biddut. Ti makagura a basol ti kinamanagimbubukod ket addan iti dackel a tukad, uray cadagiti dadduma nga agkunkuna a debosionadoda iti trabaho ti Dios. No idiligda ti cababalinda cadagiti gutogutenNa, nangnangruna iti naindaclan a pagalagadan, ti nasantoan a linteg ti Dios, masiguradoda, no napasnec, napudno a managsukisocda, sibubutengda nga agkurang. Ngem sumagmamano ti saan a mayat a kumita iti pag-isu nga adayo wenno kauneg tapno makitada ti kinarugit ti bucodda a puso. Agkurangda iti adu unay a banag, kaskasdi nga agtalinaedda iti natuloc a kinaignorante iti basolda.”—*Gospel Workers* pp. 275, 276.

b. Ilawlawag ti pintas ti pudno a wayawaya babaen ti mangparsua a pannacabalin a sumangbay babaen iti isusuco ken Cristo ken iti pagayatanNa. Santiago 1:25; Juan 8:32.

“Iti trabaho ti panangsubbot awan ti pannakapilit. Awan ti mausar a puersa iti ruar. Iti si-dong ti impluensia ti Espiritu ti Dios, mapalubosan ti tao a mangpili a siwayaway no siasino ti pagservanna. Iti panagbalbaliw a mapasamac, no ti cararua sumuco ken Cristo, adda iti cangatoan a rikna ti wayawaya. Ti pannakapapanaw ti basol ket tignay ti cararua a mismo. Pudno, awan ti pannacabalintayo a mangwayawaya iti bagitayo manipud iti panangtengngel ni Satanas; ngem no tarigagayantayo ti mawayawayaan manipud iti basol, ken iti dackel a panagkasapulantayo agkiddaw iti pannacabalin manipud ken iti ngatoen ti bagitayo, dagiti pannacabalin ti cararua ket naagsepan iti nadiosan nga enerhia ti Espiritu Santo, ket agtulnogda cadagiti dikta ti pagayatan iti panangtungpal iti pagayatan ti Dios.

“Ti kakaisuna a kondisyon a posible ti wayawaya ti tao ket ti panagbalin a pannakikaysa ken Cristo. ‘Ti kinapudno wayawayaannacayto;’ ket ni Cristo ti kinapudno. Agballigi ti basol babaen laeng iti panangpakapuy iti panunot, ken panagdadael iti wayawaya ti cararua. Ti panagpasakup iti Dios ket panangisubli iti bagi —iti pudno a dayag ken dignidad ti tao. Ti nadiosan a linteg, nga isu ti mangituray cadatayo, isu ‘ti linteg ti wayawaya.’ Santiago 2:12.”—*The Desire of Ages*, 466.

5. PUDNO A RELIHION

- a. **Naganan ti maysa a nasisita nga aspeto ti kinaCristiano a masansan nga awan. Santiago 1:26.**
-

“Babaen ti tulong a maited ni Cristo, masursurotayo a tenglen ti dila. Nasaem cas pannakasuotNa iti punto ti nadarasudos ken makapungtot a panagsao, pulos a saan a nagbasol cadagiti bibigNa. Buyogen ti naanus a kinatalna sinangoNa dagiti uyaw, panglalais, ken umsi dagiti padaNa a trahador iti bangko ti carpintero. Imbes a sumungbat a sipupungtot, rugianNanto a cantaen ti maysa cadagiti napintas a salmo ni David; ket dagiti cacaduana, sacbay a mabigbigda ti ar-aramidenda, makikaykaysada Kencuana iti himno. Anian a panagbalbaliw ti maaramid iti daytoy a lubong no suroten dagiti lallaki ken babbai ita ti ulidan ni Cristo iti panangusar cadagiti sasao.”—*The SDA Bible Commentary*, vol. 7, p. 936.

- b. **Kasano a ti pudno a relihion siuulimec, siaayat nga agtignay iti licudan ti eksena? Santiago 1:27.**
-

“Ti panagagbalin a paraobra, ti panagtultuloy a siaanus iti panagaramid iti naimbag nga umawag iti panangilibac iti bagi, ket maysa a nadayag nga aramid, nga iseman ti Langit. Ti matalec a trabaho ket ad-adda nga anamongan ti Dios ngem iti karegtaan ken maipagarup a kasasantoan a panagdaydayaw. Ti pannakipagtrabaho ken CKristo isu ti pudno a panagdaydayaw. Dagiti cararag, pammagbaga, ken panagsasarita ket nalaka a bunga, a masansan a naigalut; ngem dagiti bunga a maipangarangang cadagiti naimbag nga aramid, iti panangaywan cadagiti agkasapulan, cadagiti ulila ken balo, isuda ti pudno a bunga a dumackel a natural iti nasayaat a kayo.” - *Testimonies*, vol. 2, p. 24.

Viernes

Octubre 25

PERSONAL A PANGREPASO A SALSALUDSOD

1. **Apay a maitalectayo ti biagtayo iti agnanayon a Dios ti Langit?**
2. **Ania ti pagrebbengan ti amin a makasarak cadagiti bagbagida a makapucpuaw iti teppelda?**
3. **Apay nga importante para caniac ti agadal iti Sao ti Dios para iti bagi?**
4. **Ilawlawag no ania ti pudno a wayawaya.**
5. **Kasanp a mapasayaatco ti nain-indaclan a rucod ti pudno a relihion manipud iti puso?**

Umuna a Pangsabado a Daton para iti Departamento ti Literatura iti Conferencia Heneral



Adda nalatac a pagsasao, “Ti maysa a tedted ti tinta mabalin a pagpanunotenna ti maysa a milion.” Dagiti naimprenta a material agannayasa a mangawit ti ad-adu a dagsen ngem dagiti maisao a sasao gapu iti kinapermanentena.

Babaen ti naisurat a material, mabalintayo ti mangted iti panawen a mang-basa iti bukodtayo a kapartac, casta met a masublian manen ket utoben a naun-uneg dagiti impormasion a sapsapulenta nga adalen. Makatulong dayta no padasen nga agsepen dagiti nauneg a naespirituan a topico.

Pudno daytoy iti amin a pakasaritaan “Ti pluma ni Luther ket maysa a pannacabalin, ket dagiti sinuratna, naiwara a waragawag, kiniburna ti lubong. Dagiti isu met laeng nga ahensia ti adda baonenmi, nga addaan cadagiti pasilidad a mapaadu iti maminggasut. Dagiti Biblia, publikasion iti adu a pagsasao, a mangidatag iti kinapudno para iti daytoy a tiempo, addada iti imatayo, ket mabalin a sipapartac a maisangbay iti intero a lubong.”—*Testimonies*, vol. 6, p. 403.

“Iti dackel a rucod babaen cadagiti balay a pagipablaacantayo, mairingpaston ti trabaho dayta sabali nga angel a bimmaba manipud langit buyogen ti dackel a pannacabalin ken manglawag iti daga babaen ti dayagna.”—*Ibid.*, vol. 7, p. 140.

Idi 1849, nangaramid ni James White iti bassit a publikasion a naawagan Ti Agdama a Kinapudno. “Ti bassit a bunton dagiti papeles naidissoda iti suelo. Kalpasanna, naguummong dagiti cacabsat a lallaki ken babbai iti aglawlawda ket buyogen dagiti lulua, nagpakaasida iti Dios a bendicionanNa ti bassit a panid bayat ti pannakaipatulodna. Sa kinupin, daqgiti papel, binabalkot ken naaddressas, ket iindanon ni James White iti walo a milia agingga iti koreo ti Middletown.”—*Early Writings*, (xxv).

Daytoy a tignay ket cas sungbat iti mensahe: “ ‘Masapul a rugiano ti mangimprenta iti bassit a papel ket ipatulodyo dayta cadagiti tattao. Bassit dayta iti damo; ngem bayat nga agbasbasa dagiti tattao, agpatuloddanto cadakayo iti kuwarta tapno agimprenta manen, ket agballigi dayta manipud idi damo.’ ”—*Ibid.*, (xxiv).

Ania ti mapasamac no ngumato ti gastos iti panagpatulod ken dagiti lapped iti beddeng kasapulanna ti naninggina pay a porma ti panagiwaras? Ti presio ti suskrisionmi saansa a saklawen dagitoy baro a gastos. Gapuna, a masapul nga agpannurraytayo iti naasi a kinapara-bur dagiti kapamatiantayo tapno matungpal ti padto a naibaga iti dayta a nagkauna nga agibumbunannag: “Bayat a basbasan dagiti tattao, patulodandacayo iti kuwarta.”

Icararagmi a daytoy Umuna a Pangsabado a Daton para iti GC Literature Department ket sagidenna ti pusoyo tapno mangted iti sobra para cadagiti cararua iti intero a lubong a kasapulan a makabasa iti agdama a kinapudno. Agyamancami!

Dagiti cacabsatyo manipud General Conference Literature Department

Panangparmac iti Panangidumduma

MEMORY TEXT: “Ta awan ti pagdudumaan dagiti tattao iti Dios.” (*Roma 2:11*).

“Awan ti bigbigen ti Dios a panagduduma iti ranggo. Kencuana awan ti casta. Iti imatangNa, dagiti tattao ket tattao laeng, naimbag man wenno dakes. Iti aldaw ti maudi a panagkuenta, ti saad, ranggo, wenno kinabacnang ket saan a mabalbaliwan iti uray maysa a cabuoc ti kaso ti asinoman. Babaen iti Dios a makakita iti amin, maocomto dagiti tattao babaen iti kinadalus, iti kinatan-oc, iti panagayay ken Cristo.”—*Counsels on Stewardship*, p. 162.

Maisingasing a Basbasaen : *Testimonies*, vol. 3, pp. 304–309, 320–329.

Domingo

Octobre 27

1. MAYSA A PROBLEMA TI TABAS/UGALI

a. Ildawan ti gagangay a naindagaan a pagduyosan a mabalin a pakabasoltayo, nalabit a ditay pay ketdi mapupuotan daytoy. Santiago 2:1–4.

“Dagiti napanglaw ket rumbeng a matrato a buyogen ti interes ken imatang cas cadagiti nabacnang. Ti aramid a panangpadayaw cadagiti nabacnang ken panangtagi-bassit ken panangbaybay-a cadagiti napanglaw ket maysa a krimen iti imatang ti Dios. Dagidiay napalicmutan iti amin a pagnam-ayan ti biag, wenno paborito ken panuynoyan ti lubong gapu ta nabaknangda, saanda a marikna ti panagkasapulanda iti simpatia ken nadunggo a considerasion a cas cadagiti tattao a ti biagda ket nabayagen a makigubgubal iti kinapanglaw.”—*Testimonies*, vol. 4, p. 551.

“Nupay nabaknang ni Cristo cadagiti nailangitan a korte, nagbalin a napanglaw tapno babaen iti kinapanglawNa bumaknangtayo. Pinadayawan ni Jesus dagiti napanglaw babaen ti pannakipasetNa iti nanumo a kasasaadda. Manipud iti pakasaritaan ti biagNa masapul nga adalentayo no kasano ti panangtrato cadagiti napanglaw.”—*Ibid.*, p. 550.

b. Ania ti masapul a maamiristayo maipapan cadagidiay mabalin a napanglaw cadagiti sanckua daytoy a lubong ngem nabacnang iti pammati? Santiago 2:5.

2. PANANGBIGBIG KEN KINAPATAS

- a. **Ilawlawag ti balanse a pamay-an nga insuro ni Jesus maipapan iti panangtulong cadagiti napanglaw. Marcos 14:3–9.**
-

“Sumagmamano ti mangawit iti pagrebbengan ti kinaparabur agingga iti nalabes ken talaga a masaktan dagiti agkasapulan babaen ti panangaramidda iti adu unay para cadacuada. Saan a kanayon nga ikagumaan dagiti napanglaw ti bagbagida cas iti rebhengna. Bayat a saan ida a liwayan ken baybay-an nga agsagaba, masapul a maisuroda a mangtulong cadagiti bagbagida.

“Saan coma a maliwayan ti trabaho ti Dios tapno maawat dagiti napanglaw ti umuna nga imatangtayo. Inted ni Cristo iti naminsan cadagiti adalanNa ti napateg unay a leksion maipapan iti daytoy a punto. Idi imbucoc ni Maria ti sapsapo iti ulo ni Jesus, nagpakaasi ti naagum a ni Judas maigapu cadagiti napanglaw, a nagtanabutob iti imbilangna a panangsayang ti kuarta. Ngem pinalinteg ni Jesus ti tignay, kinunaNa: ‘Apay a riribukenyo isuna? inaramidna ti nasayaat nga aramid Caniac.’ ‘Sadinoman a pakaicasabaan daytoy nga ewanghelio iti intero a lubong, daytoy met nga inaramidna ket maisao kas pakalaglagipan kencuana.’ Babaen iti daytoy, nasuroantayo a maidayaw ni Cristo iti pannakaiconsagrar ti kasayaatan a substansiatayo. No ti sibubukel nga imatangtayo maiturong iti panangbang-ar cadagiti kasapulan dagiti napanglaw, mabaybay-an ti panggep ti Dios. Saanto met nga agsagaba no aramidn dagiti para-aywanNa ti pagrebbenganda, ngem ti panggep ni Cristo ti iyun-una.”—*Testimonies*, vol. 4, pp. 550, 551.

- b. **Idi nagkauna nga Israel, ania nga ugali ti nagutogut cadagidiay mangipapaay iti hustisia? Levitico 19:15; Deuteronomio 1:17; 10:17.**
-

- c. **Ita, kasano coma a masursuro ti amin iti aniaman a capasidad ti panangidaulo ti iglesia nga iyaplikar daytoy met laeng a prinsipio? 1 Pedro 1:17; Colosas 3:25.**
-

“Dagidiay mangisilpo iti panagayat ken interesda iti maysa wenna dua, ken mangpabor cadacuada a pakadacsan met iti sabsabali, saanda coma a pagtalinaeden ti saadda iti opisina iti maysa nga aldaw. Daytoy saan a napasanto a panangidumduma para cadagiti naisangsangayan a mabalin a makaay-ayo iti magarbo, iti pannakabaybay-a dagiti dadduma a managitured ken managbuteng iti Dios, ken iti imatangNa napatpategda, ket makasair iti Dios. Daya ipatpateg ti Dios ket rumbeng nga ipategtayo. Ti arkos ti naemma ken naulimec nga espiritu ibilangNa a nangatngato ti pategna ngem ti makinruar a kinapintas, makinruar nga arkos, kinabaknang, wenna nailubongan a dayaw.”—*Ibid.*, vol. 3, p. 24.

3. PANANGSUCOG ITI NASAYSAYAAT NGA UGALI

- a. **Ania a tubngar ti inted ni Santiago maipapan iti materialistiko a panangidumduma dagiti agcuncuna a mamati —ken apay a serioso daytoy a banag? Santiago 2:6, 7.**

“Binigbignaca ti Dios iti sangoanan dagiti tattao ken angel kas anacNa; icararagyo tapno saancayo a makaaramid ti mangibabain iti ‘nadayaw a nagan a pacanagannayo.’ Santiago 2:7. Ibaonnaca ti Dios ditoy lubong cas pannakabagiNa. Iti tunggal tignay ti biag masapul nga ipanayagmo ti nagan ti Dios. Daytoy a dawit ket awagannaca a mangtagicua iti cababalinNa. Dimo mabalin a mapasantoe ti naganNa, saanmo a mabalin nga irepresentar Isuna iti lubong, malacsid no iti biag ken kababalin irepresentar mo ti mismo a biag ken kababalin ti Dios. Maaramidmo laeng daytoy babaen ti panangawat iti parabur ken kinalinteg ni Cristo.”—*Thoughts From the Mount of Blessing*, p. 107.

- b. **Kasano laeng a makapagballigitayo iti umiso a panangirepresentar ken Cristo? Roma 2:11; Proverbio 23:7.**

“Adalem a naimbag ti nadosan-nataoan a kababalin, ken kanayon a saludsoden, ‘Ania ti aramiden ni Jesus no Isu ti adda iti lugarco?’ Daytoy coma ti rucod ti pagrebbengantayo. Saanyo nga isaad ti bagiyo a di kasapulan iti kagimongan dagidiay babaen cadagiti arteda pakapuyenda ti panggepyo nga agaramid iti nalinteg, wenna mangyeg iti mantsa iti consiensiayo. Dikay agaramid ti aniaman cadagiti ganggannaet, iti kalsada, cadagiti lugan, iti pagtaengan, nga addaan iti kabassitan a langa ti sairo. Agaramid iti maysa a banag iti inaldaw a mangpasayaat, mangpapintas, ken mangpatan-oc iti biag a ginatang ni Cristo babaen ti bucodNa a dara.

“Kanayon nga agtignay manipud iti prinsipio, pulos a saan a manipud iti rugso. Teppelan ti natural a kinadarasudos ti galadmo a buyogen ti kinaemma ken kinaalumamay. saan a palugodan iti parparawpaw wenna wenna kinaburburitog. Awan coma ti nababa a panagpacpakatawa a makalibas cadagiti bibigmo. Uray dagiti kapanunotam saan a mapalubosan nga agtaray iti gulo. Masapul a mapengdanda, maiyegda iti pannakacautibo iti panagtulnog ni Cristo. Maisaadda coma cadagiti nasantoan a bambanag. Ket, babaen ti parabur ni Cristo, agbalindanto a nasin-aw ken napudno.

“Kasapulantayo ti naynay a panangpanunot iti makapatan-oc a pannacabalin ti nadalus a kapanunotan. Ti laeng talged iti aniaman a cararua ti nalinteg a panagpampanunot. . . .

“Pasayaaten ti ugali nga agsao iti naimbag maipapan iti sabali. Dakamateng dagiti naimbag a galad dagidiay cacaduam, ket bassit laeng ti panangkitaem aginggat’ mabalin cadagiti biddut ken pannakapaayda.”—*The Ministry of Healing*, pp. 491, 492.

4. ADDAAN ITI NAARIAN A TABAS

- a. **Ania ti ipaganetget ti Nasantoan a Surat a sipupudno a nasisita ti Nacristianoan a pammatitayo —ken apay? Santiago 2:8.**
-

“Adu a mannursuro iti rehigion ti mangpasingked a babaen ti ipapatay ni Cristo nawaswasen ti linteg, ket nawayaanen dagiti tattao cadagiti gutogutenNa. Adda sumagmamano a mangiprang iti dayta cas nakana a sangol, ket maisupadi iti panangadipen ti linteg iparanga ti wayawaya a matagiragsac iti sidong ti evangelio.

“Ngem saan a casta ti panangibilang dagiti propeta ken apostol iti nasantoan a linteg ti Dios. Kinuna ni David: ‘Magnaac a siwayawaya: ta binirocco dagiti alagadem.’ Salmo 119:45. Ni apostol Santiago, a nagsurat calpasan ti ipapatay ni Cristo, dinacamatna ti Sanapulo a Bilin cas ‘ti naarian a linteg’ ken ‘ti naan-anay a linteg ti wayawaya.’ Santiago 2:8; 1:25. Ket ti Rebelador, kagudua a siglo calpasan ti pannakailansa, inyebkasna ti bendicion cadacuada ‘a mangtungpal cadagiti bilbilinNa, tapno maaddaanda iti kalintegang iti kayo ti biag, ken makastrecca cadagiti ruangan nga agturing iti ciudad.’ Apocalipsis 22:14.” —The Great Controversy p. 466.

“No sumuko ti maysa ken Cristo, maisangbay ti panunot iti sidong ti panangtenggel ti linteg; ngem isu ti naarian a linteg, a mangiwarwaragawag iti wayawaya iti tunggal cautibo. Babaen ti panagbalinda a maymaysa ken Cristo, mawayawayaan ti tao. Ti panagpasakup iti pagayatan ni Cristo ipaawatna ti pannakaisubli iti naan-anay a kinatao.

“Ti panagtulnog iti Dios ket wayawaya manipud iti pangadipen ti basol, pannakaispal manipud iti nataoan a regget ken rugsoy. Mabalin nga agtacder ti tao a manangparmec iti bagina, manangparmec cadagiti bucodna a pagduyosan, mangparmec cadagiti pagturayan ken pannacabalin, ken ‘dagiti agtuturay iti sipnget daytoy a lubong,’ ken iti ‘naespirituan a kinadakes cadagiti nangato a disso. Efeso 6:12.” —*The Ministry of Healing*, p. 131.

- b. **Kasano a ti kaadda ti panangkampi, panangidumduma, ken/wenno madi a panangipato di makaay-ayo a mangdadael iti saksitayo para ken Cristo? Santiago 2:9.**
-

“Mabalin a tontonen a pasurotnatayo ni Cristo, mabalin nga ibagatayo a patientayo ti tunggal kinapudno iti sao ti Dios; ngem daytoy awan ti maitulongna iti caarrubatayo malacsid no ti pammatitayo ket maipan iti inal daw a panagbiagtayo. Mabalin a nangato ti panagibunananagtayo a cas iti langit, ngem saanna nga isalacan ti bagitayo wenno dagiti padatayo a tattao malaksid no Cristianotayo. Ti umiso nga ulidan ad-adu a baneficio ti maaramidanna iti lubong ngem iti amin a panagibunannagtayo.” —Christ’s Object Lessons, 383.

5. NAINSIRIBAN A PANURSO ITI KINAASI

- a. Ania ti masapul a laglagipentayo iti panangitandudotayo iti linteg moral ti Dios —casta met no iranudtayo daytoy a kinapudno iti sumaganad a caputotan? Ecclesiastes 11:9; 12:13, 14; Santiago 2:10–13.

“Addaan dagiti agtutubo iti nainkasigudan a panagayat iti wayawaya; kasapulan a maawataanda a dagitoy di mabilang a bendicion ket matagiragsac laeng iti panagtulnog iti linteg ti Dios. Daytoy a linteg ti mangsalsalimetmet iti pudno a wayawaya. Itudo ken iparitna dagidiay a bambanag a mangpababa ken mangadipen, iti casta, cadagiti natulnog ipaayna ti salacnib manipud iti pannacabalin ti sairo.

"Kuna ti Salmista: 'Ket magnaacto a siwayawaya; ta binirocco dagiti alagadem.' 'Dagiti pammanecnemo isuda met ti pagray-oac ken cabalanbalacadco.' Psalm 119:45, 24.

“Iti panangikagumaantayo a mangator iti kinadakes, agannadtayo coma busor iti panagduyos a mangbiroc iti biddut wenno mangbabalaw. Ti agtultuloy a panangumsi ket mangriro, ngem saan a mangreporma. Iti adu a panunot, ken masansan dagidiay addaan iti kasayaatan a maakaran, ti law-ang ti saan a naasi a pammabalaw ket makapatay iti pekso. Dagiti sabong saanna nga agucrad iti sidong ti anges ti mangdadael nga angin. . . .

“Ti pudno a panggep ti pannubngar ket magun-odan laeng no ti mismo a nagaramid iti bidutol ket maiturong a mangkita iti basolna ket ti pagayatanna maaramat para iti pannakakorehir dayta. No maibanag daytoy, itudo isuna iti gubuyan ti pammacawan ken pannacabalin. Ikagumaanyo a pagtalinaeden ti panagraemna iti bagina ken ti mangparegta kencuana buyogen ti tured ken namnama.

“Daytoy a trabaho ti kasayaatan, karirigatan, a naikumit cadagiti tattao. Gutogutenna ti naannad unay a taktika, kalacaan a pannakaacar, pannakaammo iti nataoan a galad ken nayanac idiay langit a pammati ken anus, a situtuloc nga agrabaho ken agbantay ken aguray. Maysa a trabaho nga awanen ti natapatteg pay ngem iti daytoy.”—*Education*, pp. 291, 292.

Viernes

Noviembre 1

PERSONAL A PANGREPASO A SALSALUDSOD

1. Kabayatan nga awanannac pay iti adu, ania ti masapul a maamirisco maipapan iti sabali nga addaan iti basbassit pay?
2. Kasano kalalaca ti maaddaan iti bulsec a panangidumduma wenno di nainkalintegan a panangipato busor iti smagmamano a tattao?
3. Kasano nga apektaran dagiti modelo ti panagpampanunottayo ti wagas a panangtratotayo cadagita a tattao?
4. Apay a ti linteg ti Dios naawagan a linteg ti wayawaya?
5. Iladawan ti ugali a masapul nga adda iti panangisuro cadagiti tattao nga addaan itibiddut a kapanunotan.

Pammati nga Agtignay

MEMORY TEXT: “Ngem cayatmo nga ammoen, tao a maag a ti pammati a di mapacuyugan cadagiti ar-aramid isu ti eppes?” (Santiago 2:20).

“Nupay dagiti naimbag nga ar-aramid saanda nga isalacan uray ti maysa a cararua, imposible para iti uray maysa a cararua ti maisalacan nga awan dagiti naimbag nga ar-aramid.”—*Faith and Works*, p. 111.

Maisingasing a Basbasaen : *Early Writings*, pp. 226–228, 269–273.

Domingo

Noviembre 3

1. PAMMATI KEN EHEMPLO

- a. Apay a naan-anay a nasken ti agbiag a naan-anay a maitunos iti pammati nga ibunbunannagtayo? 1 Corinto 4:9; 1 Juan 5:3; Santiago 2:14.

“Awan coma ti mangallilaw iti bagina babaen ti panamati a mabalinda ti agbalin a santo bayat a sinanakemda a mangsalungasing iti maysa cadagiti gutoguten ti Dios. Ti panangaramid ti ammon a basol paulimekenna ti agsaksi a timec ti Espiritu ken isinaNa ti cararua manipud iti Dios.”—*The Great Controversy* p. 472.

“Ti pammanecnec ti maysa a biag iwaragawagna iti lubong no isu ket napudno wenno saan iti pammati nga ibagbagana. Ti kababalinmo kissayanna ti linteg ti Dios iti panangpattapatta dagiti nailubongan a gagayyemmo. Kunana cadacuada: ‘Mabalin a tungpalenyo wenno saan dagiti bilin. Mamatiac a ti linteg ti Dios ket, iti maysa a wagas, mangigalut cadagiti tattao; ngem, saan unay a partikular ti Apo no maipapan iti nainget a panangtungpal cadagiti allagadenna, ket ti sagpaminsan a panaglabsing ket saan a masarungkaran iti inadangcoc iti biangNa.’

“Adu ti mangekskyus ti bagida gapu iti panangsalungasingda iti Sabbath babaen ti panangdakamatda iti ehemplom. Ikalinteganda a no ti nasayaat unay a tao, a mamati a ti maikapito nga aldaw ket Sabbath, mabalinna ti makipaset cadagiti nailubongan a panggedan iti dayta nga aldaw no kalikaguman dagiti paspasamac, sigurado a maaramidda met dayta nga awan ti pannakacondenar. Adu a cararua ti sumango kenca iti pangocoman, a mamagbalin iti impluensiam a pambar iti panagsukirda iti linteg ti Dios. Nupay daytoy saanto a mapakawan gapu iti basolda, ngem ibagananto a sibubuteng ti maibusor kenca.”—*Testimonies*, vol. 4, p. 250.

2. LANGIT KEN DAGA AGBANBANTAYDA

- a. **Ania nga ehemplo ti inted ni Santiago a mangiladawan iti kinamanaginsisingpet ti ungaong a panagsao nga awanan iti aramid? Santiago 2:15–17.**

“Ti kasalawitwitan a sermon a mabalin nga icasaba iti linteg ti Sangapulo a Bilin ket ti panangaramid cadagito. Tti panagtulnog maaramid a personal a pagrebbengan. Ti panagliway iti daytoy a pagrebbengan ket nabatad a basol. Ikabilnatayo ti Dios iti sidong dagiti obligasion saan laeng a tapno masiguradotayo a mismo ti langit, no di ket tapno mariknatayo a maysa a pagrebbengan ti mangipakita iti sabali ti dalan ken, babaen ti panangaywantayo ken awan interesna nga ayattayo, maiturong ken Cristo dagidiay umay iti uneg ti sakup ti impluensiatayo. Ti kinaawan ti prinsipio a pakabigbigan iti biag ti adu nga agkunkuna a Cristianoda ket makapadanag. Ti saanda a panangikankano iti linteg ti Dios upayenna dagidiay mangbigbig cadagiti sagrado a tontonenna ken agduyos a mangpabaw-ing cadagidiay manipud iti kinapudno a mabalin nga umawat iti dayta.”—*Testimonies*, vol. 4, p. 58. [Author’s emphasis.]

- b. **Ania a talaga ti kaipapanan ti pudpudno a panamati ken Cristo? Santiago 2:18; Mateo 6:24.**

“Nagsao ti Dios, ket ipaawatNa nga agtulnog ti tao. SaanNa a saludsoden no nanam-ay a mangaramid iti dayta. Ti Apo ti biag ken dayag saanNa a kinunsulta ti nam-ay wenna ragsacNa idi pinanawanNa ti estasionna a nangato saad tapno agbalin a tao ti ladingit ken makaam-ammo iti leddaang, nga inawatNa ti pannakaibabain ken ipapatay tapno maisalacan ti tao manipud iti imbanag ti kinasukirna. Natay ni Jesus, saan a tapno isalacanNan ti tao cadagiti basbasolna, no di ket manipud cadagiti basbasolna. Masapul a panawan ti tao ti biddut dagiti dalanna, surotenna ti ehemplo ni Cristo, alaenna ti cruzna ken sumurot Kencuana, nga ilacsidna ti bagina, ken agtulnog iti Dios uray ania ti gubuyenna. . . .

“No pudno nga adipenNatayo ti Dios, awan coma ti saludsod iti panunottayo no agtulnogtayo cadagiti bilinNa wenna konsultaen dagiti bucodtayo a temporal nga interes. No dagiti mamati iti kinapudno ket saan a masuportaran babaen iti pammatida cadagito natalna nga aldaw, no idilig, ania ti mangtaginayon cadacuada inton dumteng ti naindacan a pannuboc ken ti bilin ket rummuar maibusor cadagiti amin a saan nga agdayaw iti ladawan ti animal ken umawat iti markana cadagiti musing wenna cadagiti imada? Saanen nga adayo daytoy solemne a panawen. Imbes nga agbalinda a nakapuy ken agpangadua, ti ili ti Dios agurnongda coman iti pigsang ken tured para iti tiempo ti riribuk.”—*Ibid.*, pp. 250, 251. [Author’s emphasis.]

3. AGADAL MANIPUD KEN ABRAHAM

a. Ania a nakaam-amac a naespirituan a kasasaad ti sipapasnec a naiballaag cadatayo? Santiago 2:19.

“Adu ti mangaklon a ni Jesu-Cristo ti Mangisalacan iti lubong, ngem iti isu met la a tiempo, iyadayoda ti bagbagida Kencuana, ken dida agbabawi cadagiti basolda, saanda nga awaten ni Jesus cas personal a Mangisalacanda. Ti pammatida ket pananganamong laeng ti panunot ken panangocom iti kinapudno; ngem ti kinapudno saan a naisangbay iti pusoda, tapno santipikarena ti cararua ken balbaliwana ti cababalin.”—*Selected Messages*, bk. 1, pp. 389, 390.

“Mabalin a patiem ti amin a kinapudno; ngem no dagiti prinsipiona saan a natungpal iti biagyo, saannacayo a maisalacan ti panagibunannagyo. Ni Satanas mamati ken agpigerger . Agtrabaho isuna. Ammona nga ababan ti panawenna, ket bimmaba iti dackel a pannacabalin tapno aramidenna dagiti dakes nga aramidna a maitunos iti pammatina. Ngem dagiti agcuncuna nga ili ti Dios saanda a suportaran ti pammatida babaen cadagiti aramidda. Mamatida iti kinaababan ti panawen, ngem sigagagarda a manggammat cadagiti sanicua daytoy a lubong a casla agtacerder ti lubong iti sangaribu pay a tawen a cas ita.”—*Testimonies*, vol. 2, p. 161.

b. Kasano a matignaytayo iti ehemplo ni Abraham? Roma 4:1–3; Santiago 2:20–22.

“Namati ni Abraham iti Dios. Kasanotayo nga ammo a namati? Dagiti aramidna panecnecanda ti kababalin ti pammatina, ket ti pammatina naibilang kencuana a kinalinteg.

“Kasapulantayo ti pammati ni Abraham iti al-aldawtayo, tapno manglawag ti sipnget nga agu-ummong iti aglawlawtayo, a mangiddep iti nasam-it a lawag ti init ti ayat ti Dios, ken mangpabassit iti naespirituan a panagdur-as. . . . Tunggal pagrebbengan a maaramid, tunggal sacrificio a maaramid iti nagan ni Jesus, ket mangyeg iti nalabes a nagdackel a gungguna. Iti aramid ti pagrebbengan, agsao ti Dios ken itedNa ti bendicionNa.”—*The SDA Bible Commentary*, vol. 7, p. 936.

“Napalinteg dagiti tattao gapu iti pammati, ngem maocom ken magunggunaanda cas maitutop cadagiti aramidda.”—*The Signs of the Times*, November 20, 1884.

“Ti kinalinteg ni Cristo buklen dagiti nalinteg a tignay ken naimbag nga aramid manipud cadagiti nasin-aw, saan managimbubucod a motibo.”—*Testimonies*, vol. 3, p. 528.

“Ti panangtungpal cadagiti bilbilin ti Dios ket gutogutenna cadatayo dagiti naimbag nga aramid, panangilibac iti bagi, pangisacrificio iti bagi ken debosion para iti pagimbagan ti sabali, saan a dagiti naimbag nga aramidtayo laeng ti makaispal cadatayo, no di ket sigurado a saantayo a maisalacan no awan dagiti naimbag nga aramid. Kalpasan nga inaramidtayo amin a kabaellantayo nga aramiden, ibagatayo ngarud: Awan ti naaramidantayo a nasursuroc ngem ti pagrebbengantayo, ket ti kasayaatan ket saan a pakagungunaan nga adipen, a di maikari iti kabassitan a pabor manipud iti Dios. Masapul a ni Cristo ti kinalintegtayo ken korona ti panagrag-otayo.”—*Ibid.*, p. 526.

4. DAGITI SASAO A MAKAPAREGTA

- a. **Ilawlawag no kasano a ti pagpatulad a biag ni Abraham ket maiyanninaw iti bukodtayo a biag cas mamati ken Cristo. Genesis 26:5; Santiago 2:23, 24.**
-

“Dagiti naimbag nga aramid ket bunga ti pammati. Bayat nga agrabaho ti Dios iti puso, ken ti tao isucona ti pagayatanna iti Dios, ken makitinnulong iti Dios, itrabahona iti biag no ania ti aramiden ti Dios babaen ti Espiritu Santo, ket adda panagtutunos ti panggep ti puso ken ti nakasanayan iti biag. Masapul a tallicodan ti tunggal basol a cas makapagura a banag a nangilansa iti Apo ti biag ken dayag, ket masapul nga addaan ti mamati iti progresibo a kapadasan babaen iti agtultuloy a panangaramidna cadagiti aramid ni Cristo. Babaen ti agtultuloy a panangisuco iti pagayatan, babaen ti agtultuloy a panagtulnog, a mapagtalinaed ti bendicion ti pannakapalinteg.

“Dagidiay napalinteg babaen ti pammati ket masapul nga addaan iti puso a mangsalimetmet iti dalan ti Apo. Pammanec nec dayta a ti maysa a tao saan a mapalinteg gapu iti pammati no dagiti aramidna ket saan a maitunos iti ibagbagana. Kuna ni Santiago, ‘Makitamon a ti pammati mapacuyugan cadagiti ar-aramid, ket gapu cadagiti ar-aramid, ti pammati maaramid a naananay?’ (Santiago 2:22).

“Ti pammati a saan a mangpataud cadagiti naimbag nga aramid saanna a mapalinteg ti cararua.”—*Selected Messages*, bk. 1, p. 397.

- b. **Apay a ti amin a mangsaksi cadagiti pagano ita ket maparegta no kasano ni Raab, ti balangkantis, ket nadacamat cas pinalinteg ti Dios? Santiago 2:25; Hebreo 11:31.**
-

“Idiay nadangkes a Jerico ti pammanec nec ti maysa a pagano a babai ket, ‘Ti Jehova a Diosyo, Isu ti Dios idiay ngato sadi langit, ken iti baba ditoy daga.’ Josue 2:11. Ti pannakaammo ken Jehova a casta a dimteng kencuana, pinanecnecanna ti panna-kaisalacanna. . . . Ket ti pannakakombertena ket saan a naiputputong a kaso ti asi ti Dios cadagiti managrucbab iti didiosen a nangbigbig iti nadiosan a turayNa.”—*The Prophets and Kings*, 369.

“Amin dagidiay, cas ken Raab a Canaanita, ken Ruth a Moabita, a nagsubli manipud iti panagdidiosen nga agturong iti panagdayaw iti pudno a Dios, masapul a makikaysada iti piniliNa nga iliNa.”—*Christ’s Object Lessons*, 290.

“Dackel a trabaho ti maaramid cadagiti ciudadtayo, ket dagiti talon naluom aminen para iti panagani. Maawaganto ti imatangtayo iti tunggal direksion, ta dagiti agbababawi a cararua agpadpada cadagiti Cristiano ken pagano a daga ipangatodanto ti timecda nga agpatulong. Masapul nga awan ti maysa a partikulo ti panangitag-ay iti bagi; ti laeng talgedmo isu ti panag-talec iti Dios.”—*The General Conference Bulletin*, April 1, 1895.

5. DAGITI TULBEC TI BALLIGI

- a. **Ilawlawag no kasano a maaddaantayo iti balligi ken Cristo? Santiago 2:26; 2 Pedro 1:3, 4.**
-

“Nasisita ti maaddaan iti pammati ken ni Jesus, ken mamati a naisalacanca babaen Kencuana; ngem adda peggad ti panangala iti saad a talaga nga alaen ti adu iti panangibaga, ‘Naisalacannacon.’ Adu ti nagkuna: ‘Masapul nga agaramidca cadagiti naimbag nga aramid, ket agbiagcanto’; ngem no naisina ken Cristo awan ti makaaramid cadagiti naimbag nga aramid. Adu iti agdama nga aldaw ti agkuna, ‘Mamatica, mamatica laeng, ken agbiagca.’ Agkuykuyog ti pammati ken aramid, naglaoc ti panamati ken panagaramid. Saan a basbassit ti gutoguten ti Apo iti cararua ita, ngem iti ginutogutNa ken Adan idiay Paraiso sacbay a natnag—naan-anay a panagtulnog, awan pakapilawanna a kinalinteg. Ti gutoguten ti Dios iti babaen iti tulag ti parabur ket cas kalawa iti ginutogutNa idiay Paraiso—pannakaitunos iti lintegNa, a nasantoan, ken nalinteg, ken nasayaat. . . . Awan coma ti asinoman a mangala iti allilaw a makaay-ayo unay iti natural a puso, nga awaten ti Dios ti kinapasnec, aniaman ti mabalin a pammati, uray kasano ti kinaimperfecto ti biag. Gutoguten ti Dios iti anacNa ti naan-anay a panagtulnog.

“Tapno matungpal dagiti gutoguten ti linteg, ti pammatitayo masapul a petpetanna ti kinalinteg ni Cristo, nga awatentayo daya cas kinalintegtayo. Babaen ti pannakikaysa ken Cristo, babaen ti panangawat iti kinalintegNa babaen iti pammati, mabalin a kualipikadotayo nga mangaramid cadagiti trabaho ti Dios, a makipagtrabaho ken Cristo. No situtulocca a pailuyos ti ayus ti kinadakes, ken saanca a makitinnulong cadagiti nailangitan nga ahensia iti pananglapped iti panagsalungasing iti pamiliam, ken iti iglesia, tapno maiyeg ti agnanayon a kinalinteg, awananca iti pammati. Ti pammati ket agtrabaho babaen ti ayat ken dalusanna ti cararua. Babaen iti pammati agtrabaho ti Espiritu Santo iti puso tapno mangpamuay iti kinasanto iti uneg; ngem saan a maaramid daytoy malacsid no ti nataoan nga ahencia makipagtrabaho ken Cristo. . . . Tapno maaddaantayo iti kinalinteg ni Cristo, kasapulantayo ti inaldaw a mabalaliwan babaen ti impluensia ti Espiritu, tapno makiramantayo iti nadosan a galad.”—*Selected Messages*, bk. 1, pp. 373, 374.

Viernes

Noviembre 8

PERSONAL A PANGREPASO A SALSALUDSOD

1. **Iti panangtonton a salimetmetan ti linteg ti Dios, ania ti masapul a maamirisco maipapan iti impluensiac?**
2. **Ania ti gutoguten ti Langit cadagiti mamati a Cristiano?**
3. **Apay a ni Abraham masansan a madacamat cas ama dagiti namatalec?**
4. **Cadagiti am-ammoc, sino ti mabalin a maconvertento cas ken Raab?**
5. **Kasano a maaddaannac iri naballigi a Nacristianoan a kapadasan?**

Agcargcararag Sacbay iti Panangilucat iti Ngiwat

MEMORY TEXT: “Isurodac, ket agtalnaacto; ket aramidendac a macaawat iti nagbiddutac.” (Job 6:24).

“No ti asinoman a tao ket saan a makasair iti sao, isu met laeng ti perfecto a tao, ken kabaelanna met a lapdan ti intero a bagi.’ Ti lawag nga agsilnag iti dalantayo, ti kinapudno a mangpadayaw iti bagina cadagiti consiensiatayo, condinaren ken daaelenna ti cararua, wenno pasantoen ken balbaliwana dayta. Agbibigtayon iti asideg iti panagserra ti probasion tapno mapnec iti narabaw a trabaho.”—*Testimonies*, vol. 1, p. 308.

Maisingasing a Basbasaen : *Testimonies*, vol. 2, pp. 50–55, 314–318; vol. 5, pp. 55–59, 175–177.

Domingo

Noviembre 10

1. PANANGPALAMIIS ITI KINAPALANGGUAD

- a. **Ania ti rumbeng a laglagipen dagidiay kanayon nga alisto a mangikagumaan a mangdominar iti sabali? Santiago 3:1; Marcos 9:35.**

“Ti Dios pagsungbatenNa ti tunggal maysa para iti impluensia a manglikmut iti cararuana, iti bukodna a sungsungbatan ken iti sabsabali.”—*Counsels to Parents, Teachers, and Students*, p. 102.

“Kadawyan, a dagiti tattao ipangrunada dagiti bagbagida ken bagina laeng ti amona. Ngem mapukaw ti kinamanagimbubucod iti biag dagidiay makasursuro cadagiti leksion a tarigagay nga isuro ni Cristo cadacuada. Agbalinda a makipaset iti nadosan a galad, ket agbiag ni Cristo cadacuada. Ibilangda amin a tattao cas cacabsat, nga addaan iti umasping a tarigagay, kapasidad, sulisog, ken pannuboc, nga agkalikagum iti simpatia ken agkasapulan iti tulong.

“Pulos na saantayo nga ibabain ti padatayo tao. No makitatayo a naaramid dagiti biddut, masapul nga aramidentayo ti amin a kabaelantayo a tumulong cadagiti nagbiddut, babaen ti panangibaga cadacuada iti bucodtayo a kapadasan—no kasano idi nakaaramidtayo cadagiti nakaro a biddut, anus ken pannakilangen, kinaimbag ken kinamanagtulong, iti paset dagiti katrabahuan, ti nangted cadatayo iti tured ken namana.”—*The Signs of the Times*, May 11, 1904.

2. PANANGPASAYAAT ITI NAIM-IMBAG NGA UGALI

- a. **Ania dagiti natadem a pannubngar ti naipaay cadagidiay nagubsang cadagiti sabali bayat nga agkedkedda a mangaklon cadagiti bukodda a biddut? Ecclesiastes 7:20; Santiago 3:2 (umuna a paset).**
-

“Saanyo kadi a mailasin dagiti bucodyo a pagkurangan ket isuotyo a mismo ti sibubukel a cabal ti kinalinteg? Saanca kadi nga agbalin a nasiput ken kritical iti bucodmo nga espiritu ken galad ti isipi ken sasao a cas iti panagbantaymo cadagiti daduma, amangan no maibabain ti Dios, ken di umiso ti pannakairepresentar ti kinapudnona? Ti pangbigbigmo dackelto ti sumayaatanna no aramidem daytoy. Ti kinapudno, ti sibibiag a sao, ket casla apuy a naiserra cadagiti tulangmo, nga agsilnag iti nalawag, di mapagduaduaan a pannakaiduma, a mangibagi ken Cristo iti lubong. . . .

“Awan kadi cadagidiay nangaramid iti bagbagida a detektib ti makakita iti pagduyosan ti saad nga innalada iti panangikagumaan nga agbalin a mangkonkontrol a pannacabalin? Sadino ti ayan ti nalawag a naespirituan a pagkitada? Apay a mailasinda ti maysa a puling iti mata ti maysa a cabsat, idinto ta adda ti pasanggir iti bukodda a mata?”—*Testimonies to Ministers and Gospel Workers*, pp. 295, 296.

- b. **Ania ti mangipakita a ti maysa nakagteng iti tucad ti moral a kinaperpekto —ket kasano laeng a posible daytoy? Santiago 3:2; 1 Corinto 13:5 (maikadua a gudua).**
-

“No sadino a ti pakasaracan ti saan a paiturayan a dila iti lugar a pangaramidanna iti nakillo nga aramid, ti rag-o ti Apo saanto a makipagtaeng.

“Dagiti coma pagduaduaan, nga agpampanunot ken agsasao iti dakes cadagiti cacabsatda, laglagipenda nga ar-aramidenda ti pagbannogan ti diablo. Tunggal miembro ti iglesia agrabaho coma a buyogen ti napasnec a determinasion, ken buyogen ti cararag para iti tulong, tapno maagasan ti masakit a miembro, ti dila. Marikna coma ti tunggal maysa a pagrebbengan ken pribilehiona ti mangpalabas cadagiti babassit a panagduduma ken biddut nga awan ti komento. Saan a padackelen dagiti babassit a biddut nga inaramid ti maysa, no di ket panunoten ti naimbag nga adda kencuana. Cada tiempo a mapanunot ken mapagsasaritaan dagitoy a biddut, dumacdackelda. Ti bantay ket naaramid manipud iti bonton. Dakes a rikna ken nakurang a panagtalec ti resultana.”—*Australasian Union Conference Record*, April 15, 1903.

“Mangaramidca iti tulag iti Dios a saluadam a naimbag dagiti sasaom. ‘No adda saan a macabasol iti sao, maysa a tao, a naimbag unay, a macabalin a mangngednged iti isu-amin a bagi.’ Santiago 3:2. Laglagipem a ti panagigales a palawag dina pulos iparikna iti maysa a nagun-odna ti balligi. Bay-am nga agsao ni Cristo babaen kenca. Saanyo a mapukaw ti bendicion nga aggapu iti saan a panagpanunot iti dakes.”—*Testimonies*, vol. 7, p. 243.

3. MANGRUGI ITI RAMUT

- a. **Surotenyo ti saan nga umiso a direksion a sumaruno no iduldulintayo ti pungtot, ken ilawlawgyo ti kakaisuna a pamay-an tapno maliclican daytoy.. Hebreo 12:15; Santiago 3:3-5.**
-

“Tinarakenmo ti sakit ti nakemmo maibusor ken lakaymo ken cadagiti dadduma a nakabasol kenca, ngem napaayca a nangbigbig no sadino ti nagbiddutam ket inaramidno dagiti banbanag a dadcakes ngem iti bucodmo a di umiso a dalan. Ti espiritum nagbalin a nasubcar maibusor cadagidiay nakaaramid kenca iti kinainhustisia, ket ti riknam naksarac cadagiti panangumsi ken panangbabalaw. Mangted daytoy iti apagbiit a bang-ar iti nadagsenan a pusom, ngem nangibati dayta iti manayon a piglat ita cararuam. Ti dila, bassit a kameng ngem patanorena ti di umiso a pannakausar agingga nga agbalin a mangtalipopos nga apuy.

“Amin dagitoy a banag ket agduyos a mangsukimat iti naespirituan a panagrangaymo. Ngem makita ti Dios no kasano karigat para kenca ti agbalin a nanus ken mamacawan, ken ammoNa no kasano ti mangngaasi ken tumulong. GutogutenNa a repormaem ti biagmo, nga ilintegmo dagiti depectom. TarigagayanNa a ti natibker, di sumuco nga espiritum ket maparucma babaen ti paraburNa. Rumbeng nga agpatulongca iti Dios, ta kasapulam ti talna ken kinaulimec imbes a bagyo ken panagsusupiat. Ti relihion ni Cristo ibilinna cadacayo a saan unay nga aggaraw manipud iti rugso, ken ad-adda manipud iti nasantificar a panagrason ken kalmado a panangusig.”—*Testimonies*, vol. 4, p. 139.

- b. **Ania ti masapul a maamiristayo maipapan cadagiti sasao nga iyeecastayo? Santiago 3:6.**
-

“Dagiti sasaom ipacdaarda, dagiti tignaymo ipakitada, no sadino ti yan dagiti gamengmo.”—*Ibid.*, vol. 1, pp. 698, 699.

“Aggaraw ni Sister F manipud iti rugso, ket makasarac iti biddut, ken adu unay ti maibagana maibusor cadagiti cacabsatna a lallaki ken babbai. Daytoy ti mangpataud iti riro iti aniaman nga iglesia.”—*Ibid.*, vol. 2, p. 51.

“Laglagipen coma dagidiay maragsacan a mangsurot cadagiti sasao ti pananglais ken kinaulbod maibusor cadagiti adipen ni Cristo a saksi ti Dios cadagiti aramidda. Ti managpabasol a sagidda ket saan a panangrugit cadagiti awanan cararua a vasiha no di ket dagiti ugali dagidiay ginatang ni Cristo babaen ti daraNa. Ti ima a nangsurot cadagiti cababalin cadagiti bacud ti palacio ni Belsazar pagtalinaedenda ti namatalec a rekord ti tunggal tignay ti kinainhustisia wenna panangirurumen a naaramid maibusor iti ili ti Dios.”—*Ibid.*, vol. 5, pp. 244, 245.

4. URAY NO MAPASAMAC NGA AGBALIN KINAPUDNO

- a. **Ania ti napigsa a kiddaw ti maaramid maipapan iti napeggad a gagangay a pagduyosan iti al-aldawtayo? Salmo 15:1–3; 1 Corinto 13:6.**

“Ti dila a maragsacan iti kinadakes, ti tarawitwit a dila a mangibagbaga, Ipadamag, ket ipadamagconto, ket indeclara ni apostol Santiago a mapuoran iti impierno. Iwarasna dagiti aluten iti tunggal sikigan. Ania ti pakasecnan ti aglaclaco iti tsismis a dadaelenna ti inosente? Saanna nga isardeng ti dakes nga aramidna, nupay madadaelna ti namnama ken tured dagidiay lumlummeden gapu cadagiti dadagsenda. Masecnan laeng a mangpalugod iti panagayatna iti eskandalo. Uray dagiti agcuncuna a Cristianoda ikidemda dagiti matada iti amin a nadalus, napudno, natan-oc, ken nakaay-ayat, ket ipategda ti aniaman a makarimon ken di makaay-ayo, ket ipablaacda dayta iti lubong.

“Dakayo a mismo ti nanglucac cadagiti ruangan tapno sumrec ni Satanas. Inikkanyo iti nadayaw a lugar iti imbestigasionyo, wenna cadagiti pangausisayo. Ngem awan ti impakitayo a panagraem cadagiti kinatan-oc ti maysa a kababalin a naipasdec ti adu a tawen a kinamatalec. Dagiti naimon, manangibales a dila ket addaan cadagiti namaris a tignay ken motibo a maibagay iti bukodda nga ideya. Pinagbalinda a puraw ti nangisit, ken nangisit ti puraw. Idi nasuppiat gapu cadagiti sasaoda, kinuna ti daduma: ‘Pudno dayta.’ Admitirenda a pudno ti naibaga a kinapudno, ikalintegan kadi dayta ti aramidmo? Saan, saan. No alaen ti Dios amin dagiti pammabasol a mabalin a pudno a maidatag busor kenca, ket sallapiden ida a saplit a mangdusa kenca, dagiti sugatmo ad-adu ken naun-ungem ngem cadagidiay impaaymo iti Cabsat ----. Uray dagiti kinapudno mabalin a maisao a mangipaay iti palso nga impresion. Awan ti karbengam a mangurnong iti tunggal report maibusor kencuana ket usarem dagitoy a mangdadael iti reputasionna ken mangdadael iti kinaservina. No iparangarang ti Apo kenca ti isu met laeng nga espiritu nga imparangarangmo iti cabsatmo, madadaelcanto nga awan asi. Awan kadi ti panagbabawi ta consiensiam? Saanac a mabuteng. Saan pay a dimteng ti tiempo a mapukaw ti birtud daytoy sinasatanas a gamudco No ni Cabsat ---- - pudno unay cas panangirepresentarmo kencuana—ngem ammoc a saan, saan latta a nainkalintegan ti aramidmo.

“No dumngegtayo iti pannakaumsi iti cabsattayo, alaentayo dayta a pannakaumsi. . . . [Psalm 15:1–3 quoted.]”—*Testimonies*, vol. 5, pp. 57, 58.

- b. **Kadagiti pito a basol a nadakamat a cas makarimon iti Apo, mano ti mainaig cadagiti balikastayo? Proverbio 6:16–19.**

5. MAYSA NGA IGAM A MAKASUGAT

- a. **Kasano ken apay a masapul a liklikantayo ti gagangay unay nga ugali a panagtsismis? Job 6:24; Proverbio 11:13; 26:20–22.**
-

“Anian a lubong ti tsismis ti malapdan no laglagipen ti tunggal tao a dagidiay mangibaga kencuana cadagiti biddut ti sabali ket cas iti nawaya a mangipablaac cadagiti biddutna iti paborable a gundaway. Rumbeng nga ikagumaantayo ti agpanunot a nasayaat cadagiti amin a tattao, nangruna cadagiti cacabsattayo, aingingga a mapilitantayo nga agpanunot iti sabali. Saantayo coma nga agdardaras a mangpadayaw cadagiti dakes a report. Masansan a dagitoy ti resulta ti apal wenna di panagkikinnaawatan, wenna mabalin nga agtaud dagitoy manipud iti panaglablabes wenna sangkataset a pannakaipablaac ti kinapudno. Ti imon ken panagsuspetsa, apaman a maipaayan iti lugar, imulada cadagiti bagbagida ti waragawag, cas iti 'histedown.' No maiyaw-awan ti maysa a cabsat, isu ngarud ti tiempo nga ipakitam ti pudno nga interesmo kencuana. Mapanca kencuana a siaasi, makipagcararag kencuana ken para kencuana, a laglagipem ti awan patinggana a gatad nga imbayad ni Cristo para iti pannakasubbotna. Iti kastoy a wagas maisalacanmo ti maysa a cararu manipud ken patay, ken mailemmengmo ti nakaad-adu a basbasol.

“Ti maysa a panangsiput, maysa a sao, uray ti intonasion ti timec, mabalin a napateg iti kinaulbod, a lumned a cas iti nasiit a pana iti sumagmamano a puso, a mangipaay iti di maagasan a sugat. Gapuna a ti duadua, maysa a panangumsi, mabalin a maipabaclay iti maysa, a babaen kencuana maibanag ti Dios ti naimbag nga aramid, ket madadael ti impluensiana, madadael ti kinaservina. Cadagiti sumagmamano a kita ti animal, no ti maysa iti bilangda masugatan ken matnag, insegida a maisaad ken rangrangkayen dagiti cacaduana. Ti isu met laeng a naulpit nga espiritu ket pinalugodan dagiti lallaki ken babbai a mangaw-awit iti nagan dagiti Cristiano. Iparangaranga ti regta ti Fariseo a mangbato iti sabsabali a saan unay a nakabasol ngem kadacuada. Adda sumagmamano a mangitudo cadagiti biddut ken pannakapaay ti sabsabali tapno maisiasi ti imatangda manipud iti bukodda, wenna tapno magun-od iti pammadayaw gapu iti dackel a regta para iti Dios ken iti iglesia.”—*Testimonies*, vol. 5, pp. 58, 59.

“Ti tiempo a masansan unay a nakarkaro ngem iti masayang iti kinasadot, kinamaag, ken dakes ti panggepna a tsismis ket rumbeng a maited cadagiti nangatngato ken natantan-oc a banag.”—*Ibid.*, p. 176.

Viernes

PERSONAL A PANGREPASO A SALSALUDSOD

1. **Apay a rumbeng a pabassitec ti panagduyosco nga agbalin a bagic la ti ammoc maipapan iti amin a banag?**
2. **Mangibaga iti napateg nga aspeto ti kababalin a cas ken Cristo a masansan a maliwayan.**
3. **No dadaelentayo dagiti kapammatiantayo iti sangoanan ti sabsabali, kasano ti panangbuya ti Dios iti dayta?**
4. **Ania ti masapul a masursuroc iti Salmo 15 —ken apay a napateg dayta?**
5. **Kasano a makabasolac iti panagmulac iti di panagtutunos cadagiti cacabsat ken apay a masapul nga isardengco?**

Panangpili No Ania iti Panunoten

MEMORY TEXT: “Casano ti pannacabalinyo nga agsao cadagiti banag a naimbag, idinto a dakescayo? Ta ti naruay iti puso isu ti saoen ti ngiwat.” (Mateo 12:34, maicadua a cagudua).

“Agcararagcayo sacbay nga agsaocayo, ket umayto dagiti nailangitan nga angel a tumulong cadacayo ket papanawendanto dagiti dakes nga angel, a mangiturong cadacayo a mangibabain iti Dios, mangumsi iti panggepna, ken mangpakapuy iti buco-dyo a cararua.”—*Testimonies*, vol. 2, p. 82.

Maisingasing a Basbasaen : *Thoughts From the Mount of Blessing*, pp. 125–129.

Domingo

Noviembre 17

1. REMEDIO PARA ITI SABIDONG

- a. **No marauttayo cadagiti naipaugiln a panasasao dagiti dakes ti panagpampanunotna a tattao, ania ti mensahe ti Dios cadatayo, uray iti baet dagitoy? Santiago 3:7, 8; Hebreo 10:38.**

“[Ni Cabsat J] ket kinaasian dagiti nailangitan nga angel, ta nalicmut iti sipngget. Ti lapayagna agtultuloy a makangngngeg cadagiti sasao ti di panamati ken kinasipngget. Adda panagduadua ken panagsaludsod a kanayon a maipuruac iti sangona. Ti dila ket lubong ti kinadakes. ‘Ti dila saan a mabalina a paammoen ti uray siasino a tao: maysa a dakes a di aginana, napno iti gamut a macapatay.’ No ni Cabsat J ket ad-adda a kumpet iti Dios ket mariknana a rumbeng a pagtalinaedenna ti kinatarnawna iti sangoanan ti Dios uray mapucawna ti natural a biagna, umawat iti pigma manipud ngato. No ipalubosna ti pammatina a maapektaran iti sipngget ken di panamati a manglikmut kencuana—dagiti panagduadua ken panagsaludsod ken adu a saritaan—iti mabiit agbalinto aminen a sipngget ken panagduadua ken di panamati, ket awanton ti lawag wenno pigma iti kinapudno.

“Saanna a kasapulan a panunoten a babaen ti panangikagumaanna a makikompromiso cadagiti gagayyemna, a nagbalin a dakes busor iti pammatitayo, aramidennanto a nalaca para ti bagina. No agtacer nga addaan iti maymaysa a panggep nga agtulnog iti Dios uray ania ti gubuayenna maaddanto ti tulog ken pigma. Ay-ayaten ken kaasian ti Dios ni Cabsat J. AmmoNa ti tunggal pannakariro, tunggal pannakaupay, tunggal napait a panagsao. Am-ammoNa amin dayta. No baybay-anna ti kinaawan pammatina ket agtacer iti Dios a sinitibker, mapabileg ti pammatina babaen ti pannakaiwatwatna.”—*Testimonies*, vol. 4, pp. 236, 237.

2. MAYSA A SERIOSO A BANAG

- a. **Ania ti naisurat maipapan iti makaallilaw ken makapungtot a panagsao —ken apay a masapul nga icararagtayo tapno makapagballigitayo iti daytoy nga aspeto ti biag? Salmo 5:8–10.**
-

“Ti panagsao ket maysa cadagiti naindaclan a sagut ti Dios iti tao. Bassit a kameng ti dila, ngem dagiti sasao a sinucogonna, naaramid a bokal babaen iti timec, dackel ti pannacabalina . Impacdar ti Apo, ‘Awan ti tao a makapaamo iti dila.’ Insaadna ti nacion maibusor iti nacion, ket nangpataud iti gubat ken pannakaibocboc iti dara. Dagiti sasao ti nangsindi cadagiti apuy a narigat a maiddep. Nangyegda met iti rag-o ken ragsac cadagiti adu a cararua. Ket no maisao dagiti sasao gapu ta imbaga ti Dios, ‘Isaom cadacuada dagiti sasaoc,’ masansan a mangpataudda iti ladingit ti panagbabawi.

“Ti talento ti panagsao ket awit-awitna ti dackel a responsabilidad. Kasapulan a siaannad a mabantayan dayta; ta nabileg a pannacabalin a maipaay iti dakes ken casta met iti naimbag.”—*The SDA Bible Commentary*, vol. 3, p. 1142.

“Idi masulisog a mangted iti nalukay a panangtengngel iti saan a paiturayan akameng, ay! laglagipem a ti parasurat nga angel isuratna ti tunggal sao. Amin naisurat iti libro, ket, malacsid no mayanud iti dara ni Cristo, masapul a sangoemto manen ida. Addaanca itan iti nabatican a record idiyang langit. Ti napasnec a panagbabawi iti sangoanan ti Dios maawatto. No casta nga agsaocan a sireregget, iserram ti ngiwatmo. saanca a mangiyebcas uray maysa a sao.”—*Testimonies*, vol. 2, p. 82.

- b. **Iladawan no kasano a dagiti sasaotayo ket luppias iti no ania ti pampanunotentayo ken no siasinotayo. Jeremias 17:9; Mateo 12:33–37; 14:6–8.**
-

“Ti tenor ti saritaan ipalgacna ti gameng ti puso. Ti nalaca, gagangay a saritaan, dagiti sasao ti pasablog, ti minamaag a panagpakatawa, a naisao tapno mangpataud iti katawa, ket tagilako ni Satanas, ket amin a makiraman iti daytoy a panagsao ket aglaklako iti tagilakona. Maaramid dagiti impresion cadagidiay a makangngeg cadagitoy a banag nga umasping iti naaramid ken Herodes idi nagsala ti balasang ni Herodias iti sanguananna. Amin dagitoy a transakcion ket nairekord cadagiti libro ti langit; ket iti maudi a naindaclan nga aldaw agparangdanto iti pudno a lawagda iti sangoanan dagiti nakabasol. Ket, mabigbigto ti amin cadacuada ti makaallukoy, makaallilaw nga aramid ti diablo, tapno iturongna ida iti nalawa a dalan ken iti nalawa a ruangan a mailukat iti pakadadaelanda.”—*Testimonies to Ministers and Gospel Workers*, pp. 84, 85.

3. SIBUBUKEL A PUSO KASAPULAN

- a. **Apay a namnamaentayo ti agtultuloy a panagsao manipud cadagiti mamati iti agdama a kinapudno? Santiago 3:9, 10. Ania a ballaag ti maited no mapaaytayo iti daytoy a punto?**
-

“No ipatpategmo ti nakairuaman nga impresion a makita ken mangngeg ti Dios ti amin nga aramidem ken saodem, ken pagtalinaeden ti namatalec a rekord ti amin a sasao ken tignaymo, ken masapul a sangoemto amin, ngarud iti amin nga aramidem ken ibagam icagumaam a suroten dagiti dikta ti nalawlawag ken naridam a consiensia. Ti dilam mausarto iti dayag ti Dios ken agbalinto a bendicion iti bagim ken iti sabali. Ngem no suminaka iti Dios, cas iti ar-aramidem, agannadca ta amangan a ti dilam panecnecanna ti maysa a lubong ti kinadakes ket isangbayna kenca ti nakabutbuteng a pannakacondenar; ta mapucawto dagiti cararua gapu kenca.”—*Testimonies*, vol. 4, p. 244.

- b. **Ania a cararag ti makatulong cadatayo nga agpanunot ken agsao a sititibker? Salmo 86:11.**
-

“No ti umawat iti pannakaammo iti Biblia saan a makaaramid iti panagbalbaliw iti ugalina wenna ar-aramidna tapno maitunos iti lawag ti kinapudno, ania ngaruden? Ti espiritu ket makigubgubat iti lasag, ket ti lasag bumusor iti espiritu; ket ti maysa cadagitoy masapul a mangpamec. No ti kinapudno pasantoenna ti cararua, ti basol ket kagura ken liklikan, gapu ta ni Cristo ket inawat a cas maysa a nadayaw a sangaili. Ngem ni Cristo saan a makibingay ti nabin-gay a puso; ti basol ken ni Jesus saanto pulos nga agkayog.”—*Testimonies to Ministers and Gospel Workers*, p. 160.

“Agbantay ken agcararag a kanayon. Idedikarmo ti bagim nga awan reserbada iti Apo, ket saanto a narigat ti agservi Kencuana. Addaanca iti nabingay a puso. Daytoy ti makagapu a ti sipnget, imbes a lawag, ti nanglikmut kenca. Ti maudi a mensahe ti asi ket rumrummuar itan. Maysa dayta a pagilasinan ti nabayag a panagitured ken pannakipagrikna ti Dios. Umayca, isu ti awis maited ita. Umaykayo, ta nakasaganan ti amin a banag. Daytoy ti maudi nga awag ti asi. Sumarunonto ti panagibales ti nasair a Dios.”—*Testimonies*, vol. 2, p. 225.

“Naimpusoan, naan-anay a natudio a lallaki ken babbai ti agtactder itan. Paulit-ulit a yakayaken ni Cristo dagiti pasurotNa, agingga nga adda idi tiempo a nabati laeng ti sangapulo ket maysa ken sumagmamano a namatalec a babbai ti nangisaad iti pundasion ti iglesia Cristiano. Adda dagidiay agtactder nga agsubli inton maibaclay dagiti dadagsen; ngem no ti iglesia agsilsilnag amin, matiliwda ti kinagagar, agkanta ken agpucawda, ket agbalinda a naragsac; ngem buyaenyoy ida. Inton awanen ti kinaregta, sumagmamano laeng a matalec a Caleb ti umay iti sango ket iparangda ti di agkupas a prinsipio. Dagitoy ket asin a nangtaginayon iti raman.”—*Ibid.*, vol. 5, p. 130.

4. DANUM MANIPUD ITI NASIN-AW NGA UBBOG

- a. **Ania a prinsipio ti mangipalgac a ti laeng puso a napabaro babaen ti parabur ti Dios ti makapataud cadagiti natibker a tignay? Santiago 3:11, 12. Mangted iti sumagmamano a praktikal nga ehemplo.**
-

“Ti kinadalus ken kinaurnos iti panagcawcawes, ken kinadalus iti intero a pagnanaedan, rebbeng a nainget a salimetmetan dagiti Sabatista, a kitkitaenda a karkarna, ken banbantayan para cadagiti biddutda. Nasantoan coma ti impluensiada. Dagiti sagrado a kinapudno nga ibagbagatayo ket pulos a dida ibaba dagiti umawat, ken pagbalinenda ida a natangken ken nagspang, a mangbaybay-a cadagiti personada, ken saan a naurnos dagiti balayda. No ti umawat ket addaan namayamay nga ugali, ti kinapudno ti mangitag-ay kencuana, ken mangirabaho kencuana iti naan-anay a repormasion. Malacsid no ti kinapudno addaan iti daytoy nga epekto, ti individual saanna a narikna ti makaispal a pannacabalinna. Ti natagubaya ken saan a naurnos a cawes ket saan a tanda ti kinapakumbaba. Ditoy a sumagmamano ti nangallilaw iti bagbagida. Ti biag, dagiti aramid, dagiti sasao, ti mangibaga no ti individual ket addaan iti pudno a kinapakumbaba, ket ti panagcawcawes maitunos cadagiti bunga a naiparangarang. Ti nadalus nga ubbog ket saan a makaipaay iti danum a nasam-it ken napait. Dalusan ti ubbog ket nadaluston dagiti karayan. Ti balay ti Dios ket masansan a matulawan babaen cadagiti annac dagiti agsalsalimetmet iti Sabbath. Palubosanda dagiti nagannacda nga agtaraytaray iti balay, agay-ayam, ag-sasarita, mangala iti atension dagiti tattao, ken mangipanayag cadagiti dakes a pungtotda cadagiti mismo a gimong a naguummonganda nga agdayaw iti Dios. Nakitac nga iti gimong dagiti sasanto, ti nasantoan a kinaulimec ti rumbeng nga agturay. Ngem ti balay a pagtitiponan ti ili ti Dios masansan a mapagbalin a perfecto a babilonia, lugar ti riro ken riribuk. Saan a makaay-ayo daytoy iti Dios. No dagiti nagannac ket awan ti gobiernoda, ken dida makontrol dagiti annacda iti gimong, naim-imbag coma a maragsacan ti Dios no agtalinaedda iti pagtaenganda a kaduada dagiti di paiturayan nga annacda. Nasaysayaat coma nga agsagabada iti pannakapukaw dagiti gimong, ngem ti adu a bilang ti makapungtot, ken madadael dagiti gimongda. No dagiti nagan-nac bay-anda dagiti annacda a di makontrol, saan a naparmec iti pagtaengan, dida mabalin nga aramiden ti kayatda iti gimong. Siasino coma dagiti agsagsagaba iti daytoy a kaso? Sigurado, dagiti nagannac. Saanda coma a makaricna iti pannakapartigat no saan a kayat ti dadduma ti maaddaan iti talna no agsasaracda nga agdaydayaw iti Dios.

“Nagannac, masapul a dakayo ti agsagaba iti daytoy a banag, ket mabalin nga iturongnaca a mangkita ken mangtungpal iti nabaybay-an a pagrebbenganyo. No itugotyog dagiti annacyo a mapan iti balay ti Dios, nasken a maawatanda nga addada iti disso a pangsaracan Dios iti iliNa. Awan dayta nga umos a sursuroten dagiti agsalsalimetmet iti Sabbath iti daytoy a banag nga adda cadagiti nominal nga iglesia. Nagannac, adda trabahoyo nga aramiden. Parucmaenyo dagiti annacyo iti pagtaenganyo, iti casta, mabalinyon nga iturayan ida iti balay ti Dios.”—*Spiritual Gifts*, vol. 2, pp. 288, 289.

5. SIRIB KET NASAGUTAN ITI PANNACAAMMO

- a. Apay a ti tunggal maysa cadatayo masapul nga amirisen ti bucodtayo nga ugali manipud iti uneg innga iti ruar - iti puso, sao ken tignay 2 Corinto 13:5.
-

“ ‘Sukimatenyo ti bagbagiyo, no addacayo iti pammati; panecnecanyo ti bucodyo a bagi’ (2 Corinto 13:5). Babalawen a naimbag ti rikna, disposition, pampanunot, sasao, pagduyosan, panggep, ken aramid. Kasano ti nainsiriban nga idadawattayo cadagiti banag a kasapulantayo malacsid no paneknekantayo babaen ti Nasantoan a Suraat ti kasasaad ti naespirituan a salun-attayo?”—*Selected Messages*, bk. 1, p. 89.

“Cakabsatco a lallaki ken babbai, kasano nga us-usarenyo ti sagut ti panagsao? Nasursuroyo kadin ti mangtengngel iti dila tapno agtulnog cadagiti dikta ti nalawlagan a consiensia ken nasantoan a panagayat? ti panagsasaritayo cad ket awanan iti ang-anngaw, kinatangsit ken kinadakes, panangallilaw ken kinarugit? Awan kadi ti kinasicap iti sango ti Dios? Dagiti sasao mangipaay iti agibagbaga a pannacabalin. Ni Satanas, no mabalin, pagtalinaedenna nga aktibo ti dila iti serviciona. Cadagiti bagbagitayo saantayo makontrol ti di paiturayan a miembro. Ti nadiosan a parabur ti kakaisuna a namnamatayo.”—*Testimonies*, vol. 5, p. 175.

“Isuna a mangikabil iti bagina nga awan reserbana iti sidong ti panangiwanwan ti Espiritu ti Dios, masarakannanto a ti panunotna lumawa ken rumang-ay. Magun-odna ti edukasion iti panagservi iti Dios a saan a maymaysa ti dasig ken agkurang, a mangpadur-as iti maysa a dasig a kababalin, no di ket agresulta ti napintas a pannakatubay ken kinaan-ay. Dagiti pagkapuyan a naiparangarang iti agngatangata a pagayatan ken awanan bileg a kababalin, maparmec, ta ti agtultuloy a debosion ken kinadios isangbayna iti tao iti casta unay a nasinged a relasion ken Cristo. Nakikaysan ken Cristo nga addaan iti kinasalun-at ken pigsa ti prinsipio. Nalawag ti pannakaawatna, ket iparangarangna dayta sirib nga aggapu iti Dios.”—*Selected Messages*, bk. 1, p. 338.

Viernes

PERSONAL A PANGREPASO A SALSALUDSOD

1. Kasano a sumungbatac no maipasangoaciti makasabidong a saritaan?
2. No agsao dagiti tattao cadagiti bambanag, ania ti pudno nga ipaawatna maipapan cadacuada?
3. Ilawlawag ti gubat a rumrummuar iti nataoan a panunot, ken kasano a maipangabac.
4. Ania dagiti ugali/pagduyosac ti mabalin a mangipakpakita cadagiti narugit a danum iti uneg?
5. Kasano ken apay a ti wagas ti panagsaoc ket mabaliwan coma?

Kinaemma ti Sirib

MEMORY TEXT: “Siasino ti masirib ken mannacaammo cadacayo? Ipakitana coma gapu iti naimbag a panagbiagna, dagiti aramidna iti kinaemma ti sirib” (Santiago 3:13).

“Pinagsiddaaw ti Mangisalacantayo dagiti tattao babaen ti kinasin-aw ken nangato a moralidadNa, bayat a ti ayat ken naalumamay a kinamanangngaasiNa ti nangpabileg cadacuada buyogen ti kinagagar. Dagiti kapanglawan ken kapakumbabaan saan a nagbuteng nga umasideg Kencuana.”—*Gospel Workers* p. 261.

Maisingasing a Basbasaen : *Testimonies, vol. 5, pp. 167–177.*

Domingo

Noviembre 24

1. NATIRITIR A "PANANGBIGBIG"

- a. **Iti ania a nakaro a kinadakes ti masapul a sititibker nga annadantayo —ken apay? Santiago 3:14, 15.**

“Isuna a mangluat iti pusona cadagiti singasing ti cabusor, nga alaenna dagiti dakes a panangipapan, ken ipategna ti apal, masansan a di umiso ti panagpanuot, nga awaganda iti naisangsangayan a pannakakita iti masacbayan, panangidumduma, wenna panangbigbig iti naduktalan a basol ken panangtucod cadagiti dakes a motibo ti sabali. Ibilangna a maysa a napateg a sagut ti naikari kencuana; ket maisina manipud cadagiti mismo a cacabsat a rumbeng a pakiltunosanna; ulienna ti tugaw ocom, ket iserrana ti pusona iti daydiay ipagarupna nga agbiddut, a casla isu a mismo ket adda iti ngato ti sulisog. Sumina ni Jesus kencuana, ket baybay-anNa a magna cadagiti dalipato ti bucodna a panagsindi.

“Awan coma ti asinoman cadacayo ti agpasundayag a maibusor iti kinapudno babaen ti panangipacdaar a daytoy nga espiritu ket kasapulan a pagbanagan ti panna-kilangan a simamatalec cadagiti agar-aramid iti dakes ken ti panagtacder a mangidempensa iti kinapudno. Ti casta a sirib adu ti mangdayaw ngem makaallilaw unay ken makadangran. Saan nga aggapu iti ngato, no di ket bunga ti di napabaro a puso. Ti nagtaudanna ket ni Satanas a mismo. Awan coma ti mangacusar iti sabali a mangidayaw iti bagina a naiccan isuna iti pangbigbig; ta iti panangaramidna iti casta, cawesanna dagiti saguday ni Satanas iti cawes ti kinalinteg. Umawagac cadacayo, cacabsatco, a dalusanyo ti templo ti cararuayo cadagiti amin a bambanag a mangrugit; ta ramutda ti kinapait.”—*The SDA Bible Commentary, vol. 7, pp. 936, 937.*

2. MAKASABIDONG NGA UGALI**a. Ildawan ti saan a maliclican a resulta ti apal ken ringgor? Santiago 3:16.**

“Ti maysa a persona ket maysa nga institusion wenno maysa nga iglesia a mangted iti nawaya a rienda cadagiti saan a naasi a kapanunotan babaen ti panagsao iti dakes maipapan cadagiti cacabsat, mabalin a makibor dagiti kadadacsan a tarigagay ti nataoan a puso, ken mangisaknap iti sabali a disso ti levadura ti kinadakes nga agrabaho cadagiti amin a makitimpuyog kencuana. Iti kastoy a wagas ti cabusor ti amin a kinalinteg magun-odna ti balligi, ket ti resulta ti aramidna ket mangawan iti epekto ti cararag ti Mangisalacan idi impakaasiNa nga agmaymaysa coma dagiti adalanNa a cas ti panagmaymaysada iti Ama.”—*The SDA Bible Commentary*, vol. 7, p. 937.

b. Maisupadi cadagiti nataoan a pagduyosan nga insungsong ti cabusor ti cararuatayo, kasano coma ti pannakilangentayo iti sabali? Juan 13:34.

“Impasam ti panangocommo cadagiti indibidual, ken agkomentoca cadagiti wagas ken ugali, idinto a saanmo a maawatan ti saadda wenno trabahoda. Buyaem dagiti bambanag manipud iti panirigam ket nakasaganaca a mangkuestion wenno mangcondenar iti aramid a sursurotenda, nga awan ti napudno a panangkitam cadagiti bambanag iti amin a sikigan. Awan ti ammom cadagiti pagrebbengan dagiti dadduma ken saanmo a marikna a responsableca cadagiti aramidna, no di ket aramidem ti pagrebbengan, a baybay-am dagiti tignayda, ngem aramidem ti pagrebbengan, idatagmo ida iti Apo. Tagikuaem ti espiritu iti kinaanus, pagtalinaadem ti cappia ken kinatalna ti panunot, ken agyamanca. . . .

“Sensitiboca unay, ket no adda sao a maisao a mangpabor iti kasungani a kurso manipud iti sursurotem, masactanca. Mariknam a mapabasalca, ken masapul nga idempensam ti bagim, isalacanmo ti biagmo; ket iti napasnec a panangicagumaam a mangisalacan iti biagmo, mapukawmo dayta. Adda trabaho nga aramidem tapno matayca iti bagim ken tapno mapasayaatmo ti espiritu ti panagibtor ken kinaanus.”—*Testimonies*, vol. 2, p. 424.

“Dagidiay mangbabalaw ken mangcondenar iti maysa ken maysa ket lab-labsingenda dagiti bilbilin ti Dios, ken maysa a basol Kencuana. Saanda nga ay-ayaten ti Dios wenno dagiti padada a parsua. Cacabsat, ikkatentayo dagiti basura ti babalaw ken suspetsa ken reklamo, ket dikay isuot dagiti nerbioyo iti ruar. Sumagmamano ti sensitibo unay isu a saanda a makarason. Agbalinca a sensitibo unay no maipapan iti kaipapanan ti panangtungpal iti linteg. ti tarigagay ti Dios a pagbalinantayo a sensitibo.”—*The SDA Bible Commentary*, vol. 7, p. 937.

3. PANANGTAMING CADAGITI PANNAKAUPPAPAY

- a. **Ania ti naisurat maipapan cadagidiay nga agayat iti linteg ti Dios? Salmo 119:165.**

“Bay-amon ti kapanunotan a saan nga umiso ti pannakaaramatmo, nagbiddutda kenca, nga adda mayat a mangletlet wenno mangdangran kenca. Makitam babaen cadagiti palso a mata. Iturturongnaca ni Satanas a mangala cadagitoy naballikug a kapanunotan cadagiti bambanag.”—*Testimonies*, vol. 2, p. 424.

“Ti lubong ay-ayatenna ti basol, ken kagurana ti kinalinteg, ket daytoy ti mak-agapu iti panangbusorna ken Jesus. Amin a mangkedked iti awan patinggana nga ayatNa ket masaracandanto ti kinaCristiano a makaririboc nga elemento. Ti lawag ni Cristo sagadenna iti sipngat a mangabbong cadagiti basbasolda, ket maipanayag ti panagkasapulan iti reporma. Bayat a dagiti tumuloc iti impluensia ti Espiritu Santo rugienda ti makigubat iti bagbagida, dagidiay kumpet iti basol makigubatda iti kina-pudno ken cadagiti mangibagi iti daytoy.

“Iti casta mapataud ti riri, ket dagiti pasurot ni Cristo mapabasolda cas manangriboc cadagiti tattao. Ngem ti pannakicadua iti Dios ti mangyeg cadacuada iti gura ti lubong. Awitenda ti pannakaumsi ni Cristo. Badbadekenda ti dalan a dinalan dagiti natan-oc iti daga. Saan a buyogen ti ladingit, no di ket buyogen ti rag-o, no masabetda ti pannakaidadanes. Tunggal umap-apuy a pannuboc ket ahente ti Dios para iti panangpasilengda. Tunggal maysa ket maituttutop para iti trabahoda kas makitinnulong Kencuana. Tunggal susic ket addaan iti lugar iti dackel a pannakigubat iti kinalinteg, ket tunggal maysa mangnayonto iti ragsac ti maudi a panagballigida. Gapu ta addaan iti castoy a buya, ti suot ti pammatida ken kinaanusda ket siraragsacda nga awaten imbes a kabuteng ken liklikan.”—*The Desire of Ages*, 306.

- b. **Uray no pudno a matrato a di nainkalinteg, ania ti maipalagip cadatayo? Mateo 5:11, 12, 41; 1 Pedro 4:12–15.**

“Isuna a nadiosan nga Ulo ti iglesia, ti kabibilgan cadagiti mangparparmec, itu-doNa cadagiti pasurotNa iti biagNa, dagiti panagbannogNa, dagiti panangilacsidNa iti bagiNa, dagiti pannakidangadangNa, ken panagsagabaNa, babaen iti pannakaumsi, babaen iti pannakarejectar, pannakauiyaw, lais, insulto, uyaw, kinaulbod, nga agpangato iti dalan ti Calvario nga agturong iti eksena ti pannakailansa, tapno maparegtada nga agtultuloy nga agturong iti marka para iti premio ken gunggona ti agballigi. Masigurado ti balligi babaen ti pammati ken panagtulnog. Iyaplikartayo dagiti sasao ni Cristo iti bucodtayo nga individual a kaso.”—*The Review and Herald*, July 24, 1888.

4. SIRIB MANIPUD NGATO

- a. **Ania ti umuna a galad ti sirib a naipasngay idiai Langit —ken apay a nasisita daytoy para cadatayo? Santiago 3:17 (first part); Mateo 5:8.**
-

“Iti uneg ti ciudad ti Dios awanto ti sumrec a mangtulaw. Amin nga agnaed sadiay ket ditoy pay ket nagbalinen a nadalus ti pusoda. Iti maysa nga agsursuro maipapan ken Jesus, maipanayagto ti dumacdackel a pannakarurod cadagiti natagubaya a kababalin, di maitutop a pagsasao, ken natangken a panagpampanunot. Inton agtaeng ni Cristo iti puso, addanto kinadalus ken pannakapapintas ti kapanunotan ken ugali.

“Ngem ti sasao ni Jesus, ‘Nagasat dagiti nasin-aw ti pusoda,’ addaan iti naun-uneg a kaipapanan —saan laeng a nasin-aw iti anag a maawatan ti lubong ti kinadalus, nawayaya manipud iti dayta a gartem, nasin-aw manipud iti derrep, no di ket pudno cadagiti nailemmeng a panggep ken motibo ti cararua, nga awanan iti kinatangsit ken panagsapsapul iti bagi, napakumbaba, saan a managimbubukod, casla ubing.”—*Thoughts From the Mount of Blessing*, pp. 24, 25.

- b. Ilawlawag no ania ti masapul a pokustayo iti panagsagana para ken Cristo. 1 Juan 3:2, 3.**
-

“Iti inaldaw a padastayo mailasintayo ti kinaimbag ken pannakipagrikna [ti Dios] iti pannakaipanayag ti providenciaNa. Bigbigentayo Isuna iti kababalin ti Anacna. Alaen ti Espiritu Santo ti kinapudno maipapan iti Dios ken Kencuana nga imbaonNa, ket luktan daytoy iti pannakaawat ken iti puso. Dagiti nadalus ti pusoda makitada ti Dios iti baro ken makaay-ayo a relasion, cas Mannubbotda; ket bayat a mailasinda ti kinasin-aw ken kinaayat ti kababalinNa, il-iliwenda nga iyanninaw ti ladawanNa. Makitada Isuna cas maysa nga Ama nga il-iliwenNa nga arakupen ti agbababawi nga anac, ket ti pusoda napno iti rag-o a di mailadawan ken napno iti dayag.

“Dagiti nadalus ti pusoda mailasinda ti Namarsua cadagiti aramid ti mannacbalin nga imaNa, cadagiti bambanag ti kinapintas a mangbukel iti universo. Iti naisurat a saoNa mabasada cadagiti nalawag a linia ti pannakaipalgac ti asiNa, ti kinaimbagNa, ken ti paraburNa. Dagiti kinapudno a nailemmeng cadagiti masirib ken nalaing maipanayagto cadagiti tagibi. Ti kinapintas ken kinapateg ti kinapudno, a saan a mailasin dagiti nailubongan-a-mamasirib, ket agtultuloy a maibuksilan cadagidiay addaan iti talec, casla ubing a tarigagay a mangammo ken mangaramid iti pagayatan ti Dios. Mailasintayo ti kinapudno babaen ti panagbalintayo, a mismo, a makiraman iti nadiosan a galad.

“Dagiti nasin-aw ti pusoda agbiagda a cas iti makita a kaadda ti Dios bayat ti panawen a bingayenna ida iti daytoy a lubong.”—*Ibid.*, pp. 26, 27.

5. AD-ADDA A NASISITA A KALIDAD

- a. **Kalpasan ti kinadalus, dakamaten dagiti sumaruno a lima a galad ti sirib a naipasn-gay idiaiy Langit —a no awanda madadael ti impluensiatayo. Santiago 3:17 (middle part).**

“Kasapulan ti kinamanangngaasi, kinaeraem, kinaemma, ken kinapakumbaba ni Cristo. Ad-daanca iti napateg a galad a mabalin a maan-anay para iti cangatoan a panagservi no nasantificar para iti Dios. Rumbeng a mariknam ti kinanasken a yaasideg cadagiti cacabsatmo buyogen ti kinaimbag ken kinaeraem, saan a buyogen ti kinaulpit ken kinadangcoc. Saanmo a maamiris ti makadangran nga ar-aramidem babaen ti natadem, naturay nga espiritum cadacuada. Maupay dagiti ministro iti komperensiayo, mapukawda ti tured a mabalin nga adda cadacuada no ikkam ida iti respeto, kinaimbag, panagtalec, ken ayat. Babaen ti wagas ti pannakilangnemo insinam ti puso cadagiti cacabsatmo kenca, iti casta ti balacadmo maawanan iti adu nga impluensia cadacuada nga agpaay iti naimbag.”—*Christian Leadership*, pp. 6, 7.

“No dagiti namnamaem saan a matungpal, agpeggadca a maupay ken mariribukan, ken ag-tarigagayca iti panagbalaliw. Masapul a liklikam ti disposision a mangbabalaw, a mangibaba. Pagtalinaeden a nalawag ti amin a mangraman iti espiritu a mangbabalaw. Saan a makaay-ayo iti Dios a masaracan daytoy nga espiritu iti asinoman cadagiti adipenNa nga addaan iti nabayagen a kapadasan. Maikanatad ti maysa nga agtutubo, no naparaburan iti kinapakumbaba ken ti makin-uneg nga arkos, iparangarangna ti kinabara ken kinaregta; ngem no ti nadarasudos a regta ken ti espiritu a mangbabalaw ken mangipanayag ti maysa nga agtutubo nga addaan iti sumagmamano a tawen a kapadasan, dayta ti kaaduan a di maitutop ken positibo a makarimon. Awan ti makadadael iti impluensiana a nabibiit ngem iti daytoy. Ti kinaalumamay, kinaamo, kinaanus, mabayag a kinaibtor, saan a nalaka a maprobokar, awitenna amin a banag, namnamaenna amin a banag, ibtorann amin a banag—dagitoy ti bunga nga agtutubo iti napateg a kayo ti ayat, nga isu ti nailangitan a panagdakkel. Daytoy a kayo, no mataraonan, mapaneknekanto a kanayon a naberde. Dagiti sangana saan a marunot, saan a malaylay dagiti bulongna. Imortal, agnanayon, kanayon a masibugan cadagiti linnaaw ti langit.”—*Testimonies*, vol. 2, pp. 134, 135.

Viernes

Noviembre 29

PERSONAL A PANGREPASO A SALSALUDSOD

1. **Kadagiti ania a kasasaad a masulisogac a manghusga cadagiti motibo ken awagan dayta iti panangusig?**
2. **Kasano a ti ugali a mangbabalaw iti sabsabali salungasingenna dagiti bilin ti Dios?**
3. **No maigayang caniac ti makasabidong nga ugali, ania ti rumbeng a laglagipec?**
4. **Ania ti kayat a saoen ti panagbalin a “nadalus iti puso”?**
5. **Kasano nga agbalinac nga ad-adda a nalaca a maasitgan —nalacalaca a “pagpakaasian”?**

Umuna a Pangsabado a Daton para iti Hedkuarter ti Union ti Colombia



Ti Colombia ket maysa a nacion idiaiy Abagatan nga America nga addaan iti agdama a populasion a nasuroc a 51 milyon nga umili. Dagiti industria ket mairaman ti petroleo, panagpartuat, panagaramid iti tela, panagbangon, agrikultura, panagbangko, ken serbicio. Cadagiti 73% a populasion: ti Catoliko, 9.1% ti agcuncuna a saan a Cristiano a relihion, 6.9%, ti Ebanghelikal, 6.5%, awan ti relihionda, 2.9% ti Protestante, ken 0.9% ti mangideklara ti bagida nga ateista. Daytoy a kasasaad irepresentarna ti dackel a karit para iti iglesia ti Dios ditoy.

Idi 1960's, simmangpet ti mensahe ti maikatlo nga angel ditoy Colombia bayat nga agsagsagaba ti nacion iti moral a pannakadadael gapu iti gubat sibil. Iti tengnga ti riribuk, immabotkami iti agarup 100 a miembro idi opisial a nairehistromi ti iglesia. Cadagidi nga aldaw manmano dagiti trabahador, ngem pulos a saanda a nagkurang iti tured ken regta a mangted iti amin para iti panggep nga ay-ayatenda. Kanayon nga apresiarentayo ti suporta dagiti pastor ken ministro a, pinanawanda dagiti pagilian ken nam-ayda, immay a siraragsac a mangsuporta iti trabaho iti Colombia— a nangidedikar iti bagbagida a naimpusoan a mangisacnap iti mensahe ditoy.

Babaen ti parabur ti Dios, idi 2006, naorganisar ti Colombian Union, ket itatta addaan daytoy iti tallo a Fields. Ti hedkuarter ti Unionmi ket adda iti away ti municipalidad ti Barbosa, Santander.

Tapno makapagservitayo cadagiti cacabsattayo ken dagiti umad-adu ti interesda iti kinapudno, makitatayo a naganat a kasapulan a palawaen dagiti pasilidad nga adda ita. Iti agdama, adda talonmi ayan dagiti opisiami, missionary school ken multimedia department. Ditoy met a mang-anagay dagiti komperensia, seminar, ken naespirituan a pppacnian dagiti miembromi ken dagidiay kabbaro nga intresado iti mensahe.

Paset ti imprastruktura ti naibangonen iti daytoy a sanikua, ken dagiti mainayon a pasilidad ket agdama a maar-aramiden, ngem, agkurankami cadagiti pamataudan a mangileppas cadagitoy. Daya ti gapuna nga umap-apelacami iti kinaparabur ti sangalubongan a familia ti glesia. Ti suporta dagiti naparabur a datonyo ti mangipalubos cadacami a maaddaan iti ad-adu a maitutop a pasilidad a mangservi cadagiti cararua a mabisin iti pannakaammo iti Apo.

Apresiarenmi unay dagiti donasionyo. Ti laeng agnanayon ti makaipakita no kasano ti kinasayaat ti naaramidan dagiti donasion ken datonyo.

Dagiti cacabsatyo manipud iti Colombian Union

Panangparmac Cadagiti Problema iti Kababalintayo

MEMORY TEXT: “Paiturayancay ngarud iti Dios; ngem makibalcayo iti diablo, ket isu agtalawto cadacayo” (Santiago 4:7).

“Ti panagayat iti nasin-aw, makasantiifigar a kinapudno, ayat iti patpatgen a Mannubbot, palag-anennanto ti panagbannog a mangparmac.”—*Testimonies*, vol. 4, p. 38.

Maisingasing a Basbasaen : *Testimonies*, vol. 3, pp. 39–47.

Domingo

Diciembre 1

1. SAAN A NAIMBUBUCODAN A KINAPATAS

- a. **Mangibaga ti dua a maudi a galad a nadakamat iti listaan ti sirib a naipasngay idia Langit. Santiago 3:17 (maudi a paset).**

“Kuna ni apostol Judas: ‘Caasianyo dagiti dadduma, nga addada iti panagduadua’ Daytoy a panagduadua ket saan a maipacat iti espiritu ti paboritismo. Awan coma ti rupa a maited iti espiritu a mangipasimudaag: ‘No paborannac, paborannaca.’ Daytoy saan a nasantificar, nailubongan a pagalagadan, a di makaay-ayo iti Dios. Daytat’ panagbayad cadagiti pabor ken panagdayaw maigapu iti gunggona. Panangipakita iti panangidumduma para iti sumagmamano, a mangnamnama a manggun-od cadagiti bentahe babaen cadacuada. Panangsapul iti naimbag a pagayatanda babaen ti panangpalugod, tapno maibilangtayo iti dadackel a pattapatta ngem iti sabali a naan-anay a maikari a cas cadatayo.”—*Testimonies*, vol. 4, pp. 221, 222.

“Saan a maay-ayo ti Dios iti sinasadot a trabaho a maar-aramid cadagiti iglesia. Nam-namaenNa cadagiti paraaywanNa a napudno ken namatalec iti panangted iti pannubngar ken pangkorehir. Masapul nga ikkaternda ti biddut a maisurot iti pagannurotan nga inted ti Dios iti SaoNa, saan a maitutop iti bucodda a kapanunotan ken tarigagay. Awan ti naulpit a wagas ti masapul a mausar, awan ti saan a patas, nadarasudos, nadursoc a trabaho a maaramid. Dagiti panagregget a maaramid a mangdalous iti iglesia manipud iti moral a kinarugit ket masapul a maaramid iti wagas ti Dios. Masapul nga awan ti panangidumduma, awan ti panaginsisingpet. Masapul nga awan dagiti paborito, a dagiti basolda ket maibilang abasbassit ti basolna ngem cadagiti basol dagiti dadduma. Ay, anian a kasapulantayo amin ti buniag ti Espiritu Santo. Iti casta, kanayontayo a makipagtrabaho iti panunot ni Cristo, buyogen ti kinaimbag, panna-kipagricna, ken simpatia, nga ipakitatayo ti ayat iti managbasol bayat a guraentayo ti basol iti naan-anay a gura.”—*The Ellen G. White 1888 Materials*, p. 144.

2. UMISO A PANANGIREPRESENTAR KEN CRISTO

a. Kasano laeng nga umiso ti pannakairepresentar ken Cristo iti panagsaotayo? Santiago 3:18.

“Posible babaen cadagiti bibigtayo nga iconfesar ni Cristo ngem cadagiti aramiditayo ilibiac Isuna. Dagiti bunga ti Espiritu a maipanayag iti biag ket panangipudno Kencuana. No inlacsiditayo amin para ken Cristo, napakumbaba ti biagtayo, nailangitan ti panagsasaritayo, awan pakababalawan ti tigtignaytayo. Ti nabileg, mangdalu nga impluensia ti kinapudno iti cararua, ken ti cababalin ni Cristo a naipadyacyac iti biag, ket maysa a panangicpnfesar Kencuana. No dagiti balikas ti biag nga agnanayon maimula iti pusotayo, dagiti bunga ket kinalinteg ken talna. Mabalín nga ilibactayo ni Cristo iti biagtayo babaen ti panangpalugod iti panagayat iti nam-ay wenno panagayat iti bagi, babaen ti panagang-angaw ken panagpacpakatawa ken babaen ti panangsapul iti dayaw ti lubong. Mabalín nga ilibactayo Isuna iti makinruar a langatayo babaen ti pannakitunos iti lubong, babaen iti natangsit a langa wenno nangina a cawes. Babaen laeng ti kanayon a panagbantay ken kinapinget ken dandani saan nga agsarday a cararag a maipakitatayo iti biagtayo ti kababalin ni Cristo wenno ti mangsantificar nga impluensia ti kinapudno. Adu ti mangpapanaw ken Cristo manipud cadagiti pamilyada babaen iti di makaanus, napasnec nga espiritu. Ti casta adda ti maysa banag a parmeken iti daytoy a banag.” —*Testimonies*, vol. 1, pp. 303, 304.

b. Ania dagiti gagangay a nataoan a pagduyosan a mangbisibis iti inaldaw a panagbiag ti talaga a kasapulan a parmeken —ken apay? Santiago 4:1–3.

“Nakalkaldaang ti saan a pannakapnec iti aglawlawtayo wenno cadagiti kasasaad a nakaisaadantayo a dagiti annongentayo casla napakumbaba ken saan nga importante. Dagiti pribado ken napakumbaba nga annongen ket saan a makaay-ayo kenka; saanca a makatalna, saanca a makaidna, ken saanca a mapnec. Agtaud amin dagitoy iti kinamanagimbubucod. . . .

“Dagidiay agkunkuna a Cristiano a kanayon nga agdungdung-aw ken agrekreklamo, ken casla ipagarupda a basol ti naragsac ken naregta a rupa, awananda iti pudno nga artikulo ti relihion.”—*Ibid.*, vol. 3, p. 334.

“Rumbeng kadi a manganac iti doble a kaadu ita ket gapu ta nasayaat ti ramanna, kasano nga agruknuyac ken agkiddaw iti Dios a tulogannac iti trabahoc a panagsurat, idinto ta diak makagun-od iti ideya gapu iti kinabuklisco? Mabalín kadi a kiddawec iti Dios nga asikasuenNa dayta di naikalintegán nga awit iti tianco? Dayta ket panagibabain Kencuana. Panagkiddaw dayta a mangbusbos iti derrepco. Ita kankanec laeng ti pagarupec nga umiso, iti casta, mabalínco a kiddawen Kencuana nga ikkannac iti pigsa a mangaramid iti trabaho nga intedNa kaniac nga aramiden.”—*Ibid.*, pp. 373, 374.

“No agturay ti relihion ni Cristo iti puso, anamongan ti consiensia, ket agari ti talna ken ragsac; ti panakariro ken riribuk mabalín a manglawlaw, ngem adda lawag iti cararua.”—*Ibid.*, vol. 4, p. 47.

3. PANANGLIBAS CADAGITI GAGANGAY A PANGSILO

- a. **Ania a kangrunaan a prinsipio ti napateg iti pudpudno a koneksion ken Cristo, a maisupadi iti narabaw a pammati iti nagan laeng? Santiago 4:4.**
-

“Dagidiay mangirugi iti naCristianoan a biagda babaen ti panagbalin a gudua - gudua, iti udina masaracandanto a nailistada iti sibay ti cabusor, aniaman ti mabalin nga immuna a panggepda. Ket ti panagbalin nga apostata, maysa a traidor iti panggep ti Dios, nakarkaro ngem ipapatay; ta kaipapananna ti pannakapukaw ti biag nga agna-nayon.

“Dagiti lallaki ken babbai a doble ti panagpampanunotda ket kasayaatan nga al-yado ni Satanas. Aniaman ti paborable nga opinienda maipapan iti bagida, manglim-limoda. Amin a napudno iti Dios ken iti kinapudno masapul nga agtakder a sititibker iti nalinteg gapu ta umiso dayta. Ti pannakisangol cadagidiay di naiconsagar, ket kaskasdi a napudno iti kinapudno, ket imposible. Saantayo a mabalin ti makikaykaysa cadagidiay agserservi iti bagbagida, nga agrabtrabaho cadagiti nailubongan a plano, a saan a mapucaw ti koneksiontayo iti nailangitan a Mamalbalacad. Mabalin a makabangontayo manipud iti palab-og ti cabusor, ngem napalitem ken nasugatantayo, ket ti kapadasantayo unano.”—The Review and Herald, April 19, 1898.

- b. **Apay a masapul a sititibker a parutentayo ti tunggal maysa a panagduyos nga umapal? Santiago 4:5, 6.**
-

“Maysa a dackel a depekto iti ugali ni Saul isu ti panagayatna iti pananganamong. Daytoy a kababalin ket addaan idi iti mangkonkontrol nga impluensia cadagiti tignay ken kapanunotanna; amin a banag ket namarkaan iti tarigagayna a maidaydayaw ken maitag-ay ti bagina. Ti pagalagadanna iti husto ken biddut isu ti nababa a pagalagadan ti nalatac a palacpac. Awan ti tao a natalged nga agbiag tapno maay-ayona dagiti tattao, a saanna nga umuna a sapulen ti anamong ti Dios.”—The Patriarchs and Prophets, 650.

“Apal ti namagbalin ken Saul a nakalkaldaang ken nangikabil iti napakumbaba a sakup ti tronona iti peggad. Anian a di mailadawan a kinaranggas ti inobra daytoy dakes a galad ti kababalin iti lubongtayo! Isu met laeng a panagbubusor ti adda iti puso ni Saul a nanggyugoy iti puso ni Cain maibusor iti cabsatna a ni Abel, gapu ta nalinteg dagiti aramid ni Abel, ket pinadayawan ti Dios, ken dakes dagiti bukodna nga aramid, ket saan a mabalin a bendisionan ti Apo. Ti apal ket caputotan ti kinatangsit, ket no sangailien dayta iti puso, mangiturong dayta iti gura, ket iti udina iti panagibales ken panangpapatay.”—*Ibid.*, p. 651.

“Ti panagpasakup, ayat, ken panagyaman iti Dios pagtalinaedenna ti silnag ti init iti puso, nupay ti aldaw ket mabalin a kanayon a naulep. Ti panangilibac iti bagi ken ti cruz ni Cristo ket adda iti sangoanam. Itag-aymo kadi ti cruz?”—*Testimonies*, vol. 4, p. 47.

4. POKUS KEN ISUSUCO

- a. Ania a nasisita a banag ti mangipaay cadatayo iti pudpudno, manayon a balligi ken Cristo? Santiago 4:7.**
-

“Marikna ti dadduma ti panagkasapulanda iti pannakaabpong, ket babaen ti pannakabigbig iti daytoy a kasapulan, ken ti tarigagay para iti panagbalbaliw ti puso, mangrugin ti pannakidangadang. Ti panangtallikud iti bukodda a pagayatan, nalabit dagiti napilida a panggep a ti panangipategda wenno suroten, gutogutenna ti peksa, a gapu iti dayta adu ti agduadua ken agtukkiad ken agsubli. Ngem daytoy a dangadang masapul a labanan ti tunggal puso a sipupudno a nakomberte. Masapul a makigubattayo cadagiti sulisog iti ruar ken iti uneg. Masapul a mapagballigiantayoti bagi, ilansatayo dagiti pagaayat ken derrep; sa irugi ti pannakikaysa ti cararua ken Cristo. Cas ti namaga ken awanan biag a sanga a maisulbong iti sibibiag a kayo, agbalintayo coma a sibibiag a sanga ti Pudno nga Uvas. Ket ti bunga nga inawit ni Cristo ket awitento dagiti amin a pasurotNa. Kalpasan a mabukel daytoy a panagkaykaysa, mataginayon laeng dayta babaen ti agtultuloy, napasnec, napinget a panagregget. Ipatat ni Cristo ti pannakabalina a mangpreserba ken mangbantay iti daytoy sagrado a singgalut, ket ti agpannurray, awanan gaway a managbasol masapul nga aramidenna ti pasetna a buyogen ti di mabannog nga enerhia, ta no saan, ni Satanas babaen ti kinaulpitna, nasikap a pannakabalina isina naka ken Cristo.

“Tunggal Cristiano masapul nga agtultuloy nga agbantay, a mangbantay iti tunggal dalan ti cararua a mabalina a pakasarakan ni Satanas iti sumreca. Masapul nga icararagna ti nadiosan a tulong ken maigiddato iti dayta, determinado a sarangtenna ti tunggal pagnagduyos nga agbasol. Babaen iti tured, babaen iti pammati, babaen iti naibtur a panagbannog, mabalina ti mangpamec. Ngem laglagipenna coma a tapno magun-odna ti balligi masapul nga agtalinaed ni Cristo kenuana ken isu ken Cristo.”—*Testimonies*, vol. 5, p. 47.

- b. Kasano nga inulit ni Pablo ti panangilawlawag ni Santiago maipapan iti naespirituan a kinasiglat iti biag a Cristiano? Roma 6:6–11.**
-

“Ti nailubongan a panagpampanunot, kinamanagimbubucod, ken kinaagum ti mangmangan iti espirtualidad ken biag ti ili ti Dios.”—*Ibid.*, vol. 1, p. 141.

“Kasapulantayo ti natibtibker nga amang a pammati ken napasnec a debosion. Masapul a mataytayo iti bagitayo, ken iti panunot ken puso tapno ipategtayo ti managdaydayaw nga ayat iti Mangisalacantayo. No sapulentayo ti Apo iti amin a puso masaracantayo Isuna, ket agsilnagto amin dagiti pusotayo iti ayatNa. Ti bagi ket lumned iti kinaawan pateg, ket ni Jesus ket agbalinto nga amin ken iti amin iti cararua. . . .

“Masapul nga umasidegtayo iti Dios. Masapul nga agbalintayo a makipagtrabaho Kenuana, ta no saan, makitanto ti kinakapuy ken biddut iti amin nga aramidentayo.”—*Ibid.*, vol. 6, p. 51.

5. PANAGSARDENG PARA ITI NAPARBENG A CARARAG

- a. Ania a pammatalged ken apela ti agaweng iti tunggal maysa cadatayo iti pannakigubat mai-busor iti bucodtayo a dakes a pagduyosan? Colosas 3:1–3; Santiago 4:8, 9.

“Imposible para iti asinoman a bigbigen ti kinapudno bayat nga adda dagiti dungngo ti lubong. Umay ti lubong iti nagbaetanda ken ti Dios, a manglidem iti sirmata ken mangbibineg cadagiti rikna agingga nga imposible para cadacuada ti mangbigbig cadagiti sagrado a banag. Umawag ti Dios cadagiti cacasta: ‘Dalusan dagiti imimayo, dacayo a managbasol; ket guguranyo dagiti puspusoyo, dacay a nagduadua ti nakemda. Agladingitcayo, ken agsangitcayo, ti catawayo agbalin coma a sangit ket ti ragsacyo agbalin coma a liday.’ Dagidiay nangmantsa cadagiti imada iti pannakarugit ti lubong masapul a dalusanda ti bagbagida manipud cadagiti mantsana. Dagidiay mangipagarup a makaservida iti lubong ket kunada nga ay-ayatenda ti Dios ket doble ti nakemda. Ngem saanda a makapagservi iti Dios ken iti kinabacnang. Tattaoda a dua ti panunotda, nga ay-ayatenda ti lubong ken mapucawda ti amin a pannakariknada iti obligasionda iti Dios, ngem ibunanagda a pasurot ni Cristo ida. Saanda a ti maysa a banag wenno ti sabali. Mapucawdanto ti agpada a lubong malacsid no dalusanda dagiti imada ken dalusanda ti pusoda babaen ti panagtulnog cadagiti nasin-aw a prinsipio ti kinapudno.”—*Testimonies*, vol. 1, pp. 530, 531.

- b. Ania ti mapasamac no agrucnoytayo iti sangoanan ti Dios a sipapakumbaba? Salmu 34:18; 1 Pedro 5:6, 7.

“No ipakumbabam ta bagim ita iti sangoanan ti Dios, iconfesarmo dagiti biddutmo, ken agpublica Kencuana nga addaan iti naan-anay a panggep ti puso, ti pamiliam ket mabalin pay laeng a naragsac a familia. No saanmo nga aramiden daytoy, no di ket piliem ti bukodmo a wagas, a ti ragsakmo agpatingga.”—*Ibid.*, vol. 2, p. 304.

PERSONAL A PANGREPASO A SALSALUDSOD

1. Siuuneg a sukimaten dagiti makin-uneq a motiboc, cadagiti ania a benneg ti mabalin a managinsisingpetac?
2. Mangibaga ti sumagmamano a wagas a dagiti sasaotayo ket masansan unay a di umiso ti panangirepresentar ken Cristo.
3. Iti ania a kapanunotan ti apal a serio a panangilacsid iti pammati —ken pananginsulto iti Dios?
4. Apay a kasapulac ti matay iti bagic tapno sibibiagac ken Cristo?
5. Kasano a dagdagupec dagiti i sumagmamano a pudno nga isyu a kasapulac a parmeken?

Panangadaptar iti Napacpakumbaba a Kapanunotan

MEMORY TEXT: “Agpacumbabacayo iti imatang ti Apo, ket isu itan-ocnacayto.” (Santiago 4:10).

“No surotentayo ti napakumbaba a dana ti panagtulnog, mangibatitayo iti naraniag a dana nga agturong idiay langit tapno magna dagiti dadduma. Pribilehiotayo ti maadaan iti naun-uneg a padas cadagiti banag ti Dios.”—*The Signs of the Times*, March 17, 1890.

Maisingasing a Basbaesen : *Testimonies, vol. 2, pp. 41–44, 678–686.*

Domingo

Diciembre 8

1. PANANGLICLIC ITI PALSO A PANANGBIGBIG

- a. **Ania ti nakaro a makadangran nga ugali ti masapul a maickat cadagiti amin nga agcuncuna nga ay-ayatenda dagiti cacabsatda, ken apay? Santiago 4:11, 12.**

“Saan coma a maibilang a nalag-an a banag ti agsao iti dakes maipapan iti sabsabali wenna pagbalinentayo ti bagitayo nga ocom cadagiti motibo wenna aramid-da.”—*The Patriarchs and Prophets*, 385.

“Ti pudno a pateg moral saanna nga ikagumaan ti mangaramid iti lugar para iti bagina babaen ti panagpanunot ken panagsao iti dakes, babaen ti panangipababa iti pateg ti sabsabali. Amin nga apal, amin nga imon, amin a panagsasao iti dakes, agraman amin a di panamati, masapul a maickat cadagiti annac ti Dios.”—*Our High Calling*, p. 234.

“Maaramid coma ti napasnec a panagregget iti tunggal iglesia a mangiwaksi iti dakes a panagsao ken nauyaw nga espiritu a karaman cadagiti basol a mangpataud cadagiti kadackelan a kinadakes iti iglesia. Masapul a tubngaren ti kinaranggas ken panagbirbiroc iti biddut cas aramid ni Satanas. Masapul a mapabileg ken mapatibker ti panagayat ken panagtalec ti tunggal maysa cadagiti kameng ti iglesia. Amin, iti panagbuteng iti Dios ken buyogen ti ayat cadagiti cacabsatda, iserrada coma dagiti lapayagda iti tsismis ken babalaw. Iturong ti mamadpadakes cadagiti pannursuro ti sao ti Dios. Ibilin kencuana nga agtulnog iti Biblia ken idirektana dagiti reklamona cadagidiay pagarupenna nga agbidbiddut. Daytoy nagkaysa nga aramid ket mangyeg iti layus ti lawag iti iglesia ken mangiserra iti ruangan iti layus ti kinadakes. Iti casta maidaydayaw ti Dios, ket adu a cararua ti maisalacan.”—*Testimonies, vol. 5, pp. 609, 610.*

2. PANANGALA ITI LAWAG A SIPAPASNEC

- a. **No agplanotayo, ania ti kanayon a masapul a laglagipentayo? Salmo 16:8; Santiago 4:10, 13–16.**
-

“Iconsagrarno ti bagim iti Dios iti bigat; pagbalinem daytoy nga umuna unay a trabahom. Ti cararagmo ket, ‘Alaennac, O Apo, a naan-anay a Cucuam. Idatagco amin a planoc citi sacaanaM. UsarenNac ita nga aldaw iti servicioM. AgtalaengCa caniac, ket amin coma nga aramidco maisucog Kenca.’ Inaldaw coma daytoy a banag . Tunggal agsapa iconsagrarno ti bagim iti Dios para iti dayta nga aldaw. Isucom amin a planom Kencuana, a maisayangcat wenco maisuco cas ipasimudaag ti providenciaNa. Iti casta, inaldaw-aldaw nga itedmo ti biagmo cadagiti ima ti Dios, ket t mausocg nga ad-adda a maiyalubog iti biag ni Cristo.”—*Steps to Christ*, p. 70.

- b. **Ilawlawag ti napasnec a pagrebbengan ken panagsungbat nga adda iti tunggal maysa cadatayo iti nailangitan a lawag a naited cadatayo iti amin a benneg ti biag. Santiago 4:17; Mateo 12:31, 32.**
-

“Saan a ti Dios ti mangbulsec cadagiti mata dagiti tattao wenco mangpatangken iti pusoda. IbaonNa cadacuada ti lawag a mangpalinteg cadagiti biddutda, ken mangiturong cadacuada cadagiti natalged a dana; babaen ti panangilacsid iti daytoy a lawag a mabulsec dagiti mata ken tumangken ti puso. Masansan a ti proseso ket in-inut, ken dandani saan madmadlaw. Umay ti lawag iti cararua babaen ti sao ti Dios, babaen cadagiti adipenNa, wenco babaen ti direkta nga ahensia ti EspirituNa; ngem no saan a maikankano ti maysa a sinamar ti lawag, adda sangkapaset a panagbibineg dagiti naespirituan a pannakaawat, ket saan unay a nalawag a mailasin ti maikadua a panapanayag ti lawag. Isu nga umad-adu ti sipnget, agingga a rabiini cararua.”—*The Desire of Ages*, 322.

“Napeggad ti mangisao iti maysa a sao ti panagduadua, napeggad ti mangkuestion ken mangbabalaw iti nadiosan a lawag. Ti ugali darasodos ken awan panagraem a pammabalaw ket agtignay iti kababalin iti panangtaraken iti kinaawan panagraem ken di panamati. Adu a tao ti mangpalugod iti daytoy nga ugali ti saan a makaammo iti peggad, agingga a nakasagana a mangbabalaw ken mangilacsid iti aramid ti Espiritu Santo.—*Ibid.*, p. 323.

“No dagiti tattao maisao maipapan iti salun-at, masansan nga ibagada: ‘Naysaysaat nga amang ti ammotayo ngem ti aramidtayo.’ Saanda a maamiris a sung-sungbatanda ti tunggal sinamar ti lawag mainaig iti pisikal a pagimbaganda, ken casta met a ti tunggal ugalida ket silulukat iti panangsukimat ti Dios.”—*Testimonies*, vol. 6, p. 372.

3. KINABACNANG A SOBRA TI PANNAKAPATTAPATTANA

a. Ania dagiti ballaag a naited maipapan cadagiti sulisog a nanglicmut cadagidiay naparaburan iti ad-adu a material a sanicua ngem iti dadduma? Santiago 5:1.

“Saan coma nga agusar dagiti ministro iti pasablog wenko mangidumduma cadagiti tattao. Addan idi, ken adda pay ita, dackel a peggad ti agkamali ditoy, ti panangaramid iti bassit a panangiduma cadagiti nabacnang, wenko panangpasablog cadacuada babaen ti naisangsangayan nga imatang, no saan, a babaen cadagiti sasao. Adda peggad ti ‘maaddaan cadagiti persona a daydayawen maigapu iti pagimbagan, ngem iti panangaramid iti daytoy agpegpeggad ti agnayanon nga interesda. Ti ministro ti mabalin a naisangsangayan a paborito ti sumagmamano a nabacnang a tao, ken mabalin a managited unay kencuana; daytoy ti mangpenec iti ministro, ket isu met ti mangipadayaw iti kinaparabur ti nagdonar kencuana. Mabalin a maitan-ok ti naganna babaen ti panagparangna iti nayimprenta, nupay casta dayta a naparabur a nagdonar mabalin nga interamente idinto a saan a maikari iti pammadayaw a naited kencuana. Ti kinamanagparaburna ket saan a nagtaud iti nauneg, sibibiag a prinsipio nga agaramid iti naimbag segun iti kabaellanna, tapno maidur-as ti panggep ti Dios gapu ta inapresiarna dayta, no di ket manipud iti sumagmamano a naimbuodan a motibo, ti tarigagay a maipagarup a naparabur. Mabalin a nangted manipud iti regget ken ti kinamanagparaburna ket awanan iti nauneg a prinsipio. Mabalin a natignay isuna iti pannakangngegna iti makaguyugoy a kinapudno nga iti agdama ket nanglukat cadagiti kuerdas ti pitakana; ngem kalpasan ti amin ti kinaparaburna awanan iti nauneg a motibo. Mangted gapu ta dimmicar, ti pitakana ket naglucut no agdicar ken agserra no kumaro. Saan a maikari iti pammadayaw, ta isu adda iti kaipapanan ti sao a maysa a naimut a tao, ket malacsid no maconvertir a naan-anay, pitaka ken amin, mangngegna ti aglaylay a panangkondenar: ‘Inkayo ita, dakayo a nabacnang a tattao, agsangit ken agpuccawkayo gapu cadagiti kinaay-ay nga umayto cadacayo. Ti kinabaknangyo ket nadadael, ket dagiti cawwesyo kankanen dagiti sanga.’ Dagiti cacasta agriingto ti udina manipud iti nakaam-amac a panangallilaw iti bagi. Dagidiay nangidayaw iti agdicar-dicar a kinamanagited tulonganda ni Satanas a mangallilaw cadacuada ken panunotenda dagiti bagbagida a managited unay, managsacrificioda unay, idinto ta dida ammo dagiti umuna a prinsipio ti kinaparabur wenko panangisacrificio iti bagi.—Testimonies, vol. 1, pp. 475, 476.

b. Kasanotayo a mapasayaat dagiti ipangpangrunatayo maipapan iti kuarta? Proverbio 11:4.

“Babaen ti panagehersisio, kanayon a dumackel ken pumigsa ti kinamanangngaasi, agingga nga agbalin dayta a prinsipio ken agari iti cararua. Napeggad unay iti espiritualidad ti pangnipalubos iti kinamanagimbubucod ken kinaagum ti kabassitan a lugar iti puso.”—*Ibid.*, vol. 3, pp. 548, 549.

4. PANANGILACSID ITI DIDIOSEN**a. Ania ti masansan a makagapu no apay a magun-odan dagiti tattao ti kinabacnang? Santiago 5:2 (umuna a paset).**

“Iti daytoy a kaputotan ti panagtarigagay iti ganansia isu ti mangsagepsep nga essem. Masansan a magun-odan ti kinabacnang babaen ti panangallilaw. Adda dagiti umariwecwec a makidangdangadang iti kinapanglaw, a mapilitan nga agrabaho a sipipinget para iti bassit a tangdan, a di makabael a manggun-od uray cadagiti kabassitan a kasapulan iti biag. Ti panagbannog ken kinakurang, nga awanan iti namnama cadagiti nasaysayaat a banag, pagbalinenna ti dadagsenda a nadagsen. Napaksuyan ken nairurrurumen, saandan nga ammo no sadino ti sumangoanda para iti bang-ar. Ket amin dagitoy mabalina a suportaran dagiti babacnang cadagiti kinabarayoboyda wenno panangpalugodda ti tarigagayda nga agumong!

“Ti panagayat iti kuarta ken panagayat iti parang a namagbalin iti daytoy a lubong a cas maysa a kueba dagiti mananakaw ken mannibrong. Iladawan ti Nasantoan a Surat ti kinaagum ken panangirurumen nga agraira sacbay la unay ti maikadua a yaay ni Cristo.”—The Prophets and Kings, 650, 651.

b. Ania ti mangtignay iti kaadduan a paset ti lubong ita —ken ania a kiddaw ti masapul a maaramid cadagidiay napapanaw babaen itoy? 1 Timoteo 6:9, 10; Deuteronomio 8:18, 19.

“Ti Biblia awan ti tao a condinarena gapu ta nabacnang, no nagun-odna ti kinabacnangna a sipupudno. Saan a kuarta, no di ket ti panagayat iti kuarta, ti ramut ti amin a kinadakes. Ti Dios ti mangted cadagiti tattao iti bileg tapno makagun-odda iti kinabacnang; ket iti ima daydiay agtigtignay cas paraaywan ti Dios, us-usarena dagiti kuartana a siaayat,, ti kinabacnang ket maysa a bendicion,a iti agtagicua iti daya ken iti lubong. Ngem adu, a naigamer iti interesda cadagiti nailubongan a gameng, agbalinda a di makarikna cadagiti ibagbaga ti Dios ken cadagiti kasapulan dagiti padada a tattao. Ibilangda ti kinabacnangda cas wagas a mangidayaw iti bagbagida. nayonanda ti balayda iti balay, ken daga iti daga; punnoenda dagiti pagtaenganda cadagiti luho, idinto ta amin a maipapan cadacuada ket tattao mga adda iti kinaay-ay ken krimen, iti sakit ken ipapatay. Dagidiay mangipapaay iti biagda iti panagservi iti bagida ket masiucucog cadacuada, saan a dagiti galad ti Dios, no di ket dagiti galad daydiay nadangkes.

“Kasapulan dagitoy a lallaki ti evangelio. Masapul a maibaw-ing dagiti matada manipud iti kinaubbaw dagiti material a banag tapno makitada ti kinapateg dagiti manayon a kinabacnang.

“Sumagmamano ti nangnangruna a maibagay nga agrabaho para iti nangatngato a klase. Dagitoy ket rumbeng a mangsapul iti sirib manipud iti Dios tapno maammoanda no kasano ti mangdanon cadagitoy a persona, tapno saan laeng a gagangay ti pannakaam-ammo cadacuada, no di ket babaen ti personal a panagregget ken sibibiag a pammati a mangriing cadacuada cadagiti kasapulan ti cararua, a mangiturong cadacuada iti pannakaammo iti kinapudno cas ken Jesus.”—The Ministry of Healing, pp. 212, 213.

5. PANANGKITA ITI LABES TI MATERIALISMO

a. Iladawan ti resulta ti di umiso a pananggun-od iti ganansia. Santiago 5:2 (last part).

“Ti pananggun-od iti kinabacnang babaen iti saan a nainkalintegan a pannakittrato, babaen ti panaglabbes iti tagilako, babaen iti panangirurumen cadagiti balo ken ulila, wenna babaen ti panagurnong iti kinabacnang ken panangbaybay-a iti kasapulan dagiti agkasapulan, iye nganto ti nainkalintegan a supapac nga inladawan ti napaltiingan nga apostol.”—*Testimonies*, vol. 2, p. 682.

b. Ania ti naisangsayangan a mensahe ti Dios maipapan iti kinabacnang? 1 Timoteo 6:17–19.

“Dagiti kapakumbabaan ken kapanglawan cadagiti pudno nga adalan ni Cristo, a nabacnang iti naimbag nga ar-aramid, ad-adda a bendito ken napatpategda iti imatang ti Dios ngem cadagiti tattao a mangipannackel iti naindaclan a kinabacnangda. Ad-adda a nadayawda cadagiti paraangan ti langit ngem cadagiti katan-oca unay nga ari ken natan-oc a saan a nabacnang iti Dios. . . .

“Dagidiay mangurnong cadagiti sanicua wenna agpuonan cadagiti dagdaga, bayat nga ipaidamda cadagiti pamiliada ti nam-ay ti biag, agtignayda a kasla bagtit a lallaki. Saanda a palubosan daiti pamiliada nga agsagrap cadagiti bambanag a sibabacnang nga inted ti Dios cadacuada. Nupay dackel ti sanickuada, dagiti pamiliada masanan a mapilitan nga agrabaho iti labes ti pigsada tapno makaurnongda iti ad-adu pay a kuarta nga umongenda. Mabannog a nalaing ti utek, tulang, ken piskel tapno makaurnongda pay ket mabaybay-an ti relihion ken naCristianoan a pagrebbengan. Trabaho, trabaho, trabaho, ti ambision manipud agsapa agingga iti rabii.

“Adu ti saan a mangipanayag iti napasnec a tarigagay a mangadal iti pagayatan ti Dios ken mangawat cadagiti tontonenNa cadacuada. Sumagmamano a mangpadas a mangisuro iti kinapudno iti sabali ket saanda a mismo nga agtulnog iti sao ti Dios. No ad-adu ti cacasta a mannursuro ti gapuanan ti Dios, saanto a nang-ay ti banagna.”—*Ibid.*, pp. 682, 683.

PERSONAL A PANGREPASO A SALSALUDSOD

- 1. No tamingec dagiti pagkurangan ti sabsabali, ania ti ar-aramidec?**
- 2. Ilawlawag no kasano a mapaladingit ti Espiritu Santo no ditay ikankano ti lawag nga imbaon ti Langit.**
- 3. Kasano a mabalin nga agpada a masiloan dagiti nabacnang a tattao ken dagiti pastorda?**
- 4. Apay a ti kinaagum ket umad-adu ken apay a liclicantayo itan dayta nga ad-adda ngem idi?**
- 5. Iladawan ti kinapintas ken beneficio ti kinapakumbaba ken Cristo.**

Panangipamaysa iti Langit

MEMORY TEXT: "Aganuscay met coma; patibkerenyo dagiti puspuso, ta ti iyaay ti Apo asidegen" (Santiago 5:8).

“Masapul nga agtultuloy a macawesancayo iti kinalinteg ni Cristo. Masapul a lag-lagipem nga anacCa ti Dios, ken maaddaanca [iti] nadungngo, naasi, naanus nga espiritu. Kitaem a naimbag a ti kinamanagimbubucod ken kinaagum saan nga agtalinaed iti cararuum.”—*Manuscript Releases*, vol. 13, p. 288.

Maisingasing a Basbasaen : *Early Writings*, pp. 72, 73.

Domingo

Diciembre 15

1. TIEMPO PARA ITI PANNAKAAMIRIS MANEN!

- a. **Ania ti mapasamac iti mabiit cadagiti banag nga ipatpateg unay ken masansan a matarigagayan sipud pay idi un-unana —ket ania ti rumbeng nga ipalagip daytoy cadatayo? Isaias 31:6, 7.**

“Ti naimbucodan a panagayat iti kuarta a sibibiddut a nausar isu ti ramut ti amin a kinadakes. Mapanecnecan a bendicion ti kinabacnang no ibilangtayo a cucua ti Apo, nga awatentayo a buyogen ti panagyaman ken siyayaman a panangisubli iti Nangted.

“Ngem ania ti pateg ti di maibaga a kinabacnang no maurnong dayta cadagiti nangina a mansion wenno cadagiti stock ti banko? Ania ti dagsen dagitoy no idilig iti pannakaisalacan ti maysa a cararua a nakatayan ti Anac ti awan patinggana a Dios?”—*Testimonies*, vol. 6, p. 453.

“Dagidiay mangpili nga agpambar ken agtultuloy iti basol ken makitunos iti lubong mabaybay-andanto cadagiti didiosda. . . . Inton umayto ni Cristo iti dayagNa ken iti dayag ni Amana, a caduana amin dagiti nailangitan nga angel a manglicmut Kencuana, a mangkuyog Kencuana iti dalanNa babaen cadagiti timec ti balligi, bayat a ti maysa a sonata ti makaawis unay a musica, matnag iti lapayag, amin ket maay-ayo, awanto ti uray maysa a di mangigin-gina nga agbuybuya. Dagiti espekulasion saanto a masagepsep ti cararua. Saanen a makaay-ayo dagiti bunton ti balitoc iti maysa a kuripot, a nagpiesta dagiti matana, ken saanen a maay-ayo. Dagiti palasio nga imbangon dagiti natangsit a tattao ditoy daga, ken nagbalin a didiosenda, naglicodanda a buyogen ti gura ken pannakarurod.”—*Ibid.*, vol. 2, p. 41.

2. SACBAY A NALADAW UNAY. . .

- a. **Kasano nga iladawan ti Nasantoan a Surat dagidiay, babaen ti panangitantan, mapucawda ti gundawayda a mangpadayaw iti Dios cadagiti adda cadacuada? Oseas 4:17; Mateo 25:11, 12.**

- b. **Iladawan ti ultimo a pagbanagan ti amin —agraman dagidiay mangibagbaga iti agdama a kinapudno —a siimbucodan a kumpet cadagiti material a sanicuada. Santiago 5:3.**

“[Naadaw ti Santiago 5:1–3.] Nakitac a dagitoy a nakabutbuteng a sasao mai-yaplicar a nangnangruna cadagiti nabacnang nga agkunkuna a mamati iti agdama a kinapudno. Awagan ida ti Apo nga usarenda dagiti sanicuada a mangidur-as iti panggepNa. Maiparang cadacuada dagiti gundaway, ngem inkidemda dagiti matada cadagiti kasapulan ti panggep, ken kumpetda a sititibker iti naindagaan a gamengda. Ti panagayatda iti lubong ket dadackel ngem iti panagayatda iti kinapudno, iti panagayatda iti padada a tattao, wenna ti panagayatda iti Dios. AwaganNa ti cucuada, ta siimbucodanda, siaagumda, a pagtalinaeden ti adda cadacuada. Mangtedda iti bassit ita saggamansan tapno mapalag-an ti consiensiada, ngem dida naparmec ti panagayatda iti daytoy a lubong. Saanda nga agsacrificio para iti Dios. Pinagungar ti Apo dagiti daduma a mangipapateg iti biag nga agnanayon, ken makaricna ken makaamiris iti maysa a banag maipapan iti pateg ti cararua, ken siwayawaya nga intedda dagiti kuartada a mangidur-as iti panggep ti Dios. Agserserran ti trabaho; iti mabiit saanton a kasapulan ti kuarta dagidiay nangidulin iti kinabacnangda, dagiti dadackel a talonda, dagiti vacada, kdpy. Nakitac ti Apo a nangsango iti casta iti unget, iti pungtot, ket inulit-ulitNa dagitoy a sasao: ‘Incayo ita, dacayo a babacnang.’ Nagayab ngem saancayo a dimngeg. Ti panagayat iti daytoy a lubong ti nanglemmes iti timecNa. Ita awanen ti usarNa cadacayo, ket palubosannacayo, ibilinNa cadacayo: ‘Incayo ita, dacayo a babacnang.’”

“O, nakitac ti nakaam-amac a banag ti casta nga inlacsid ti Apo—nakabutbuteng a banag ti panangtengngel iti agrupsa a cucua ditoy, idinto nga imbagaNa a no aglako ken mangtedtayo iti limos, makaurnongtayo iti gameng idiy langit. Naipakita caniac a bayat ti panagserra ti trabaho, ken ti kinapudno a rummuar iti nabileg a pannacabalin, dagitoy a babacnang iyegdanto dagiti cucuada ket idatagda iti sakaanan dagiti adipen ti Dios, agpakaasida cadacuada nga awatenda dayta. Ti sungbat dagiti adipen ti Dios ket: ‘Incayo ita, dacayo a babacnang. Saan a kasapulan ti kuartayo. Impaidamyoy idi naimbag pay ti ar-aramidenyoy iti dayta iti panangidur-as iti panggep ti Dios. Nagsagaba dagiti agkasapulan; saanda a nabendicionan cadagiti kuartayo. Saan nga awaten ti Dios ti kinabacnangmo ita. Incayo ita, dacayo a babacnang.’” —*Testimonies*, vol. 1, pp. 174, 175.

3. SURSUROEN TI NABALITOCAN A PAGANNUROTAN

- a. **Kasano a masansan a tratoen dagiti narang-ay dagidiay mangmanggedda —wanno gumatang cadacuada —ket ania ti masapul a laglagipentayo? Santiago 5:4–6; Mateo 7:12.**

“Awan ti Dios iti amin a kinabacnang a nagun-odan. Masansan nga ad-adu nga amang ti pakainagan ni Satanas iti pananggung-od iti sanicua ngem iti Dios. Kaaduan iti dayta ket magun-odan babaen ti panangirurumen iti mangmangged iti tangdanna. Ti natural a naagum a nabacnang magun-odna ti kinabacnangna babaen ti panangibabana iti mangmangged, ken manggundaway cadagiti indibidual sadinoman a mabalinna, iti casta nayonanna ti gameng a mangan iti lasagna a casla apuy.

“Ti nainget a napudno, nadayaw nga aramid ket saan nga inaramid ti dadduma. Ti casta masapul nga alaenna ti naiduma unay nga aramid ken agtrabaho a sipaparpatac tapno masubbot ti tiempo. Adu a Sabatista ti nagbasol ditoy. Manggundaway uray cadagiti napanglaw a cacabsatda, ket dagidiay addaan iti kinawadwad ket eksakto nga ad-adu ngem iti pudno a pateg dagiti bambanag, ad-adu ngem ti bayadda iti isu met la a banag, idinto a dagitoy met laeng a cacabsat ti mabain ken mariribukan gapu iti panagcasapulan iti kuarta. Ammo ti Dios amin dagitoy a banag. Tunggal naimbucodan nga aramid, tunggal naagum a panagkikil, iyegnanto ti gunggona.

“Nakitac a naulpit ken saan a nainkalintegan ti awananda iti konsiderasion iti kasasaad ti maysa a cabsat. No isu ket mariribocan, wanno napanglaw, ngem ar-aramidenna ti amin a kabaelanna, rumbeng a maipaay kenkuana ti panggastosna, ket uray ti naan-anay a pateg dagiti banag a mabalinna a gatangen cadagiti nabaknang; ngem rumbeng nga addaanda iti naasi a puso kenuana. Anamonganto ti Dios dagiti cacasta a naasi nga aramid, ket ti agar-aramid dinanto mapucaw ti gunggona. Ngem ti nakabutbuteng a panagsungbat agtacderto a maibusor iti adu nga agngilngilin iti Sabbath gapu cadagiti naagum nga aramid.” —*Testimonies*, vol. 1, pp. 175, 176.

- b. **Cadagiti immun-una a panawen, kasano ti nawaya a panagbibingay dagiti mamati? 2 Corinto 8:1, 2.**

“Naitudoac iti panawen a manmano laeng ti dimngeg ken nangabrasa iti kinapudno. Awananda unay iti sanicua daytoy a lubong. ti kasapulan ti trabaho ket nangingay cadagiti sumagmamano. Ngarud nasisita para iti dadduma nga ilakoda dagiti balay ken dagada, ket mangala iti nalacalaca nga agservi cadacuada a cas paglinongan, wanno pagtaengan, bayat a siwayawaya ken sipaparabur a naipabulod ti cucuada iti Apo, tapno maipablaac ti kinapudno, ken iti sabali a pamay-an tumulong iti panangparang-ay iti gapu ti Dios. Bayat a kitkitaec dagitoy a managsacrificio, nakitac nga inibturanda ti kinapanglaw para iti pagimbagan ti panggep. Nakitac ti maysa nga angel a sitatakder iti sibayda, nga inturongna ida nga agpangato, ket kunana: ‘Adda supotyo idiyang langit a saan a dumaan! Agibturkayo agingga iti panungpalan, ket dackelto ti gunggunayo.’” —*Ibid.*, p. 176.

4. MAYSA A GALAD A KASAPULAN ITA

- a. **Iti panangsucog iti kababalintayo, apay a ti anus ket importante unay? Santiago 5:7.**
-

“Ti mannalon ur-urayenna ti napateg a bunga ti daga, ket nabayag ti panaganusna iti dayta, agingga nga awatenna iti nasapa ken maudi a tudo.’ Santiago 5:7. Isu a ti Cristiano aguray a siaanus ti bunga iti biagna ti sao ti Dios. Masansan a no agcararagtayo para iti parabur ti Espiritu, agrabaho ti Dios a mangsungbat cadagiti cararagtayo babaen ti panangikabilNa cadatayo cadagiti kasasaad a mangsucog cadagitoy a bunga; ngem ditay maawatan ti panggepNa, ken masdaaw, ken maupay. Ngem awan ti makasucog cadagitoy a parabur malacsid a babaen iti proseso ti panagdackel ken panagbunga. Ti pasettayo ket umawat iti sao ti Dios ken tenglen a sititibker dayta, nga itedtayo a naan-anay ti bagitayo iti panangtengngelna, ket matungpal ti panggepNa cadatayo.

“No agayat ti maysa a tao Caniac,’ kinuna ni Cristo, ‘salimetmetannanto dagiti saoc; ket ni Amac ayatennanto, ket umaycamto kencuana, ket makipaggiancamto kencuana.’ Juan 14:23. Ti anting-anting ti napigpigsa, perpekto nga isi, addanto cadatayo; ta addaantayo iti sibibiag a koneksion iti gubuayan ti agnanayon a pigs. Iti nadosan a biagtayo maiyegtayo a cautibo ken ni Jesu-Cristo. Saantayo nga agbiag iti gagangay a biag ti kinamanagibubucod, no di ket agbiagto ni Cristo cadatayo. Ti kababalinNa mapaadda iti galadtayo. Casta a mapataudtayo dagiti bunga ti Espiritu Santo —‘dadduma tallopulo, ken dadduma innem a pulo, ken dadduma sangagasut.’” — Christ’s Object Lessons, 61.

- b. **No masulisog a maupay wenna madismayay gapu iti kumarkaro a kinadakes iti daytoy a planeta, apay a makatulong unay ti naanus a panagtalec? Santiago 5:8; Lucas 21:19.**
-

“Nagbalin a natured ti lubong a mangsalungasing iti linteg ti Dios. Gapu iti nabayagen a panaganusNa, imbaddec dagiti tattao ti turayNa. Pinapigsada ti maysa ken maysa a mangirurumen ken naulpitda iti pagtawidenNa, ket cunada, ‘Casano ti pannacaammo ti Dios? Ket adda aya pannacaammo idiy Cangatoan?’ Salmo 73:11 . Ngem adda linia a dida malasat iti labesna. Asidegen ti tiempo a madanondan ti naituding a limitasion. Uray ita, dandanidan malab-awandan dagiti beddeng ti mabayag a panagitured ti Dios, dagiti pagpatinggaan ti paraburNa, ti asiNa. Bumallaetto ti Apo tapno mapasingkedan ti bucodNa a dayaw, tapno ispalenNa ti iliNa, ken tapno lapdanNa ti panagbung-or ti kinakillo.”—*Ibid.*, pp. 177, 178.

5. DAGITI EHEMPLO A MANGPAPIGSA CADATAYO

- a. **Iti kapasidad ti iglesia, ania ti masansan nga ipamaysatayo—ken ania ti rumbeng a lagipentayo ? Levitico 19:18; Santiago 5:9, 10.**
-

“Ni Abel, ti kaunaan unay a Cristiano cadagiti annac ni Adan, natay a martir. Nakipagna ni Enoc iti Dios, ket saan nga am-ammo ti lubong. Nauyaw ni Noe cas maysa a panatico ken alarmista. ‘Ket dagiti sabsabali nagsagabada cadagiti pannacarabrabngis ken babaot, ken dagiti met pannacarepreppet ken dagiti pagbaludan.’ ‘Ket dagiti sabsabali napapatayda iti pangpang-or, a dida kinayat ti maluc-atan, tapno magun-odanda ti nasaysayaat a panagungar:r.’ Hebrews 11:36, 35.

“Iti tunggal panawen dagiti mensahero a pinili ti Dios ket naumsi ken naidadanes, iti lacsid ti rigatda, ti pannakaammo iti Dios naiwaras. Tunggal adalan ni Cristo sum-rec cadagiti ranggo ket ituloyda ti isu met laeng a trabaho, ammoda nga awan ti maaramidan dagiti cabusor a maibusor iti kinapudno, no di ket para iti kinapudno. Ipaawat ti Dios a ti kinapudno ket maiyeg iti sango ket agbalin a suheto ti panangusig ken panaglilinnawag, uray no naikabil ti umsi iti dayta. Masapul a maririboc ti panunot dagiti tattao; tunggal kontrobersia, tunggal umsi, tunggal panagregget a manglapped iti way-awaya ti consiensia, ket wagas ti Dios a mangriing cadagiti panunot a mabalin a maturog.

“Kasano kasansan a nakita daytoy a resulta iti pakasaritaan dagiti mensahero ti Dios! Idi nabato a natay ti natan-oc ken nalaing nga agsao nga Esteban gapu iti panangugsog ti konseho ti Sanhedrin, awan ti napucaw iti panggep ti evangelio. Ti lawag ti langit a nagdayag iti rupana, ti nadiosan nga asi a nalang-ab ti matmatayen a craragna, ket casla natadem a pana ti kombiksion iti panatico a Sanhedrista a nakatacder iti sibay, ket ni Saul, ti manangidadanes a Fariseo, nagbalin a napili a vasiha a mangawit iti nagan ni Cristo iti sangoanan dagiti Gentil ken ar-ari ken cadagiti annac ti Israel.”—*Thoughts From the Mount of Blessing*, pp. 33, 34.

Viernes

PERSONAL A PANGREPASO A SALSALUDSOD

1. **Ania ti kasapulan a maamirisco maipapan iti pateg ti kuarta?**
2. **Ania ti kayat a saoen ti karit ni Cristo iti Santiago 5:1?**
3. **Iti ania a pagkapsutan ti mabalin a pakabasolac maipapan iti pannakibadang iti pinansial?**
4. **Iti udina, kasano a ti kinaanus agraniag cas maysa a galad iti ili ti Dios?**
5. **Kasano a dagiti naidadanes a martires iti unos ti pakasaritaan napagtalinaedda ti pocusda?**

Macaandor babaen iti Pammati

MEMORY TEXT: "Ipudnoyo ngarud dagiti basbasolyo iti maysa ken maysa, ket icararagyo maysa ken maysa, tapno mapasalun-atcayo. Adu ti mabalin ti nasged a cararag ti nalinteg" (Santiago 5:16).

“Ti napakumbaba, napasnec a cararag isalacanna ti cararua manipud ipapatay, ket ti panagconfesar ken panangisubli ilemmengna ti nakaad-adu a basol.” —*The Review and Herald*, December 16, 1902.

Maisingasing a Basbasaen : *The Ministry of Healing*, pp. 225–233;
Testimonies, vol. 3, pp. 271–293.

Domingo

Diciembre 22

1. NAMNAMA

- a. **Ta ania a saguday ti nangnangruna a bigbigen ni Job —ken ania ti ibaga daytoy cadatayo maipapan iti Dios? Santiago 5:11.**

“Agur-uray [ti Apo] buyogen ti di mabannog nga ayat a dumngeg cadagiti panagconfesar dagiti nasukir ken awatenNa ti panagbabawida. BanbantayanNa ti sumagmamano a panaagsubli ti panagyaman manipud cadatayo, cas ti ina nga agur-uray iti isem ti pannakabigbig manipud iti ay-ayatenna nga anac. Kayatna a maawatantayo no kasano ti kinapasnec ken kinadungngo nga il-iliwen ti pusoNa cadatayo. Awisennatayo a mangisaad cadagiti pannuboctayo iti simpatiaNa, dagiti ladingittayo iti ayatNa, dagiti sugattayo iti pannakaagasNa, ti kinakapuytayo iti pigsana, ti kinaawantayo iti kinapunnoNa. Saan a pulos a nadismaya ti maysa napan Kencuana. ‘Kimmitada Kencuana, ket nalawaganda: ket ti rupada saan a nabain.’

“Dagidiay agsapsapul iti Dios iti nalimed a mangibaga iti Apo cadagiti kasapulanda ken agpakpakaasi iti tulong, saandanto a mapaay.” —*Thoughts From the Mount of Blessing*, pp. 84, 85.

- b. **Kasano nga inyallangogan ni Santiago dagiti sasao ni Cristo maipapan iti kinapudno? Santiago 5:12; Mateo 5:37.**

“Amin nga aramiden dagiti Cristiano ket rumbeng a nalawag a cas iti lawag ti init.” —*Ibid.*, p. 68.

2. PAMMATI KONTRA TI PANAGIPAPAN

- a. **No agsagsagaba iti sakit, kasano ken apay a maparegtatayo a sumaclang iti naindaclan a Manangted-Biag? Santiago 5:13–15; Salmo 103:1–3.**
-

“Ti Dios ket situtuloc a mangisubli iti salun-at ita cadagiti masakit a cas idi insao ti Espiritu Santo dagitoy a sasao babaen ti salmista. Ket ni Cristo isu met laeng a man-nakipagriksa a mangngagas ita kas idi kabayatan ti naindagaan a panagserviNa. Kencuana adda ti makaagas a balsamo para iti tunggal sakit, a mangisubli iti bileg para iti tunggal kinakapuy. Dagiti adalanNa iti daytoy a panawen masapul nga icararagda dagiti masakit a cas met iti panangicararag dagiti adalanNa idi un-unana. Ket sumarunonto dagiti panagimbag; ta ‘ti cararag ti pammati isalacannanto dagiti masa-kit.’ Adda cadatayo ti pannacabalin ti Espiritu Santo, ti calmado a pammatalged ti pammati, a mangtonton cadagiti karkari ti Dios. Ti kari ti Apo, ‘ipataydanto dagiti imimada cadagiti masacsakit, ket umimbagdanto.’ (Marcos 16:18), ket mapagtalcan ita a cas idi al-aldaw dagiti apostol.”—*The Ministry of Healing*, p. 226.

- b. **Iti nia a kinatimbeng ti masapul nga ammotayo no saplen ti salun-at? Salmo 66:18.**
-

“Saantayo a maikari iti asi [ti Apo], ngem bayat ti panangipaaytayo iti bagitayo Kencuana, awatenNatayo. Agrtrabahonto Isuna para ken babaen cadagiti sumurot Kencuana.

Ngem bayat laeng nga agbiagtayo a natulnog iti saoNa a matontontayo ti panna-katungpal dagiti kariNa. . . . No ipaaytayo Kencuana iti sangkapaset laeng, kagudua ti puso a panagtulnog, saanto a matungpal cadatayo dagiti Karina.”—*Ibid.*, p. 227.

“Ti wagas a panagtrabaho ni Cristo ket ti mangicaasaba iti sao, ken mangpabang-ar iti panagsagaba babaen cadagiti milagro nga aramid ti panangagas. Ngem naibilin caniac a saantayo itan nga agrtrabaho iti kastoy a wagas; ta usarento ni Satanas ti pan-nakabalinna babaen ti panangaramidna cadagiti milagro. Saan a makaaramid dagiti adipen ti Dios itatta babaen cadagiti milagro, agsipud ta maaramidto dagiti palso a panangagas, a tontonenda a nadosan.

“Gapu iti daytoy a rason, ti Apo ket nangmarka iti wagas nga isayangcat ti iliNa iti tarabaho a mangagas iti pisikal a buyogen ti panangisuro iti sao. Maipasdec dagiti sanitarium, ket cadagitoy nga institusion masapul a maikonectada cadagiti trabahador a mangitultuloy iti pudno a trabaho ti misionero medico. Iti caasta mabantayan ti imp-luensia a maibato iti aglawlaw dagidiay umay cadagiti sanitarium tapno agpaagas.

“Daytoy ti sagana nga inaramid ti Apo a maisayangcat ti naevangelioan a trabaho ti misionero medico para iti adu a cararua.”—*Medical Ministry*, p. 14.

3. DUA A NAGDUMA A KITA TI TURED**a. Mangibaga iti napateg nga aspeto ti panangagas a sikalkaldaang a maliwayan. Santiago 5:16.**

“Anian a nagbiddut dagidiay mangipagarup a ti panangiconfesar iti basol ket mangkissay iti dignidadda, ken mangibaba iti impluensiada cadagiti padada a tattao. Iti panangpetpetda iti daytoy biddut nga ideya, nupay makitada dagiti biddutda, adu ti mapaay a mangipudno cadagita, no di ket labsanda dagiti biddut a naaramidda iti sabali., nga isu ti mangpapait iti bukodda a biag, ken manglangeb iti biag ti sabsabali. Saan a masaktan ti dignidadmo no ipudnom dagiti basolmo. Adaywan daytoy ulbod a dignidad. Matnagca iti Bato ket maburacca, ket ited ni Cristo kenca ti pudno ken nailangitan a dignidad. Saan coma a lapdan ti kinatangsit, panagraem iti bagi, wenna kinalinteg iti bagi ti asinoman a mangiconfesar iti basolna, tapno matontonna ti kari. ‘Ti mangabbong cadagiti salungasingna dinto rumang-ay; ngem ti mangipudno ken mangbaybay-an cadacuada maragpatnanto ti caasi.’ (Proverbio 28:13). Saan a medmedan ti aniaman nga agtaud iti Dios, ken saanmo a baybay-an ti panangipudno cadagiti basolmo cadagiti cacabsatmo. ‘Ipudnoyo ngarud dagiti basbasolyo iti maysa ken maysa, ket icararagyo iti maysa ken maysa, tapno mapasalun-atcayo’ (Santiago 5:16). Adu a basol ti nabati a saan a naiconfesar a mangsangonto iti managbasol iti aldaw ti maudi a panagsungbat; nasaysayaat nga adayo a sangoem dagiti basolmo ita, nga ipudno ida ken idian ida, bayat a ti mangabbong a Sacrificio agdawdawat maigapu kenca. Saan nga agpalta a mangadal iti pagayatan ti Dios iti daytoy a soheto. Ti salun-at ti cararuum ken ti pannakaisalacan ti sabsabali agpanmurray iti dana a surotem iti daytoy a banag.”—*Selected Messages*, bk. 1, pp. 326, 327.

b. Noi maseknan iti naespirituan nga apostasia ti nacionna, ania a tignay ti inaramid ni Elias —ken kasano a priniservar ti Dios isuna? 1 Ar-ari 17:1–3.

“Iti panagleddaang ti cararua [ni Elias] nagpakaasi iti Dios a tiliwenna dagiti napaburan iti naminsan a tattao iti dakes nga aramidna, tapno sarungkaran ida cadagiti ocom, no kasapulan, tapno maiturongda a mangkita iti pudno a lawagna iti ipapanawda manipud Langit. Il-iliwenna a makita ida a maiyeg iti panagbabawi sacbay a mapanda iti casta a kaatiddog ti panagaramid iti dakes a mangrurod iti Apo a mangdadael a naan-anay cadacuada. . . .

“Ken Elias a naitalec ti mision a mangidanon ken Acab iti mensahe ti panangocom ti Langit. . . . Iti palacio awan ti kiniddawna a pastrekenda isuna, wenna naguray iti pormal a pacdaar. Nagcawes iti nalaad a cawes a gagangay nga isuot dagiti mammadto iti dayta a tiempo, linabsanna dagiti guardia, silalawag a saanda a nadlaw, ket nagtakder iti apagbiit iti sangoanan ti masmasdaaw nga ari.”—*The Prophets and Kings*, 120, 121.

4. AGSURSURO MANIPUD KEN ELIAS

- a. **Apay a dagiti cararag ni Elias para iti Dios a amangriing iti nagapostasia nga iliNa ket naited cas pagwadan para cadatayo? Santiago 5:17.**
-

“Dagiti masansan a maulit-ulit nga apela, panagsalungasing, ken ballaag ket napay a mangyeg iti panagbabawi ti Israel. Dimtengen ti tiempo a masapul nga agsao ti Dios cadacuada babaen cadagiti ocom. Gapu ta imbaga dagiti agdaydayaw ken Baal a dagiti gameng ti langit, ti linnaaw ken tudo, ket saan a naggapu ken Jehova, no di ket nagtquad cadagiti mangituray a pannacabalin ti nakaparsuaan, ken babaen ti mangparsua nga enerhia ti init a napabacnang ken naaramid ti daga tapno mangpataud iti nawadwad, ti lunod ti Dios ket agsaad a nadagsen iti narugitan a daga. Dagiti nagbaw-ing a tribu ti Israel ipakitada ti minamaag a panagtalec iti pannacabalin ni Baal para cadagiti temporal a bendicion. Agingga nga agsublida iti Dios a buyogen ti panagbabawi, ken bigbigenda Isuna kas gubuayan ti amin a bendicion, saan coma nga agtinnag iti daga linnaaw man wenna tudo.”—*The Prophets and Kings*, 120.

- b. **Kalpasan a pinapabaro ti Israel ti kinapudonoda iti Dios, kasano a dagiti cararag ni Elias ket maysa manen nga ulidan para cadatayo? Santiago 5:18; 1 Ar-ari 18:39–45.**
-

“Namin-innem a sipapasnec a nagcararag [ni Elias], ngem awan ti pagilasinan a napatgan ti kiddawna, ngem babaen iti nabileg a pammati indagadagna ti panagpakaasina iti trono ti parabur. No simmuko isuna gapu iti pannakaupay iti maikanem a gundaway, saan coma a nasungbatan ti cararagna, ngem nagtultuloy agingga a dimteng ti sungbat. Addaantayo iti Dios a dagiti lapayagNa saan a nakaserra cadagiti cararagtayo; ket no paneknekantayo ti saoNa, padayawanNa ti pammatitayo. KayatNa a dagiti amin nga interestayo mailaga cadagiti interesNa, iti casta sitatalged a mangbendicion cadatayo; ta saantayo nga alaien ti dayag iti bagitayo nupay cucuatayo ti bendicion, no di ket itedtayo amin a pammadayaw iti Dios. Saan a kanayon a sungbatan ti Dios dagiti cararagtayo iti umuna a gundaway nga umawagtayo Kencuana; ta no aramidenNa daytoy, mabalin a saantayo nga ipateg nga addaantayo iti kalintegan cadagiti amin a bendicion ken pabor nga intedNa cadatayo. Imbes a sukimatentayo ti pusotayo tapno kitaentayo no adda aniaman a dakes a sangsangailientayo, aniaman a basol a palugodantayo, agbalintayon a natagubaya, ken ditay mabigbig ti panagpannu-raytayo Kencuana, ken ti panagkasapulantayo iti tulongNa.

“Impakumbaba ni Elias ti bagina agingga nga addan iti kasasaad a dinan alaien ti dayag iti bagina. Daytoy ti kasasaad a denggen ti Apo ti cararag, ta itedtayon ti pammadayaw Kencuana.”—*The SDA Bible Commentary*, vol. 2, pp. 1034, 1035.

5. PANANGIPAAY ITI CAS KEN CRISTO A KINADUNGNGO

- a. **Iti baet ti pannakaupay nga in-gabsuon cadatayo dagiti addaan depekto a tattao iti natnag a lubong, buyogen ti ania a maudi nga apela nga iserra ni Santiago ti suratna cadatayo? Santiago 5:19, 20.**

Saan nga ipaay iti agbiddut ti maysa nga okasyon ti uppapay. Dimo ipalubos ti maysa a kinatangken ti Fariseo a sumrec ken mangdangran iti cabsatmo. Awan coma ti napait a pananguyaw a tumanor iti panunot wenno puso. Awan coma ti maris ti pananglais a maipanayag iti timec. No agsaoca iti bucodmo a sao, no alaem ti ugali a di mangigin-gina, wenno mangipakita iti panagsuspetsa wenno duadua, mabalin a paneknekanna ti pannakadadael ti maysa a cararua. Kasapulanna ti cabsat nga addaan iti puso a mannakipagrikna ti Natataengan a Cabsat a ti pusona napakumbaba, nasagid iti puso ti nataoan. Mariknana coma ti napigsa a panagin-niggem ti mannakipagricna nga ima, ket mangngeg ti arasaas, icararagtayo, mangted ti Dios iti nabacnang a capadasan cadacayo a dua. Ti cararag pagkaykaysaennatayo iti maysa ken maysa ken iti Dios. Iyegna ni Jesus iti sibaytayo, ken mangted iti matalimudaw, mariribukan a cararua iti baro a pigsa a mangparmec iti lubong, ti lasag, ken ti diablo. Ti cararag ibaw-ingna dagiti panangraut ni Satanas.

“No ti maysa umadayo manipud iti nataoan a kinaimperpecto tapno imutectecanna ni Jesus, mapasamac ti nadiosan a panagbalbaliw iti kababalin. Ti Espiritu ni Cristo nga agrabtrabaho iti puso itunosna dayta iti ladawanNa. Ket, bay-am ti panagreggetmo a mangitag-ay ken ni Jesus. Maiturong coma ti mata ti panunot iti ‘Cordero ti Dios, a mangickat iti basol ti lubong. Juan 1:29. Ket bayat ti pannakipasetmo iti daytoy a trabaho, laglagipem nga ‘isuna a nangkumberter iti managbasol manipud iti biddut a dalanna, isalacannanto ti maysa a cararua manipud ken patay, ken ilemmengnanto ti nakaad-adu a basol.’ Santiago 5:20. .

“Iti pammakawan ti Dios ti puso ti nagbiddut ket maiyasideg iti naindaclan a puso ti Awan patinggana nga Ayat. Ti panagatab ti nadiosan a panangngaasi agayus iti cararua ti managbasol, ken manipud kencuana agturong iiti cararua ti sabsabali.”—Christ’s Object Lessons, 250, 251.

*Viernes***PERSONAL A PANGREPASO A SALSALUDSOD**

1. **Cadagiti ania a panawen iti biagco a nakitac ti nawadwad nga asi ti Dios caniac?**
2. **Kadagiti ania a pamay-an a mabalin a nakabasolac iti panagipagarup maipapan iti salun-atco?**
3. **Kasano a nasungbatan ti cararag ni Elias maigapu iti nacionna?**
4. **Apay a kasapulan nga agcararag ni Elias iti adu a daras tapno agsubli ti tudo?**
5. **Siasino ti rumbeng a maaddaanac iti ad-adda a pannakipagrikna, ken apay?**

Umuna a Pangsabado a Daton



October 5,
para iti “Capilia ti
Reading, Pennsylvania,
USA.” see p. 4

Noviembre 2,
para iti “Departamento iti
Literatura ti Conferencia
General” see p. 25



Diciembre 7
para ti “Angolan Union
Headquarters “
see p. 51